

UTL AT DOWNSVIEW



D RANGE BAY SHLF POS ITEM C
39 12 05 14 10 007 3

ANG 16/8/60

DR
571
R4


Refik, Ahmet
İki kōmīte, iki kıtāl


PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

Suppl. P 3/2

9/m





Refik, Ahmet

احمد رفیق

ایک فوبہ ، ایک قتال

İki kōmīte, İki kıtā

❦


استانبول

کتابخانہ اسلام و عسکری ، ابراہیم سلمی
باب عالی جادہ سی

۱۹۱۹

طبعہ اورخانہ

DR
571
R4



935061

(ایکی قومیت ، ایکی قتال) عثمانلی تاریخینک خبیع صحیفه لرندن
بریدر ؛ سلطان حمید ثانیئک استبدادینه نهایت ویرمک ایچون روم
ایلمندن چیقان عسبانی متعاقب دولتک اجلاف النده کچر دیکی اون
سنه لک یغما دورینک صوک صفحه سیدر . عثمانلی تاریخنده ، فی الحقیقه ،
یک قاریشیق و عادتاً نفرتله یادایدیله جک دورلر واردر ؛ فقط هیچ بری
بو زوربالر اداره سنه مقیس دکلدر . حسن نیتله باشلایان ، نتیجه ده
قوجه بر دولتک اضمحلالیله نهایتله ن بو دور ، عثمانلی تاریخینک اک
ایم صفحه سیدر . هیچ بر زمانده عثمانلی ملکی کندی افرادی
طرفندن بو درجه ظالمانه بر غدره اوغرا نامشدر . هیچ بر دورده
عثمانلی دولتی درت بش زوربانک شقاوتی یوزندن بو مرتبه آجیقلی
بر فلا کته گرفتار اولماشدر . هیچ بروقتده عثمانلی پادشاهی ، اطرافنده
دو کوان قانلردن ، سونن خانانلردن بی خبر ، کچی بر سلطنتک
رونق لری ایچنده ، بدبخت ملتک فلا کتنی ادراک ایدمه رکه اجدادینک
مقدس میراثی دشمنلره پارچالا تامشدر . سلطان محمد خامس دوری
عثمانلی تاریخینک اک منحوس صحیفه سیدر .

بو کتابده انسانیتدن باشقه هیچ برشی نظر دقته آلتایارق صرف
حقیقت تصویره چالیشمشدر . انسانلر اولدیرمک ، طویراقلر قاپیشیق ،
بشریق قان و آتش ایچنه بو ضیق ایچون کوستریلن احتراصلر نظریمزده کلیاً
مردوددر . سومن بر قلب ، طویان بر روح ، حسن و صنعتی تجیل
ایدن بر دماغ ، دائماً معزز ، دائماً محترمدر . بو فوجیع دورده
تورکلردن وارمنیلردن ایم بر صورتده حیاتلرینه نهایت ویره نلر ایچون
روحم متساویاً مضطربدر .

بو کتاب ، فتح ایدلدیکی مبعجل کونلردن بری هیچ بر دشمن

آياغی باصمايان كوزل استانبول استلاخيلرك چيزمالي آلتند
 چيكنه نديبي بر زمانده يازلمشدر . مندرجاتي بودوري ياشايانلرجه
 واقعا معلوم شينردر ؛ فقط يوزسنه صوكر اكله چك بر مؤرخ ايميون
 بو اوراق كتاب ، حقيقي بوتون فجيعلريله كوستره چك بر وثيقه
 اولاجقدر . بو يوك آمله ، ۱۶ كانون ماني ۱۹۱۹

احمد رفيع

ایکی قومیتہ، ایکی قتال

— ۱ —

اسکیشہر ۲۰ اپریل ۱۳۳۱

بدبخت آناطولی بنہ سفالت ایچندہ ایکلہ یور .

ترہ نلر طولوسی عسکر ، آج وچیلایق ، سورو سورو مقتلہ
کوتورولیور . بنہ بیگلرجه عائلہر آج قالاجق ، بیگلرجه معصوملر
یالین آباق ، بلاسپارہ لرایچندہ ، نفقہ سی اوتلرلہ تأمین ایدہ جک . اوکسوز
قالان یاوروجقلرک بدبخت آنالری ، کویا عدالت ایچون کوندریلن
غدار مأمورلرک قارشیلرندہ ، باشلری پاچاورالرلہ اورتہ رک ، آیاقلرندہ
لیمہ لیمہ شالوارلر ، طوپراق بللہ مکدن شکافی غائب ایدن بوروشمش
الارینی اورتولرینک آلتشیدن اوزاتہ جقلر ، آنالرینی بابالرینی جھانہ
واحتراصنہ قربان ایلہن حکومتک مرتکب مأمورلرینہ یالوارہ جقلر ،
آغلایہ جقلر ، صیزلایہ جقلر ، بویونلرندن پارہ لری قوباریلہرق ، اولرندن
تخملقلری آلہرق ، تارلارندن اوکوزلری صاتیلہرق ویرکی نامنہ
غصب ایدیلن پارہ لرینی وحقلرینی ہیچ برزمان خاطرلرینہ کتیرمیرک
ظالم برحکومتدن صدقہ ، احسان ، عاطفت دیلنہ جکلر ...

اسکیشہر دہ بر سکونت وار . عثمانلی سلطنتک ایلک قہرمانلق
دورلرینی یاشایان بو کوزل بلدہ عمرندہ کورمیدیکی بر وظیفہ یی ایقا
ایدہ جک : برزمانلر سلطنت تأسیسی ایچون سقاریا اوولرندن بیژانس
سورلرینہ طوغری آقینلر ایدن قہرمان عثمانک ضعف واهمال ایچندہ
یاشایان حیددی سنہ لردن بری تورہ دیلر آئندہ بازیحہ اولمش ،
شمیدی سلطنتی ، پاتختی ، تروقی ، سرایلری ، جامعلرینی

جہل و حماقتك قربانی اولان تبعہ سنی براقارق قاچاق ، سرایلرینك شوكت و داراتی ، سلطنتك دبدبه و احتشامنی ترك ایدہ رك كویلولر آردہ سنہ صیغینہ جق . خزینہ هایون چوقدن قونیہ طاشینمش . . استاسیون جوارندہ کی ظریف ارمی اولری بوم بوش . ترونیله ، تجارتیله فائیت کوسترن بوغصر ، حکومتك امرینہ تابع اولمش ، اولرینی بوشالمش ، اسکیشہرك یوقاری محلہ لری چکلمش ، شمدی بوتون بوشالان اولر ، قیمتدار خالیری ، ظریف اوطلہ لری ، قاپانمش قاپیلریله ، عادتاً فرادیلرک تشریف لرینه منتظر . اسکیشہرك اك معتا ، اك كوزل اولری استاسیون جوارندہ . بوشالر آلمانلرک هنوز دیوارلری بادانہ دن محروم ، طیشی بیله صیواناماش مکتبلری سلطان محمد خامسه ، جسم برارمنی قوناغی شہزادگانہ ، صاری صو کوپریسی جوارندہ قناریہ صاریسی رنکسندہ یان یانہ ایکی ارمی اوی طاعت بکله یار غاری جانبولت بک ، ایچریدہ ارمی محله سندہ . محترم بر ارمی کوشکی طوپال اسماعیل حق بہ ، استاسیونہ یاقین ، او طورمایہ صالح بوتون اولر اتحادك اك مهم رجالنه تخصیص اولونمش . شہردہ خفیہ لر ، ژاندارملر ، پولیس لر ، استاسیونہ جاسوسلر ، ہرشی احضار ایدلمش . غربدرک ، سلطان عبدالحمیدك خفیہ لری تلغین ایدہ رك ملتی اغفال ایدلر ، اسکیشہرہ قاچازدن اول ، ایلک اوکجہ قوناغی مفرزمسی مقامندہ اورایہ خفیہ لری و پولیس لری کوندرمشلر . زوالی اسکیشہر خلقی ، برزمانلر حق و حریت نامہ بایراقدار ولینك بایراغی آلتسندہ طوپالنامایہ حاضر لانیرکن ، شمدی قیلبری انتقام حرصلہ طولو ، عاجز ، زبون ، قوتدن ، مقاومتدن ، ہرشیدن محروم استانیول جانیلرینك گلہ سنہ انتظار ایدیورلر .

کونلر کجدی . بورصاق صوبی یشیل سازلر ، کوموش بایراقلی سوکودلر ، کلکون چیچکلر آردہ سندن آقبور ، سلطان سلیمان قانونینك وزیر مصطفی پاشانك قورشونلی جامی یوقاری محلہ نك اولری آردہ سندن بارلاق ماضیمزك دینی بر آبدہ سی شکلندہ ، کچمش کونلرک

عظمتی کدرلی و مغموم کوکلریمزه الهام ایدیور . قارشیده ،
یوکسک برتبه اوزرنده ، غروبک آتشری ایچنده یوکسه ان خراب
برحصاره ، معظم برسلطنتک متروک و پریشان برشاهدی کبی آقشامک
ارغوانی سیمسری آرمهنده غائب اولیور . استاسیونده مانمی بر فعالیت
وار: بدبخت وطنک محتاج اولادلری ، آرقه لرنده بولیس اونیفورمه لری ،
الارنده کاغدلر ، یاشماق ، فقط ظلمه آلت اوله رق یاشماق ایچون
برشیلر یازیورلر ، هیچ شهسز وطنه اهانت ایدنلرک ، آتی یوز
سنه لک بر دولتی اوجورومه سوروکلرینلرک ملوث حیاتلرینی محافظه
ایچون چالیشیورلر ، اسکی شهره کلنلری قید ایدیورلر .

کونلر کجدی . استانبولدن هیچ برکن یوقدی . فقط ایک فراری قافله سی
اسکی شهره چوقدن برلشمشدی . اسکی شهرک قرمزلی چارشافلی ، کالی
چورابلی ، اوموزلری بوچه لرله قانبورلاشان قادینلری آرمهنده ، یوکسک
اوکچلی اسقارینلری ، آزورلی ایک چورابلری ، ظریف چارشافلریله
استانبول خانملری ده کوریلوردی . بوتون استانبول فرادیلری آرمهنده
معروف بر سیا ، هرکسک نظر دقتی جلب ایدیوردی : آرقه سنده
سیاه صالطه سی ، آياغنده کنیش نالواری ، ایری و آتی صقالیه اسکی شهر
سوقاقلرنده طولاشان بوزات ، استانبول خلقک حیثیتی ، ناموسنی ،
شرفنی ، حقنی محافظه ایچون انتخاب دکل ، فقط اتحاد و ترقینک تعیین
ابتدییکی محترم بر مبعوندی . آرتق بک صریح کوریلوردی که ،
مملکتده اخلاق ، منانت ، شرف و حیثیت قالمامشدی .

کونلر کجدی . نه خبر ، نه یار ، هیچ برشی کلبوردی . فقط بو
کله جگر یار دکل ، دار آغاجنه چکیلرک اشقی ایدی . مملکت
سنه لردن بری بو اشقیانک استبدادی آلتنده ایکه بوردی . وطنک
اضمحلالنه ، تورک لرک فلاکتسه سبب اولانلر ، آتی عصرلق بر دولتی
آتی سنه ایچنده مضحک و پریشان ایلدکارینی قطعاً دوشونمیرک
آچلقدن اولدیردکاری آناطولینک آغوشنه قاچاقلوردی . استانبول
خلقی کندیلرینی فلاکتسه آمان ، غائله لرینی دشمن عنصرلرک تجاوزلرینه

براقان بوغاصب حکومتک ظلمنه الآن تحمل ایدیوردی .
 استانبول جدا تهلکده ایدی . چاناق قلعه مدھش قوتلرله
 صارصلیوردی . استانبولک ضبطی استلاخیلر ایچون یک مهمدی .
 نابولونک « جهان حاکمسی » تسمیه اییدی کوزل بلده استلافخیلر
 طرفدن ضبط اولوندیقی تقدیرده آلمانیا ده میر چنبر ایچنه آله حق ، چارک
 مغلوب اردولری انگلیز و فرانسز قوتلریله دریلرله جک ، بشریتی قان و آتش
 طوفانه بوغان مدھش حرب بر آن اول ختامه ایره جکدی . استانبولک
 آلمانسی بوتون عثمانلیق و تورکلک ایچون بویوک بر فلا کتدی .
 استانبول خلقی ایچون حقیقی تهلکه ، شهره کیره جک دشمنلر دکلدی ؛
 عصر لردنبری عثمانلی نامی آلتنده یاشایان ، عثمانلیلرک جهانندن
 واداره سزلکنندن ضرر کورن ، شمدی دشمنندن زیاده تورک
 اضمحلاله یاردیم ایدن روملر وارمنیلردی . عثمانلی قیلرنده فرانسزلره
 محبت ، انگلیز سبیحه سنه حرمت باقیدی ؛ برقاچ سندن بری دوام ایدن
 حرب بو اعتمادی بردرلو سوندیره مه مشدی ؛ همان تورکلرک اکثریتی
 آلمان اتقاقی قلاباً تلغین ایلر بورلر ، فقط حکومتک اغفالانسه قاپیلانلر
 بو اتقاق حرب عمومی فلا کتندن قورتولوق ایچون یکانه چاره تاقی
 ایلورلردی . حق مدنی دشمنلرک سلاحدن ، حقدن ، سعادتدن
 محروم یاشایان خلقه برشی یایمایه جقلمیسه ده امینلردی ؛ اونلر ایچون
 اک مدھش دشمنلر ، برلکده یاشادقلری عنصرلردی .

بالقان حربی بوکا پارلاق بر مثالدی : یونانیلر کیردکلری
 شهرلرده تورک عنصرینی احیا ایتشلردی ؛ شهرلری یاقشیلر ، ملیت
 اداسنده بولوناجق هیچ بر فرد بر اقامشلردی . عثمانلی تبه سندن
 اولانلر ده حربه بدایتده یونان اردوسنه قاجمشلردی ؛ قاجمايه
 موفق اولامیانلرده ، محاربه نیک الک قیرغین زمانلرنده اتحاق ایلر مشلر ،
 عثمانلیلردن آلدقلری قورشونلرله بد بخت تورک عنصرینی احیا
 چالیشمشلردی . غیر مسلم عنصرلرک استیلاکار دشمنلر برلشدکلری ،
 برسنه اول قومشو صغتیله یاشادقلری تورکلری سونکولرله ،

یجاقولرہ احما ایلدکری فجیع منقبہلر شکندہ ایشیدلمشدی .
استانبولده ناموس ، عرض ، مال ، جان ، همان مرشی تہلکدہ
ایدی . برزمانلر : « یاشاسین ! » نداسیلہ کندیلرینہ قاتللر حاضر لایان
خلق ، شیمدی اونلرک ظلملرینہ وجہالتنہ قربان اولاجقدی . استانبول
خاق بوفلا کتہ مستحقدی ؛ فقط آرہدہ ، معصوم ، بی ظرف ،
بی کناہ برا کثرت واردی . اتحاد حکومتی بوا کثرتی ، حتی بوتون
استانبول خلقی نظر اعتبارہ آلامشدی : اونک ایچون یکانہ چارہ
قاجقدی ؛ ذلیلانہ اولسہ ینہ قاجاق ، وطن باتسہ ینہ قاجاق ،
تورک عصری مضمحل اولسہ ینہ قاجاق ، قانلی لاری ، جاہل
دماغی ایلہ قاتللر کبی فرار ایدہ جکدی . یکانہ مقصد کندیلرینک
قورتولماسیدی ؛ خلق ایسترسہ دشمن آیاقولری آلتندہ چیکنہ نسین ،
عائہلر سونکولرہ یریشان ایدیاسین ، معصوم یاورولر ، عقیقہ قادینلر
یجاقولر آلتندہ جان ویرسینلر ، اونلر ایچون بونک ہیج بر اہمیتی
یوقدی

کونلر کچدی . فقیر آناطولی ، چیپلاق اولادلرینی ، باغرلری
یانیق چوجقلرینی سرحدلرہ کوندردی . چناق قلعه نک طارجہ ہسندہ
بوز بیگلر جہ عثمانلی کوکسلرینی آجدی . قانلی سینہ لرینی ، سقط
عضولرینی ، کسکیک قوللرینی بدبخت وطنی قورنارمق ایچون سہپر
ایتدی ، چناق قلعه نک طارجہ ہسندہ عثمانلی جسدلرندن سہپرلر
وجودہ کلدی ، استانبولده سلطنت سورہ نلر بوقاتلرہ ملعہ جسد ،
کوکدہ ، باش ، قول ، باجاق بیغینلرندن مرکب مقدس بر سہپر
کریسندہ اک شنیع ظلملری اجرا ایتہ کدن کری طورمادیلر . بو
قوللرک صاحب لرینی ، بوجسدلرک یاورولرینی ، بوباشلرک فضل و کمالہ
محتاج اولانلری استانبولده آچلقدن اولدیردیلر . بشریت تاریخی بویلہ
یرظلم قید ایتہ مشدی .

بو کوزل وطنک ہیج بر صاحبی یوقیدی ؟ - بادشاہمی ؟ - ہیوات !
عثمانی تختی همان آتی سنہ در سلطان محمد خامس اشغال

ایدیووردی . بو اشغال ، عثمانی دولتی ایچون بر فلا کندی . عثمانی اداره سنده پادشاه مهم بر عنصردی . مملکتک محترص و جاهل قوتلرینه قارشی یکانه ناظم ، پادشاهدی . پادشاه نفوذینک عطاساتی عثمانیلر ایچون دائما فلا کتی موجب اولمشدی . سلطان محمد خامس دوری ، بدرجه یه قدر ، سلطان محمد رابعک ایلاک دورلرینی آکدیریبوردی . اوزمانلرده بر قاچ توره دی ، حمیت کسوه سنه بورونه رک ، سلطان ابراهیمک ظلملرینه قارشی عصیان ایتمشلردی . فقط حکومت اللرینه کچر کچمز سلطان ابراهیم زمانی خلقه مومله آراتمشلردی . سلطان محمد خامس دوری بوندن ده بدتردی . آغالر سلطنتی ، اوزمانلر ، آنجق ایکی اوچ سنه دوام ایتمشدی ، سلطان محمد خامسک فاصله سلطنت دوری ایسه آتی سندر دوام ایدیووردی . مملکتک اضحلال ایچنده ایدی . اوتوز اوچ پادشاهک آتی عصرده قانلر دوکهرک فتح ایلاک لری کشورلر ، سلطان محمد خامسک آتی سنه لک دوره سلطنتنده ظلم و آتش ایچنده زیروز بر اولمشدی . قهرمان یاووزک سجده شکرانه قاپانه رق ، کوزلرندن یاشلر دوکهرک نائل اولایغی خلافت ده تهلیک یه اوغرامشدی . جهل و شقاوت اسلامیت رابطی بوزمشدی . هند و سنده ، آفریقانک هجرا چولارنده ، خلیفه نک بر اشارتیه مطاوعت ایدنلر ، شمدی ، حق وعدله رعایت ایدن ، رفاه و سادتلرینی تأمین ایله این انکلیزلرک امرلری آلتنده خلیفه اردولرینی هزیمتله کرتسار ایدیوورلردی . اسلامیتی عصرلردن بری اعلا ایدن عثمانیلر بر اووج اشقیا النده بازیمجه اولمشلر ، اسلامیتک تمایلی اللریله یقیوورلردی .

وطن دشمندن هر ضربه یدکجه ، عثمانی سینه سی دشمنک مددش مرملریله قانلر ایچنده ده لیندکجه ، سلطان محمد خامس خرقه سعادت دازه سنه کیدیور ، آق صقالی ، مائی کوزلری ، تترک اللریله سجده نیازمه قانیوردی . پادشاهک معصوم قلبدن چیقان مناجات صدالری خرقه سعادتک آتولنلر ، یالیزلر ، صیرمهلر ، یشیل ایلکلر ، نظر

قریب چیلرله مزین دیوارلرینه عکس ایتدیکه ، الیم برعکس صداء
جلوسنک ایلک کونی ، بیه عینی محله سلطان محمد خامسک لسانندن
چیقان بردعانک عکسلری بومقدس محاک قهرلی اوزرنده آجی بر
ماتم صدامی کبی ایشیدیلوردی :

— یاربی ! بکا خلع فلا کتی کوسترمه . .

فقط آرتق خلع لروم قالمشمیدی؟ عثمانلیلک، حتی تورکلرک
عصرلردن بری بارلاق و محاشم بر صورتده دوام ایدن سلطنت
واستقلالی، دشمن سونکولریله خلع ایدلمیورمیدی؟ سلطان محمد خامس
دیندار ، مشفق ، حلیم ، معارفی سور برپادشاهدی. فقط سلطان
عبدالمجیدک طالعسر شهزاده سی یوکسک مزیتلر کوستره جک مناته
مالک دکلدی . زهد و تقوای، صفوت قلبیه سی، حتی «ملک خصلتلی»
ملتک سعادتی تأمین ایدلمیوردی . بونک ایچون باشقه فضیلتلر ،
باشقه مزیتلر لازمدی. سلطان محمد خامس ، اجدادنن بر پادشاهک،
سلطان محمد رابعک یدی باشنده کوستردیکی جلادت و مناتی یتش باشنده
بیله کوستره میوردی . عثمانلی تاریختده بومذبذب ، ظالمانه ، قهارانه
دوره نظیره اولا بیله جک هیچ بردور یوقدی . هیچ بردورده
پادشاه بودرجه نفوذسز دکلدی ؛ هیچ بردورده اشرا ، اولاد
وطنک معصوم و جوال اولانلری بودرجه خانانیه برظالمه دار آفاجه
چکمه مشدی ؛ هیچ بردورده اخلاق و محیط بودرجه تفسیخ ائمه .
مشدی . هیچ بردورده عثمانیلر بودرجه صاحبسز قالماملردی .
حتی سلطان مراد رابعک ظالمانه ، سلطان ابراهیمک خفته محکوم
اولانلرک مقداری بیله بودرجه یوکسک دکلدی . هیچ برپادشاهک
جلوسی ، وطنداش جسدلریله ، انسان نعللریله تهیل ایدلمه مشدی .
سلطان عبدالحمیدک ظالمانه اداره سی ، بوعتساف دوری یاننده سیاست
ومدینیت نقطه نظرندن سالم بردوردی . ۱۰ تموز حادثه سی
متعاقب سلطان عبدالحمید دورنی ترضیل ایدنلر ایچون آرتق استغفار
ذنوب فرسادی . عبدالحمید دورنده الک زیاده نظر دفته آله جق

شی ، پادشاهك شخصیدی . فقط پادشاه ، بردی . شمدی بر
 سورو توره دی سلطان محمد خامسك تخت و سلطنته تفوذلیله ،
 استبدادلیله اشتراك اییدیورلردی . سلطان محمد خامس بواسطه
 فرقه دهکدی . برزمانلر اوفاق بر (اوزی) قلعه سنك سقوطی
 سلطان عبدالحمید اولك وفاته سببیت ویرمشدی ؛ شمدی
 عثمانلی وطنك اك قیمتدار پارچه لری دشمن الینه کچور، سلطان محمد
 خامس ، مملکتك فلاکتدن بی خبر، اعدام فرمانلری امضالایوردی.
 خلق، سلطان محمد خامس زمانی الیم برشامت دوری تلقی اییدیوردی،
 و بو تلقینسند ه قیلیدی ؛ سلطان عبدالحمیدك جلوسنده آغاچلره
 فنارلر آصیلیردی؛ سلطان محمد خامسك جلوسنده صارارمش ، یالین
 آفاق، باشی آجیق انسان نعللری، ضابطلرک، عسکرلرک، منورالافکار
 کنجیلرک جسدلری آصیلمشدی. آلی یوز سنهک عثمانلی تاریخنده
 استانبولی تارومار ایدن متوالی یانغینلرک اک مدهشلی سلطان محمد
 خامس دورنده وقوعه گلشدی. خلق پریشان ، پانخت آتشلراجنده
 سوزاندی. قلیلر دلخون، دولتک شرف وحیثی جهل ومغالم آلتنده
 سر نکلوندی .

خلقك نظرند، اتحادجی فلاکتندن قورتولق ایچون یکنه چاره،
 عثمانلی تحننه نیک وبدی تفریقہ مقتدر، وطنه وملته آجیان، عثمانلیلک
 شرف وناموسنی پیرلک حرصنه فدا ایتمین بر پادشاهك کچمه سیدی.
 سلطان محمد خامس بو اوصافه مالک دهکدی. سلطان عبدالحمیدك نفینه
 هیچ سس چیقارمایان، دامادینک بیله هیچ برجرمی اولمادینی حالد
 اتحاد زمامدارلری طرفندن اعدامنه رضا کوسترن پادشاه ، مملکته
 خدمت ایدنه ایتمین فرق وتمیزدن عاجزدی. اتحادجیلرک سقوطی
 مخالفلرینه قارشى آلتیشلادینی حالد بر کون صوکر اتحادجیلره
 تملقدن کرى طور مامشدی. ملت ایچون نجات وسلامت چاره سی
 یوقدی؛ پادشاهك عزمنندن وادرا کندن امید ایدیله جک هیچ برشی
 قالمشدی. یالکیز ایکنجی برامید قاپسی واردی؛ اوده اعیان ومبعوثاندی.

فقط بوماید هپسندن ضعیفدی . اعیان و مبعوثان ، معین برفکری ،
 وطنک سلامتیه خادم اندیشه لری تمثیل ایده جک ماهیتده دکلدی .
 بونکه برابر اعیانک مبعوثاندن زیاده بعض حالرده جلادت کوستردیکی ده
 کوردلیوردی . اعیان اعضاسی ، مملکتک علماً و فکراً یوکسک
 سیالردن ترکیب ایتیه یوردی . ایلك تشکیکنده بدرجهیه قدر کزیده
 ویاصلی سیالردن ترکیب ایدن اعیان ، بالاخره سلطان عبدالحمید
 دورینک شورای دولتی مقامنه قائم اولمشدی . اتحاد خدمتی سبق
 ایدن ذوات اعیانه کچوردی . بونکه برابر اتحادک ظلملرینه اشتراك
 ایدنلردن برقسمنک اعیانه کچدکدن صوکر استغفار ذنوب ایندکری ،
 اتحادجیلرک ظلملرینه و شقاونلرینه قارشی مخالفت کوستردکری ده
 واقع اولیوردی . اتحادجیلر بوکاده برچاره بولمشلر ، ظلملرینی حقلی
 کوسترمک ، شقاونلرینی تماماً مدافعه ایتمک ایچون فقیه برمبعوثی اتحادک
 اعیان مرخصی تعیین ایلشلردی .

مبعوثانه کلتجه : بونلردن قسم اعظمک حق و حقیقی مدافعهیه
 مأمور ، ملق تمثیل ایدن برهیت تاقی ایدلمه لری زانددی . مبعوثانک
 اکثریتی منصوبدی ، اتحادک صادق و وفاکار بندملریدی ؛ وظیفه لری
 تجارت ، مدافعه ، جمع ثروت و سفاهتدی . آناطولینک اک هجرا
 کوشه لرندن کان بعض مبعوثلر ، دها دیللرینی دوزملمک وقت بولمادن ،
 کلینک قیزلری ، یتشمش اوغلاری ، درت بش جووجلریله برابر
 استانبولک عشوکار قاباتمه لری پیشنده ازدواج دیلمه یورلردی . دائرة
 انتخابیه لرینک سفالتی دوشونلر نادردي . حتی اک هریبی ، دائرة
 انتخابیه لرنده آچلقدن اولان خلقک سفالتی ، ثروتلرینی و تجارتلرینی
 تأمین ایچون وسیله اتخاذ ایدیورلر ، بدبخت خلقک احتیاجنی تهوین
 ایچون آلقلری و اغولرله شکرلری استانبولده صافارق سفاهتلینه
 صرف ایدیورلردی . ایچارندن برقسیمی جاهلیدی ؛ منور اولانلری ،
 اتحادک جنایتلری فضیلت شکانده کوسترن برقسم غرضه جیلرله
 محرلر و متفکملردی . برقسیمی ده اتحاد خدمتلیری سبق ایلمش

ضابطہ لردی . مع مافیہ ایچلرنده ارباب ناموس ده واردی ؛ فقط بوصف ساکت بر اقلیت تشکیل ایدیوردی . بونلرک یگانه جرملری بو آغیر ووجدانی وظیفه دن استعفا ایتمه ملری ، ظلمه قارشى ملنك حقوقى مدافعه ایدمه ملریدی .! مبعوثی بولوندقاری ملنك حقوقى علناً ، هیئت عمومیه ده مدافعه ایتمه مکده اونلرکده قصورلری واردی . مع مافیہ بواهمال یالکیز تورک مبعوثلرده دکلمدی ؛ روم وارمنی ، بتون مبعوثلر ، مؤکللرینک حقوقى مدافعه ده تکاسل کوسترتیورلردی . اودرجه ده که ، ملتداشلرینک نه تهجیری ، نه قتلى هیچ بر غیر مسلم مبعوثک اعتراضی موجب اولمایوردی . ملنك سلامت ونجانی اوغورنده حیاتی تهلیکهیه قوبولمادی ونجیانه برجلادت کوسترمکدن هان هرکس اجتناب ایدیوردی . خلقک منورالافکار ، حقیقه واقف صنفلری ، مبعوثلرک بو حرکتلرنی نفرتله تلقی ایدیورلردی .

عثمانی سلطنته مستولی اولانلر ، هیچ بر حقه ، هیچ بر خدمته مقابل اولمدینی حالدده عثمانی مالکینی عادتاً تملک ایتش کیدیلر : کسپورلر ، خزینة ملکی اسراف ایدیورلردی . بتون بو فلاکتلره قارشى خلقده اوافق بر عصیان اثری ، قلباً مؤثر بر غلبان بیله کورولموردی . بر زمانلر اتحادچیلرک انتخاب آرایه لری پیشنده ، آلارنده بایراقلر ، اوکلرنده زورنالر ، قان تر ایچنده قوشان خلق ، شیمدی آجلقدن اولیوردی . اک بیوک قسمی ایسه اللری باغلی ، پیشلرنده آچ و سفیل برعائله ، قوربانلق قویونلر کبی داوول سسلرینه قوشیور ، توره دیلرک سلطنت و احتشامنی تقویه ایچون جسدلرندن سپرلر تشکیلنه کیدیوردی . بو فلاکتده اک زیاده متضرر اولانلر بدبخت و فقیر تورک عنصریدی . ارتکاب وارثاعلنیدی . روم ، ارمنی ، سلاویکلر مغازه صاحبلری ، یقال چیراقلری ، اوچ درت آیلق بر غیبوتی متعاقب ، باره قوتیله تبدیل هوا آلیورلر ، بیاض پروسته لالریله تکرار میدانه چیقورلردی . بوسفر برلک تجارتلرنی یالکیز ، غریب و بیکیس برعائله نک ، پاریدیررک اولادینی قورشوندن قورتارامایان عاجز بر والدنه نک ، اطرافنده

اوكسوزلریله برابر آغلاشان كیمسه سز بر قادینك آجی چیغلقلری
 اخلال ایدیوردی . بعضاً بو چیغلقلرده ، زنکین مبعوثلرك ، حرب
 زنکینلرینك ذوق و طربلری آرمسندہ غائب اولیوردی . بیزانس
 بیله ، سقوطك صوك كونلرنده بودرجه تفسخ ایتیمشدی . مملکتندہ
 حرمت ، انصاف ، مروت ، هیچ برشی یوقدی . سواققلرده خلق
 آجلقدن و کدردن اولیور ، اوچوق بکنزی ، بی بحال آدیملریله
 عائله سنك نفقه سی تدارك ایچون کیدرکن ، جاده لرك ازدحاملری
 اوتوموبیل ضربہ لریله یاریلیور ، کاه بر قادین اوتوموبیل آلتندہ
 پارچه لانیور ، کاه بر فقیرك قوی قویپوردی . حربده اولنریشمیورمش
 کبی استانبول سواققلرنده فقیر خلقک پارالاندینی کورولیوردی .
 بو آشکار ظالملره قارشى هرکس ، مطیع و منقاد ، بویون اکیوردی .
 خلقک ظالملره قارشى عصیانى مشککدی ؛ بونکده مختلف سبیلری
 واردی .

اولا : مملکتندہ عین فکر اطرافندہ طویلانان کتبلر موجود
 دکدی . تجارت و زراعتله ثروتلرنی تأمین ایدنلرك مقداری آزدی .
 همان هرکس معیشتی حکومتک یاریمیلہ تأمینہ چالیشیوردی . حکومت
 قوتی اولمادن یاشامق ، ثروت صاحبی اولمق ، حتی جائی بیله قورنارمق
 مشککدی . بو سبیدن بر قیم خلق حکومتہ مطیع اولیور ، جمعیتہ
 انقساب ایدیور ، ایستہ میهرک اتحاد جیلرك قوتی آرتدیریوردی .
 مع مافیہ بوصورتله اتحادہ داخل اولانلر آراسندہ مملکتک یوارالاندینی
 اوچورومی گودن محررلر ، متفکرلر ، تاجرلرده بک چوقدی .

ثانیاً : اتحاد و ترقی اردودہ اکثریتی کندیسنه آلت ایتیمشدی . سیاسی
 بر آلت اولان اردونک یوکسکک و ملی بر قیمق حائر اولامیه جنی
 طبعیدی . ضابطاندن متصرفلر ، والیر ، سفیرلر نصب ایدلمه سی ،
 جمعیتہ منسوب ضابطلرك آرقداشلرندن اول ترفیع ایتملری ، اردودہ
 طبعاً ضعیف و احتراص صاحبی اولانلرك جمعیتہ انتسابنه میدان
 ویرمشدی . طلعتک اوتوموبیلندہ برقچ آی یاورلک ایدن ژاندارمه

ضابطہ پرینی بر مدت سوکرا والیک موقعہ کورہ نلر ، یا عین سعادتہ
 ثالثیت ارزوسیلہ انتسابہ چالیشیورلر ویاخودقلبلرنده درین برعداوت
 حسن ایدہ رک ، عسکرلکدن ووظیفہ دن نفرت ایدیورلردی . بوحالہ .
 اردونک قوہ معنویہ سی اوزرنده مضر بر تأثیر حاصل ایدیوردی .
 حال بوکہ بر اردونک سیاستلہ اوغراشامسی اسالاسادر . اردو ،
 یالکنز بروظیفہ بی بیلملی در : وطنک مدافہ سی . اردو ، منفعتلری
 تألیف ایچون طوبالانان ، سیاسی اتریقہ لرلہ رقیبیلری دورمکہ چالیشان
 فرقہ لرک آلدہ آلت اولہ ماز . ہرہانسی بر حکومتہ کہ مسلح قوت
 سیاستہ ، فکرہ ، اجتماعی حیاتہ حاکمدر ؛ اورادہ استبدادہ اضمحلل
 سقوط محققدر . عباسیلرک انقراضہ سبب ، خاصہ عسکرلریدر .
 روما ایمبراطورلری ، ایمبراطورلق نفوذی برہ طوریبہ نلرہ کچدی
 ناریندن اعتباراً سقوطہ محکوم اولمشلدر .

بو حقیقتلر اتحاد ارکاچہ نظر اعتبارہ آئماوردی . قونک
 چوغالاسی ، طرفدارلرک آرماسی ، اولرچہ موفقیہ اک برنجی
 واسطہ تلقی ایدیوردی . بوسورتلہ ، اتحادجیلردن وخلقدن مرکب
 اولق اوزرہ ایکی فرقہ وجودہ کلیوردی . فقط اتحادک تشکیلاتی
 وار ، اہالینک وبی طرفلرک ہیچ بر تشکیلاتی یوقدی .

۱۰۔ بموجب حادثہ سندن بری ملکتنک باشندن ادارہ عرفیہ کیسک
 اولامشدی . مشروطیت ، لفظاً موجوددی . قانون اساسی ہان
 ہراجرا آئندہ پامال ایدیوردی . حکومت عدالتہ وقانونہ یاقلاشیوردی ؛
 اساساً موجودیتی غیر قانونی وغیر مشروعدی . ہان ایکی کشی ،
 طلعت وانور ، نفوذلری ، استبدادلری ویالانلریلہ قوجہ دولتی
 یارمقلرنده چوریورلردی . ملکیت صاحبسزدی . خلق ، حتی
 خلقک اک منورلرندن بر قسمی ، ریاکارلقده جاہلرہ بیلہ تفوق
 ایدیورلردی . بعضلری طلعتک دہاسندن بحث ایدیورلر ، اک
 آتشین ادیبلری بیلہ : «ایکمنجی یاووزا» دیہہ محترم برخاقانک نامی
 تحقیر ایدیورلردی . طلعتک دہاسنی تجیل ایدہ رک منظومہ بیلہ

انشاد ایدنلر واردی . بوتون بو دلیللر و قضااھرار کو ستر بیوردی که طاعتک یاشادینی محیط قاباچی مصطفانک یاشادینی محیطدن دھا پسیامه ، دھا ذلیلدی . قاباچی به ویا پاطر و نایه هیچ بر کیمسه منغومه یازماشدی . هیچ بر توره دی ، استانبول محیطنده بر قاج آیدن فضله یاشایا ما شدی . چونکه محیط دھا ناموسکار دی ؛ چونکه پادشاه مملکته صاحب دی ؛ چونکه سلطنت غیر مشروع قوتلری تپه له مکده عنعنوی بر جلادت کو ستر ؛ خاندان ، حقوقه تجاوزه اصلا تحمل ایدمزدی . شمدی خاندانی آوجلری ایچنه آلان ، خاندانه صبریتلر پیدا ایدن توره دیلر پادشاه بیله اهمیت ویرمبوراردی . سلا نیکن ، بش چار قهوه سندن گله بر سر کرده بتون مملکته حا کمدی .

قاینده الیزاده نفوذ صاحبی ، انور ، طاعت و جمال ایدی . صدر اعظم سید حامد پاشا ظواھری قورتاروق ایچون رأس کاره کتیرلشدی . یکرمنچی عصرک البشیر پاشاسی هیچ بر نفوذی حتر دکلدی . بوتون صدارت ، بوتون اداره و نفوذ طاعتک آلدی ایدی . طاعتک سیاستده و ادارهده مستشاری ، معوئله تعیین اولونان ، ایقای وظیفه حائله انضباط نفرینی قتل ایدن ، اتحادچی ضابطلر طرفندن محبسدن قاجیر یلاروق داخله نظارتنه قدر ارتقا ایدن بر احتیاط ضابطیدی . بو ذات ، اتحادجیلر آره سنده بویوک بر دیپلوماتدی .

وار قیاس ابت وسعت دریای رحمت نیدون

طاعتک جهلی ، اشرافه طوبیلا ناظر جهده معلومدی . حقنیده کی مدح لری ده قطعاً صمیمی دکلدی . فقط منفعتلری تأمین ایچون طاعت کی بر سر کرده نک رأس کارده بولونماسی ، کندی لرینه قوت تشکیل ایتیمی اونلر ایچون لازمدی . بناء علیه کندی لر تده بیله موجود اولمایان حاصل لری طاعتک شخصنده موجود کو ستر مک ، جاهل زور بانک آرقه سنده مرفهاً یاشامق ، مبعوث اولوق ، تجارت ایتک ، یوکسک معاشله آرپه لقلر آلدی ایتک ایچون خلق اغفال دن کری طور مامق ، منفعتلری ایجاییدی .

اوله لری واردی که، محبسدن قاتلاری قاجیر لر، هیچ بر جزایه دوچار اولمادقلری کی، مکافاتہ بیلہ نائل اولورلردی . اتحادک بوتون جنایتلری جزاسز قالردی . بر محرر ویا وطنک سعادت نامنه حقیقی سوبه یین، اتحادک شقاوتلرینی تلعین ایله یین ناموسلی و محترم بر ذات اولدیریله جکی زمان، ایچلرندن بر ضابط بو غدارانه وظیفه یی درعهده ایدر، جنایتک نروده و ناصیل ایفا ایدیله جکی تعین اولونور، او منطقهده پولیسده ایشدن خبردار ایدیلیردی . بدبخت آدم، قلبی وطن اندیشه سیه متأثر، اوینه ویا وظیفه سنه کیدرکن قاتل بر قورشونله یرلره سریلیردی . ایرتسی کون غزته لرده اوزون اوزادی به قاتلک ایزی آرانیر، بالطبع بر شی کشف ایتک قابل اولامازدی . حکومنتک وضابطه نک یاردیمیله یاییلان بو جنایتلر هپ جزاسز قالیر، هیچ بر جزا کورمیه جکته امین اولان ضابطده اتحاد فدائیس نامیله حمایه اولونوردی . بو قاتلار ایچنده باشالغه و مبعوثلغه بیله چیقانلر واردی . بو شرائط داخنده محبوسلری بکله یین اتحادجی ژاندارملره ، انضباطی تأمینه مأمور پولیسلره ، عدالتی ایفایه مأمور شخصیتلره ، اردویه ، اتحادجی حکامه ، هیچ کیمسه یه اعتماد جائز اولامازدی . اتحاد خارجنده یاشایان ملت افرادی ایچون حق ، عدالت ، رفاه ، سعادت هیچ بر شی ممکن دکلدی .

اهالیده اتحادسزلق، دولت رجالنده وقوفسزلق یک آشکاردی . اتحاد خارجنده قالان اسکی دور رجالی عزمندن وعصرک ترقیاتی ادراکدن محروملردی . عبد الحمید دورینک سرای بنده لکیله بومذبذب و پریشان دولتی قورتارمق ممکن دکلدی . بناء علیه اتحادجیلرک عزملریله برابر جهللی ، اسکی رجالک تمکینلریله برابر عزمسزلکلری خلقک منور الافکار و بیطرف رجالی دلخون ایده جک ماهیتده ایدی . قحط رجال یک بارزدی . ارمیلر وروملر مملکتک بوجالندن کاملاً نویمیدوانتقامه حاضر ایدیلر . فقط اونلری متسلط ایدن یالکز برامید واردی ، اوده ترکیه نک بو اداره ایله هر نه صورتله اولورسه

اولسون انقسامہ اوفراہ جنی وکنڈیلرینک آرتق بوسبتون قورتولہ۔
 جقاریدی . مع مافیہ بوادارہ دن تورکلرہ بیزاردی ، فقط اونلر ایچون
 نہ بر استنادکاه ، نہ بر استقلال ازوسی ، هیچ برشی یوقدی . تورک
 کندی وطنندہ اک عاجز ، اک استنادسز بر قوتدی . سلانیکیلر
 بیلہ تورکی اسلامیت کسوسہ سی آلتندہ اغفال ایدرلردی . تورکلردن
 زیادہ موسویلرہ تشریک مساعی ایدن دوتملر ، مغازلرندہ موسوی
 قوللانیرلر ، تورک بولوندورمازلردی . بو حقیقی راس کارده بولونانلرده
 قسماً آ کلامشلر ، روملرک یونانیلک ، ارمیلرک ارمستان ، عربلرک عربلی
 مسئلہ لرینہ قارشئ اونلرده بر تورانجیلق مسئلہ سی اورتہ یه چیقارمشلردی .
 اتحادجیلرک بو غایہ لر پیشندہ قوشمالرینہ اک زیادہ اجرای تأثیر
 ایدن سبب ، گندیلرینک روم ایلیدہ یونانیلرہ وبلغارلردقارشئ چتہ جیلک
 یامش اولمالری ، بلغار و یونان اصوللری نیمنہ اتحاد ایتلیدی .
 بلغارلر کنڈیلرینہ خصم عنصرلری ناصیکہ کوکندن تمیزلرلرسہ ،
 یونانیلر ماکدونیدہ کی اسلاملری ناصیکہ قلیجندن کچیرلرلرسہ ،
 اتحادجیلرده کنڈیلرینہ مخالف محررلری اولدیرلر ، روملری
 وارمنیلرده عین فلاکتہ دوچار ایلمکی دوشونورلردی . بو یوقاؤلرہ
 ملی تجارتلر بو دوشونجہ نک مقدمہ سی کیدی . فقط ملی تجارت ،
 تورک عنصرینک سعادتہ مدار اولمقدن زیادہ فلاکتی حاضر لامشدی .
 طوبال اسماعیل حقینک ملازملیکدن و بیطارلقدن مستغنی کنج
 معتمداری ملیت محبتلری سوراق محبتلریلہ مزج ایدہ جک طاقدن
 کیسمہ لردی . بونلرک پیشلرندہ بر موسوی ، بر روم ویا برادمنی ،
 کویا ملیت نامہ تجارت ایدیورلردی . اولاری یالکسز رومہ کاروبرن
 لوازم شمدی برده تورک حصہ دارک منفعتی ویرمکہ مجبور اولیوردی .
 جمعیت منتسبلرینک تجارتہ آتیلماسی ایسہ آرتق مناقصہ لردہ ،
 مزایدہ لردہ اورناققلر وجودہ کتیریور ، زوالی ملت حربک اک
 آجی فلاکتلری ایچندہ کیسمہ سنی بوشالمق مجبوریتندہ بولونیوردی .
 یونظم هیچ برملتک تاریخنده کورولمہ مشدی .

حرب عمومینک باشلانمچی توران املاری ایچون عادتا تعایقات
 مبدائی یرینه کچدی . معارف نظارتی بوفکرلرک کور بر آتی اولدی .
 برزمانلر مزین صحنلرده ، ای یی توران ، سوکی اولکک ، سکا یول
 زرده ، دییه آغلایانلر و بایلانلر ایچون آرتق توران یولی آچیلدشدی .
 آناطولیی ، حقیقی تورکلک مرکزینی دوشون بیلک یوقدی . تورانده
 یاشایانلر موسقوف صفرلرده حرب ایدیورلردی ؛ حالبوکک وطن ،
 آناطولیدن کلن آج ، پریشان ، یالین آباق ، بدبخت بابایکتلرک عربان
 سینهلریله محافظه ایدیوردی . تورانده یاشایانلر روسلرک اک منتظم
 وسائلریله اعاشه اولونیورلردی ؛ آناطولیده قلاتن طول قادینلر ،
 اختیار آنالر طوبراق قولبلرده اوت یمکدن ، قانی کوز یاشلری
 دوکمکدن باشقه برشی یایمورلردی . تورانده یاشایانلر موسقوفلرک
 عثمانلی اداره سندن یوزبیک کره منتظم وعادلانه اداره سی آئنده
 ناموسلرینی ، جانلرینی و ماللرینی محافظه ایدیورلردی ؛ آناطولیده
 یاشایان عثمانلی تورکلرینک ایسه آلتلرندن کلیملری آلیفور ، بازارلرده
 ناحق بره یرتیلری صانیلوردی . آناطولی عرفانلرلقدن ، مکتبسزلکدن ،
 قانونسلرلقدن ، عدالتسلرلکدن اولیوردی . هرشیدن اول بو آج
 خلقی دیورمق ، هرشیدن اول بو جاهل اکثریتی اوکرتمک ، بو بیچاره
 قومی حیاتک ، علمک ، معرفتک ، مدنیتک سعادتلرندن حصه مند ایتک
 لازمدی . تورک کنجکلرکک غایه سی عثمانلی تورکلرکی اولق لازمدی .
 بو غایه تعقیب ایلدیکی تقدیرده عثمانلی ارمنیسی ، عثمانلی رومی ده کندی .
 عرفانیله مشغول اولاییلر ، عثمانلیلق نامی آئنده بوتون عنصرلر
 کندی تکامللرینه جالیبیرلردی . تورکلرک برلکده یاشادقلری عنصرلر
 حاکم اولاییلملری آنجق اونردن هر فائا ، مدینتا بوکسک اولمالریله قابل
 اولاییلردی . یونانستانی ضبط ایدن رومالیر ، قلیجاریله حاکم اولدقلری
 ملکت عرفانه ، بالضروره مغلوب اولمشلردی . خصوصیلک بوفکرک
 سیاست حصولته جغرافی وضعیت ، دولتک ضعف و تنبذنی ده مانعدی ،
 بوفکر اولسه اولسه معنوی بر رابطه ایله قورودن فعله کله بیلردی .

عمومی تورکک فکرینک انتشاری ایچون بر مرکزہ ، بر محرقہ احتیاج واردی . آلمانیا بوکا پارلاق بر مثالدی . بوتون آلمانلارک پروسیا اطرفندہ طوبلانماسی ، هیچ شہر سز پروسیانک یوکسک بر عرفانہ ، ماهرانہ بریاستہ مالک اولماسنک نتیجہ سیدی . کذا روس اداره . سندہ بولوفان تورکر عثمانی تورکرندن دها زیادہ وحدت فکرینی آکلامشلردی . عثمانی تورککری ایسہ اتحاد جیلرک طرفیکیرانہ ، فرقه حسلرینہ ، فرقه احتراصلرینہ تابع اداره لرلہ اسکی مدنیتلرینی ، حیثیتلرینی ، وقارلرینی بیلہ غائب ابدیورلردی . خصوصیلہ یکرمنجی عصر حقیقی بر ملبت عصریدی . بو عصرده تمثیل دستورلرینک تطبیقی امکان خارجندہ ایدی . آوستریا - مجارستان بوکا الیقین بر مثالدی . آوستریالیرک مجارلرہ واسلاولرہ عرفانلرینی قبول ایتدیرملری امکان خارجندہ ایدی . لسانی ، ادبیاتی ، تاریخی بیان بر ملت ایچون ، باشقہ بر ملتک عرفانی قبول ایتک ، بر نوع اتحاددی . یکرمنجی عصرده بوکا هیچ بر ملتک سرفرو ایتبہ جکی طبعیدی . بوتون آوروپا ملبت هیجانلرلہ قایناشیوردی . خصوصیلہ بو عرفانی ، احایلہ ، افنایلہ ادامه ایتک ، آشکار برجنایتیدی . رومالیر قدر جسم خعلہ لر فتحہ موفق اولان اسکی عثمانیلیر بو شدتلی تدبیرہ تنزل بیلہ ایتبہ مشلردی . اولاً اسلامیت بوکا شدتله مانعدی . ثانیاً اداره لرندہ بولتان اقوامک کندیلرینہ قارشی عصبانی تحطار بیلہ ایتمز لر ، قوتلرینہ ونفسلرینہ اعتماد ایدرلردی . قافقاس طاعلرینک شمال اتکلیرینہ قدر ایلرلہ بن عثمانی باشلاری بوجسم خطہده ساکن ارمیلردن هیچ بر فردک برونی قاناتمامش لر ، بالعکس رعایانک مساعیسندن و فعالیتدن اردونک مظفریتی ، ولایتک اعمارینی تأمین ایچون یک چوق استفادہ ایتشلردی . تورک ، ارمنی ، روم اکابری عثمانی نامی آلتندہ کبارانہ ، نجیبانہ بر حیات امرار ایدر ، هر عنصر استعدادینہ وقابلیتہ کوردہ عثمانی اداره سنک مختلف شعبہ لرندہ درایت کوستربردی .

یوقاری صنف بووضعیتده اولدینی کی آناطولینک مختلف نقطہ .

لرندهده مسلم و غیر مسلم عنصرلری ، شکلا شویله طورسون ، لسان
اعتبارلهده برندن فرق ایتمک غیر قابلدی . بوتون عنصرلرک ،
بربرلرینه متقابل امینتلی واردی . (وان) ک هجرا کوشه لرندن
استانبوله کان ارمنیلر ، آوازلق خدمتی ایچون کبار قوناقلرینه کیرلر ،
حرمک اعتمادینی قازانیرلر ، عادتاً عائله ارکانندن صاییلیرلردی . ارمی
صنعتکارلری عثمانلی صنعتک اک نفیس بدیعهلری وجوده کتیرلر ،
مشرتک عرفانه خدمت ایدرلردی . بو حال ، عثمانلی وطننده یاشایان عنصرلر
ملیت امللری پيشنده قوشونجه قدر بو طرزده دوام ایتشدی . فقط
اوروپانک تورکیه ایشلرینه مداخله سی ، تورکیه دن منفعتار و امتیازلر
قویارمق ایچون غیر مسلم عنصرلرک حامیسی صفتی طاقیناسی ، بو وضعیت
صوک درجه سکته دار ایتدی . بوکا عثمانلی اداره سنک مذدب ،
بریشان برحالهده دوام ایتمه سی ده اجرای تأییدن خالی قالمادی . اصل
اک برنجی سببده بوایدی . او زمانه قدر دی نامی آلتنده رعیه لکی
قبول ایدن عنصرلر ، کندیلرینه خارجهده برحامی کوردیلر ، تاریخی
و عنعنلری او کرنیلر . عثمانیلرک پارلاق دورلرنده اوروپا عرفانی
اونلرجه مجهولدی . بوتون عنصرلر عثمانلیقدن یوکسک بر عرفان
بیلمیورلردی . شمدی ، اوروپانک فکری جریانلری اونلری ده دیریتدی .
تنظیمات و اصلاحات فرمانی خریستیانلرکده حقوقی تأمین ایتدی .
او تاریخدن اعتباراً تورکارکده اوروپا مدنیتی آکلامالری ، ملیت
جریانلری ایچنده کندی موجودیتلری تأمین ، عرفانلری یوکسکتمک
چالیشمالری لازمدی . بوکاموفق اولمق ایچون ده علم ، حق ، عدالت ، قانون
لازمدی . مع التأسف بو جهت اهمال ایدلدی . خصوصیه اتحادچیلر
بوتاریخی حقیقلره یونانیلرک و بولغارلرک عملی اصوللری ترجیح
ایله دیلر . حرب عمومینک ظهوری بوماللری برقاتدها قولایلاشیدردی .
حربک ایلمک زمانلرنده ارمنیلرک مخبراتی ، کیزلی فکرلری بو سبتده
میدانه قویدی . اکثر مکتوبلرده تورکارک آرتق بو حربده محو و لاجقلری ،
روسلره آلدن کادیکی قدر یاردم ایدلمه سی توصیه ایدیلورودی .

نہایت ارمینلرک وان قتالی ، عسکری حرکتلرہ انکل تشکیل ایتملری . اتحاد جیلرک ملی غایملری ایچون مهم بر فرصت وجودہ کتیردی . عادل و قوتنہ کووہ نیر بر حکومتک بویله بروضعت قارشیسندنہ یایاجنی شی ، حکومت علیہنہ عصیانلری تحقق ایدملری تجزیہ ایلکدی ؛ فقط اتحاد جیلر ارمینلری احما ایتک و بوضورتلہ ولایات ستہ مسئلہ سنی دہ اور تادن قالدیر مق ایستہ دیلر . اناطولینک شرق حدودندنہ ارمینلرک آرتق یوم خلاص کلدی ظن ایدملرک علی العجلہ قیامی قتاللرہ مبدأ تشکیل ایتدی . ارمنی ، تورک ، بیکرجه وطن اولادی قومیتلرک آیاقلری آلتندنہ چیکنہندی . حرک بدایتندنہ آناطولیہ استانبولدن برچوق چتہلر کوندلشیدی . بوجتہلر محبسدن چیقاریلان قاتلردن وخرسزلردن مرکیدی . بونلر حریبہ نظارتی مبدانندنہ بر هفته تعلیم کوردرلر ، تشکیلات مخصوصہ معرفتہ قافقاس حدودینہ کوندریلرلریدی . ارمنی مظالمندنہ الکیوک جنایتلری بوجتہلر ایقاع ایتدیلر . مع مافیہ شرقی آناطولیدہ عمومی بر هرج و مرج حکم فرما ایدی . بورادہ چتہلر وخلق بربرنی احما ایدیور ، قان کوکدہنی کوتوریوردی . ارمینلر روسلرہ النحاق ایتشلر ، وان شہرینہ هجوم ایدیورلریدی . حتی ارمینلرک بوحرکتلری روسلرک تقدیری جلب ایتش ، ساسانوف بومسلہیہ دائر رسمی بیانانندنہ (وان) تعرض ایدن ارمینلرک غیرت و شجاعتلری تقدیر ایلہ مشدی . فقط الک معصوم ، الک بی گناہ ، هیچ برجرملری اولمادیفی حالہ تہجیر فلاکتلریلہ تباه اولان ارمینلر ، بروسہ ، انقرہ ، اسکیشہر وقونیہ ولایتلرندنہ یاشایانلریدی .

*
* *

اسکیشہر دہ کیمنہنک برشیدن خبری یوقدی . حرب فلاکتی خلقی فنا حالہ صارہ مشدی . قافلہ قافلہ ، یالین آیاق ، شالوارلری وضتالری بارچہ بارچہ آرقہلرندنہ آلاجه انوابلر ، عسکر قافلہلری یکیوریدی . آناطولی خلقی ایچون عسکرلک مقدر بر وظیفہ ایدی . غرب آناطولینک تورکولرندنہ بیلہ عسکرلک الیم آریقلری تریم ایدیوریدی . ترملر طولوسی کچن عسکرک بعضاً اوزاقدن غریبہ

غریب تورکولری ایشیدیلور ، بعضاً تره نندن کندیلرخی آتارق
 قاجق ایستین نفرلک پارچه لاندقلری خبر آلدیوردی . آناطولینک
 کوزل و جاذب طبیعتی اورتاسنده الک طریف واک باکر بدیعه لر :
 دره لر ، آغاچلر ، چیچکلر ، اووالر و طاغلردی ؛ انسانلر ، بوکوزل
 منظرلری سفالریله ، پریشانقلریله اخلاص ایدیورلدی .

بوکوزل بوردلرده یاشایان کیمسلر ، دنیانک الک طالعسر
 مخلوقلردی : بونلر عصرلردن بری بشریتک رفاهتی کورمه مش ،
 انسانلغنی ادراک ایدمه مش ، جاهل بر حکومت النده بازیچه اولمش
 مخلوقلردی . آرتق استانبول ارکاتنی کیمسه بکله میوردی . بوغازلردن
 کچمه تهلکسی قسماً بر طرف اولمشدی . فقط استانبول مبعوثی آلآن
 اسکیشهردن آیریلامیوردی . بونلکه برابر وقتقده بوش کچیرمک
 ایستیمور ، ارده صرده قونفهرانس لر ویره رک فضل و عرفانندن
 آناطولی خلقی مستفید اتمک چالیشیوردی . بر آقشام بنه بر قونفهرانس
 اعلان ایدلدی . ایرتسی صباح ، کیدنلردن ایشیدلدی : ویریلن
 قونفهرانس عناصر حقنده ایش . محترم مبعوث خریستان عنصرلری
 تورکلر ارده سند ییلانلر و عقربلر تشبیه ایش . اوکیجه یاره
 ویره رک قونفهرانس دیکله مک کلن خریستانلر لغتله ایدره رک
 قونفهرانس سالونندن چقمش لر . ایرتسی صباح هر کس اتحاد و ترقی
 مبعوثنک سیاستنی تهییج ایدیوردی . بومتعصبانه ذهنیتی آناطولی خلقی
 ییله قبول ایتیوردی . هر کس سنلردن بری برلکده یاشادیقی قومشورلردن
 نموندی . اسکیشهرده غیر مسلم عنصرلرله تورکلر ییتنده هیچ بر
 اختلاف یوقدی . بالعکس غیر مسلم عنصرلر شهرک عمراننده
 خدمت ایشلردی . اسکیشهرک الک کوزل سوقاقلری روملرک وارمیشلرک
 او طور دقلری جاده لردی .

بر صباح ، اسکیشهر استاسیوننده مأمولک خارجی بر منظره
 کورولدی . او تاریخه قدر تره نلردن ، سقط و علیل ، یاناقلری چوکش ،
 تراشلی ، اولو بکزی ، آرقولنده بیرتیق بر قابوطه الارنده بر پارچه

قورو اکک، آناطولینک طالعمز چوجقلردن باشقه کیمسه نك
چیقدیفی کورولمزدی. شمدی جیقانلر ، چوجقلردن ، قادینلردن ،
اختیارلردن، کنج قیزلردن مرکب بر قفله ایدی.

بو اوافق قافله او قدر حزن ، او قدر الیم بر منظره ارا نه
ایدیوردی که ، یوموق قوللریله آنا سنک آرقه سنه صاریلان، حزیران
کونشنک آتشلری آلتنده، آچ وترلر ایچنده، بویونلری بو کدرک
او بویان یاورولرک حالی یوره کلر پارچه لایاچق درجه سه ایدی .
عجبا هپسی بو قدر میدی ؟ « قونییه کیده جکلر ! » دینیوردی ؛ فقط
جیلرلنده اون پاره شمندوفر نولی یوقدی . هپسی ده فقیر ، بد بخت
کویولوردی . استاسیونده ، پارما قلغک او کنده، اختیار بر قادین، قوجا غنده
صاریشین ، مائی کوزلی ، بش آلتی یاشنده بر قیز ، یاننده بر ارکک
چوجنی ، بویونلری بو کمش او طور دیورلردی . صوردم : عسکر
عائله سی ایش ، باباری عسکره آلتش . آنا لری اولمش . بو ایکی
طالعمز او کسوزی کندی بویوتیورمش ، قیزک آدینی صوردم .
— سیرانوش !

زواللی معصوم، النده بر قورو اکک ، صوبه باتیرارق دیوردی .
سیرانوشه بیه جک بولدیردم ، سودم ، او قشادم — او کوندن اعتباراً
اره مزده بر صمیمیت حاصل اولدی. فقط سیرانوش هیچ کولیوردی .
نظرلرنده، قاشلرنده ، سپاسنده بر ملال ، بر تأثر واردی . بو تهجیردن
بو ظامدن ، بو اعتسافکارانه حرکتدن روحی آزیلش ، معصوم قلبی
قیریلش ، منسوب اولدیغ ملته قارشى قلبنده درین برکین باغلامش کبی ،
ویردیکم یمشلی کوردکجه طساریلش کبی ، هیچ کولمدهن ، یوزمه
باقادن آلور، ضعیف پارما قلیله مینی مینی آغز بنه کوتوریوردی .
او کون استاسیونده، بو حزن منظره قارشیننده هر کس متأردی،
وهپسی ده بو قدر ظن ایدیلیوردی . کیجه کلن ترمن بو ظنی کاملاً
تکذیب ایدی . خط بوینده آجی بر واویلا قویدی ، استاسیونک
اووايه ناظر جبهه سنده، آغلامه لر و فریادلر ایشیدیلیوردی . قوشدم .

نہ حزین منظرہ ایدی : فنار یوق ، ضیا یوق ، رہبر یوق ، هیچ بر
 شی یوقدی . قوجاغندہ چوجقلری آغلایان قادینلر ، پریشان ساقاقلریلہ
 جبہلری طوبلایان ، یوکنی صیرتلیرنہ ووران پاپاسلر ، قان تر ایچندہ
 اشیاسنی چیقارمایہ اوغراشان ، خستہلری ، قیزلری ، چوجقلری
 طاشیان آنالر ، فقیر ، زتکین ، آچ ، سفیل بیکلر جہ عائلہ ، یوک
 واغونلرندن چیقمایہ اوغراشیورلر ، چوجقلری ، آنالری ، اشیالری ،
 غائب ایتہمک ایچون کیجہنک قارائنقلری ایچندہ چیرپینیورلردی . بو
 منظرہ بی کورمک قابل دکلدی . کوزلردن بلا اختیار یاشلردو کولبوردی .
 هیچ کیمسہ یہ یاردم ایتہمک ممکن دکلدی ، هیچ کیمسہنک امدادینہ
 یتیشمک قابل اولامیوردی . ذاتاً ایدلسہدہ ، قبول ایدن یوقدی .
 یوحقسنر ظلم قبلرندہ اوقدر درین برمایوسیت ، اودرجہ صارصلہماز
 برعداوت حاصل ایتشدی کہ ، اک عاجز ، اک بیچارہ ، اک کیمسہ سنر
 بر قادینہ بیلہ یاردم ایتہمک ایستہ نیلسہ ، قاشلری چانیور ، کینشار
 نظرلرلہ یوزیکزہ باقیور ، متین قلبی ، متأثر روحیلہ فلاکتہ ،
 آجلاغہ ، اولومہ طوغری بی پروا کیدیورلردی .

ترہ نلر بر بری ولی ایدیورلردی . ہر ترہ نل بیکلر جہ عائلہ ، بیکلر جہ
 گوی خلقی جہ یوردی . اودرجہدہ کہ ، کائناتک اسکیشہر دن سوق
 ممکن دکلدی . کیتمکدن امیدلری کسنلر ، استامیون باغہ سندنہ ،
 یول اوزرندہ ، یرلہ شیورلردی . براق کون ایچندہ اسکیشہر استامیوننک
 جوار ی اون بیکدن ، یکرمی بیکدن زیادہ عائلہ ایلہ طولنشدی . ترہ نلہ
 سوق ایدیلہ مین چولوق چوجق ، قادین ارکک ، آباقلری قانلر ایچندہ ،
 اطرافلرندہ براق فقیر ژاندارمہ ، قرہ دن گلشاردی . بو منظرہ بک
 فیجیعدی . بوبدبخت عائلہ لر زریہ کیدہ جکلردی ؟ کیمسہنک بیلدیکی
 یوقدی . شمدوفر یارم بیلتلہ بیلہ طاشمایہ راضی اولمیوردی . ارق
 هیچ بر امید قالماشدی . برچوق عائلہ بابالری ، اولادلری صوفوقدن
 محافظہ ایچون جادولرلر یامایہ باشلاشلردی . چارشیدن ، طانیققلرندن
 تحتہ لرو صیرقلر کتیریورلر ، کلیملری ، وپیرتیلری اوزرینہ اورتیورلر

ولری ، باغلری ، باغچلری ، براقان زنکین عائله لر بیله کیجه یی
طوبراقلاروزرتده کچیریورلردی . آرقق اسکیشهر جوارنده یکریمی بیک
کشیدن مرکب براردوگاه حصوله کلشدی . چادیرلر اده سنده سواقلر
آچیلمش ، بازارلر قورولمشدی . کیجه طاغلر قاراریور ، پورصاق
صوینک چاغلیتیی مدید و حزین ، تپه لره عکس ایدیور ، بدبخت
ارمنیلرک بریشان بر حالدله یاندقلری اووالرده کی ایشیقلرک سونوک
لمه لری کورویورلردی . بعضاً بوچادیرلر آلتنده بربرینه صاریلوب
یاتان معصوملرک ، قلبی تأثر وهیجانلر ایچنده ، اک طائیل امل
وسعادتی محو اولوش کورن ، صباحدن بری آغزینه برلقمه اکمک
قویمادن چادیرک برکوشه سنده اویویان زواللی برقیزک صاریشین باشی ،
ضعیف بر موم ایشینی آلتنده بارلایورلردی .

اسکیشهر ارمنیلری بومنظره دن دلخون اولیورلردی . فقط نه
یایایلیرلردی ؟ اک زنکینلری برقاچ عائله نك نقلی ایچون اده لرنده یاره
طوبلامشلر ، کندیلرینه کوره یاردیمدن کری طورمامشلردی . عجبا
عین فلاکت کندیلرینکده باشلرینه گلیه جکمیدی ؟ فقط اونلر براز
امین کی کورونیورلردی . آله بازارندن و جوارندن کلن ارمنیلرله
کوروشدقلری زمان ، خبر آلمشلردی : آله بازارنده بر چوق
سلاح بولنمشدی . فقط آله لیلر بوسلاحلرک کندیلرینه اولجه ابراهیم
یک طرفندن ویرلدیکی ، کندیلرینک قطعاً قباحتمز اولدقلری ادعا
ایدیورلردی . معنایه هر نه صورتله اولورسه اولسون اورالرده سلاح
چیقدیغی ایچون کندیلری تهجیر ایدلمشلر دیمکدی . اسکیشهرده ایسه
ارمنی مسئله بیله علاقه دار اولانلر یوقدی . خاق تجارتیه ، زراعتیه
مشغولدی . تفنک و بومبا اسکیشهر محیطنه اوغرامامشدی . بازارده ،
چارشیده ، درده بر تفنک بولوندیغی سوبله نیوردی . فقط اونکده
اسکیشهر مرکز مأمورینک معرفتی اولدیغنه هیچ شبهه یوقدی .
بوحریف اسکیشهرک اک منحوس سیاسیدی . اتحاد انتساب ایله یه رک
وزائنده وکایخان بکلکده تمیز ایدنلردن بریدی . اسکیشهر ارمنیلری ،

تہجیر ایدیلیمه جککلرندن امین، آردہ صرمدہ استاسیون جوارینہ کلپورلر، ملتداشلرینہ یاردم ایدیورلردی .

آرتق بوتون ارمنیلر، چادیرلر ایچینده، اسکیشہرم یرلشمشلردی . کندیلرینہ هیچ تجاوز ایدن یوقدی ؛ اونلرک اک غدار دشمنلری مرکز مأموریدی . زمان اولیور، آردلرندن ارککلرینی طوبلائیور، جیلرندن پارلرینی آلدیرییوردی . قادیئلرک فریادوواویلاسی اوزرینہ استاسیون ضابطلری ارککلری قورناریورلر ، مرکز مأمورینی تہدید ایدرک آلدقلری پارلری صاحبزینہ اعادہ ایتدیریورلردی .

ہفتہلر کچدی . آلآن ارمنیلرک نقل ایدلایکی کورولییوردی . برقسیمی قرہدن کوناہیہ سوق ایدلمشدی ؛ فقط بونلر قصہ بہ کیرمہ مشلر ، (آلابوند) استاسیوننده ایکنجی بر قرارگاہ تأسیس ایتشلردی . بوبیکلرجه عائللہلر ایچینده آرتق آجلق دہ باش کوسترمشدی . بیه جک ، ایچہ جک ، بارہ ، برشیلر یوقدی . نہایت اشیارینی صاعماہ قرار ویردیلر ؛ بو قرار یک فجیعہدی : اسکیشہر سواققلرندہ ، استاسیون میدا نلرندہ ، کلینک وکنج قیزلرک کوز نوری دوکلرک ، معصوم قیلرندہ طاتلی امللر بسلہرک اوردکلری دانتلارینی، ایپکلری یاتاق چارشافلرینی، اوزنہ بزنہ یایدقلری کلینک انوابلرینی قوللرینہ آملشلر ، قیرمزی چارشافلی قادیئلرہ یوق بہاسنہ صادقلری، سواق سواق طولاشدیردقلری کورولییوردی . نہ فجیع حالدی ! یوفلاکتدن جاہل خلق ، اسکیشہرک آلمانلری وروملری استفادہ ایدیورلردی . صاعماجق اشیاسی اولمایانلر ایچون دینلمکدن باشقہ چارہ یوقدی . اکثریا ، بریشان قیافتلی عائللرک قانی دیبلرندہ اوطوردقلری ، بوونلرینی بوکلرک دینسدکلری کورولییوردی . آجلق کیتہ کچہ چوغالیوردی ، صوغوق کیتہ کچہ شدتی آرتدیورلدی . کندیلرینہ چادیر یاپامیانلر، استاسیون جوارندہ کی اولرک دیواردیبلرینہ یاتاققلرینی سرمشلر، چولقلری چوجقلر بلہ برابر کچہنی سواققلردہ کچیریورلردی . استاسیون جوارندہ، سواققدہ یاتاق عائللہلر ایچینده خیرچینہ برقیزواردی

هر صباح باشی طار آتماز، آناسنه متصل اذیت ایدردی. بر صباح ،
 زوالی قالدین، آج بی علاج، قیزینك باشی طار امله مشغولدی.
 فلاکت، قلبنده بویوك بر مایوسیت حاصل ایتشدی. چو جفك
 خیرچینلی ایسه بوستون مایوسیتنی آرتدیر یوردی. قیز آغلا یور،
 باغیر یور، بیچاره قادینی بر درلو راحت طار امله بر اقایوردی. نهایت
 اوقدر متأثر اولدی که، آینه بر مقاص آلدی، قیزینك صاحبزینی
 کسمکه قرار ویردی، فقط تأثرندن اللری ترمه دی، مقاص خیرچین
 یاورونك در یسوده برابر کسدی، چو جفك باشندن چیقان قانلر
 یدنخت والدنك کویا قلبنه دو کولدی، یاورونك باشی اللری ایچنه
 آلدی، اوپدی، اوپدی، ارزیننه قاپانارق هیجقره هیجقره آغلاما
 باشلادی...

بوکی منظره لر بر دکلدی. کویلرندم ورم دوشکندمه یاتان ،
 احتضار حالده بولونان خسته لر، غلیل وحنون، یاری بلندن آشاغیبی
 طوتمیان دینتجیلر بیله جبقار ایلشدی. همان هر کون، اسکیشهر ارمی
 منارلغنه، اوکده پاپاس، آرقه ده بر قاچ فقیر عائله، یا چو جقلرندن
 بری، یا آنالری، ویا اختیار بابالری کومورلردی. فقط بودفن،
 سسر وساده اولیوردی. نه بر جان صداسی دوستلرینی طویلا یور،
 نه بر الهی زمزمه سی روحلری خشوعه دعوت ایدیوردی. بو فلاکت
 قلبلری یارالایوردی. هر کون، قادی فوج، ایی ارمی، قونوشارق
 کیدیورلردی. ایکسی ده مایوسدی. فقط ارککک مایوسیتی دها
 زیاده ایدی. قالدین زوجنی تسلیمیه چالیشدی.

— نه پاهلم، الله بویوك. البته بزی کوزم تیر.

دیدی. ارکک بردنبره قیزدی، قالدینه سرت بر نظره باقدی:

— حالا الله می دیورسك؟ الله ترمه ده؟ الله واری؟ وارسه،

بو حال نه؟

دییه باغیردی. دره به طوفانی ایلر یله یور، یرتیق قولنك یکله
 کوزلرینی سیلیوردی.

نهایت بر کون ، مشغوم بر امر کلدی : اسکیشهرده تخلیه
ایدیله جکدی . مرکز مأموری ایچون کون طوغمشدی . اوکیجه ،
اسکیشهرده مائی بر سکون حاصل اولدی . سوقاغه کیمسه
چیقامیه جقدی . اورتهلق قاراردی . برکیجه اول سکون وحضور
ایچنده آبدینلان اولرده بر اولو سکوتی حاصل اولدی . سوقاق
باشلرنده نوبتیلر بکله یور ، اولرده چکیچ کورولتوری ایشیدیلوردی .
دیمک اونلرده کیده جکلردی ؟ بر زمانلر نجره لرینک اوکنده ، محجوب
طورلری ، ناموسکار سیالری ، عقیف ادالریله دیکیشلرینی دیکن ،
ارکک سیاسی کورر کورمز باشلرینی ایجری چکن معصوم قادیلر ،
کنج قیزلر ، علیلر واختیارلر ، بدبخت چوجقلر ، دیمک اونلرده بوفلاکت
واولوم سیلابنه قاریشاجقلردی ...

فی الحقیقه اوله اولدی . ایرتسی کون ، اسکیشهرک بیچاره عائلهلری ،
الرنده برر سیت ، قوللارنده بالطولری ، حیوان واغونلرینه ییندیلر . کوزلری
باشلرله طولو ، قلیلری متهیج ، عصرلردن بری سودکلری ، او طور دقلری ،
باشادقلری اولرینی ، چیچکللی باغچه لرینی ، معزز خاطره لرینی بر اقدیلر ،
اسکیشهرک کوزلر افقلرینه ، قهرمان عثمانک عدالتنه معکس اولان
تاریخی بلدهیه وداع ایتدیلر ، قونیه اوواسنی قوشانان طاغلره ،
(یوزانعلی) نك یالچین کچیدلرینه ، الجزیره نك آتشیبن چوللرینه ،
آچلغه ، سفالته ، پریشانلغه ، اولومه طوغرو کیتدیلر ...

بو معصوم خلقی قورنارمق ایچون هیچ بر وسیله بوقیدی ؟
اسکیشهرده کی آلمان راهبله کوروشدم . استانبوله بر تلغراف چکمه سنی ،
هیچ اولمازسه ، آوستریا سفیری واسطه سیله قاتولیک ارمنیلر ایچون
اولسون مساعده آلماسنی سویله دم . قبول ایتدی . ایرتسی کون ،
استانبولدن کلن بر امرده ، قاتولیک ارمنیلرک ، عسکر عائله لرینک ،
شمندوفر قومپانیه سنده مستخدم اولانلرک قلابیله جکلری بیسان
ایدیلوردی . بواصر بر چوق عائلهلری قورناردی . کنج و کبار قیزلر ،
عادی زمانلرده کندیلرینه اوشاقلق بیله ایدمه مین آدمیله ، قومپانیه نك

خارد فرہ نلریلہ ازدواج ایتمکے باشلادیلر . بوازدواج جانلربی قورتارمق ایچوندی . ایچلرندن بر قسمی مسلمان اولق ایستہ یور ، حکومت قبول ایتبوردی .

آرتق اسکیشہر ارمنیلری ده چیقاریلشیدی . قیمتدار خالیلری واشیلاری کاملاً اولرنده ایدی . فقط حکومت یونلری ده محافظه دن عاجزدی . صاحبسز قالان اولر کویا پولیسار طرفدن محافظه اولو . نیوردی . حال بوکه کیجه لین خالیلر وطاوارلر ، قیمتدار اشیا کاملاً چالینیوردی . عین حال اذمیدک ، آطه بازارک تخلیه سی ائناسندده وقوعه گلشہ ، اشیار چالندقدن صوکر ایزی بللی ایدلمک ایچون اولره آتشدہ ویرلمشیدی . ارمنیلرک بوفلا کتندن اک زیاده نمون اولان ، یهودیلردی . فوج فوج یهودی اذمیده ، آطه بازارینه کیدیور ، فلاکتزده ارمنیلرک اشیا سیله ثروت تأمیننه چالیشیوردی . اسکیشهرده بک محدود بر مقدارده بولونان یهودیلردن بری برکون یانمه کلدی ، ارمنیلر علیهنده بولنه رق کویا یارامق ایستہ دی . نظرلربی متجسسانه کوزلریمه دیکدی :

— بک افندی ، چوق یوزهل اولدی . بییدیورلر دکلی ؟ . اوغورلر اولسون . نلر یانعامشلردی ؟ بز تورکلره نلریانعامشلردی ؟ دییور ، وطنی سون برانسان اداسیله حسیاتی دوکمه چالیشیوردی . اسکیشهرده بوکی مرانیلر بک چوقدی . فقط خلقلک اکثریتی بو جنایتلردن دلچوندی . ارمنیلر تهجیر ایدیور ، دیگر طرفندن ده نورك غنصری قافله قافله آتشه کوتورولیوردی . آناطولینک واسع اووالرنده ، کنیش و مزروع تارلارلرنده قیریق بر بویوندروق پارچه - سندن ، یوزاغی حالنه گلش صیصقه بر چفت اوکوزی بی بحالانہ اداره به چالیشان ، یالین آیاق ، سفیل ، یوزلری کونشیدن یانمش چوجقلردن باشقه ذیروح کورولیوردی . کنیش اووالرک چیپلاقلی اورناسنده بو طالعنصر چوجقلر ، عاجز بر مخلوق کھی قالیوردی . بر طرفدن ارمنیلر فلاکتہ سوق ایدیور ، دیگر طرفدن خلق آچلقدن

اولد بریلوردی . قافله قافله کچن تره نلرده یوردلری ترک ایدن
عسکرلرک مأبوس ومضطرب صدلری آجیقلی نغمه لر شکلمده عکس
ایدیوردی . بعضاً تره ، آناطولی به صوک وحزین بروداع شکلمده
آجی برجیقلق قوباریسور ، برقاق دقیقه سوکرا :

کزی باغلرندمه برتک کلم وار

ای اللهدن قوردقاز سکا بکا اولوم وار

نغمه لری تره نك تکرلک اوغولتورلرینه قاریشوردی . اوخ ...
بوترانه لرله کیدنلر نه بدبخت انسانلردی ! اونلرکده ارمنیلردن نه فرق لری
واردی ؟ ایکی سنکده غایه لری بردگی دی ؟ چونکه ایکی سنکده غایه لری
سفاتندی ، اولوم دی . ایکی سی ده آناطولینک ایکی اوجنده عمرلرینه
سعادتلرینه ، طویغولرینه نهایت ویره جکلر دی . برینک عمری چوله ،
اوبرینک دکنر کنارینه قدر دی .

استانبولده بر صبر سزلق حاصل اولمشدی . آیلردن بری سوقاق
اورتالرنده یاشایان ، یاشامق ایچون دیله ن ارمنیلرک سفیلانه
بر حیاتی یینه جوق کور دیوردی . استاسیون جواری تخلیه ایدیه جکدی .
برقاق آیدن بری استاسیون باغچه لری اشغال ایدنلر آرقق قونیه به ،
بوزانطی به سوق ایدیه جکلر دی . فقط کیمسه یرندن قیلمد امق
ایسته میوردی . همان هبسی ده قائم دیلر که ، بوزانطیده کندیلرینی بکلین
مدعش بر قوت واردی : اولوم . طاغلرک اطرافی ، چاماقلر ، اتحاد
حکومتک استانبولدن کوندردیکی چته لرله طولو ایدی . خلق اولمه مک
ایچون اسکیشهرده قالمایه راضیدی . هم زوالیلرک نه قباحتلری واردی ؟
عصیان حاضر لایانلر ، وقتیه اتحاد جیلرله برله شه نلر ، حریت واشتلاف
فرقمی اتحاد جیلری سقوط ایتدیره چکی زمان اتحاد جیلرله ظهیر
اولانلر ، ولایات شرقیده روسلرله برلکده تورک عنصرینی محایه
جالیشانلر ، اتحاد جیلرک قتاله سبیت ویره نلر ، بیکارجه معصوم
ارمنینک قاتنه کیره نلر ، قومیتلر دگیلیدی ؟ بوزوالیلر ، کویلرنده ،
باغلرندمه ، باغچه لرندمه سکون ورفاه ایچنده جالیشیورلر ، بولوندقلری

شهرلرک زراعتنه، تجارتنه، عمراننه خدمت اییدیورلردی . شمدی،
برقاچ نورم دینک جهله، قاتل قومیتلرک قاتلی احتراصلرینه قربان
اولاجقلردی . تورک کویولر برلکده یاشاقلری قومشولردن صوگ درجه
نمونلردی . حتی آله بازار ی ایله اسکیشهر اره سنده ارمنیلرله مسکون
کویلرک بر جوغنده، تورک اهالی حکومته مراجعت ایتشلر، مضطللر
ویرمشلر، قومشولرینی قورنارمق ایچون جانیشمشلردی ؛ فقط ظالم
بر حکومتنک قلینده کندیلرینک هیچ بر مرحت، هیچ بر شفقت حاصل
ایده میه جکلرینی دوشونمه مشلردی . رجالرینه و مضطملرینه هیچ کیمسه
اهیت ویرمه مشدی .

نهایت استانبولدن امر کلدی . اسکیشهره مهاجرین مأمورلری
کوندرا مشدی . بوتون ارمنیلر قونییه ، بوزانلییه ، حلب اووالرینه
کیده جکلردی .

سیرانوشی مراق ایتدم . مینی مینی یاوروی کورمک ایسته دم .
بیگلرجه ارمنینک ایچنده، اوصاریشین، معصوم، اوکسوز یاوروی
آرادم . نهایت بولدم . بویوک آناسه یالواردم :

— براق بو چوچقلری . بوفلاکت کچر . صوکره کل . بنی
بوراده یته بول . دیدم .

اختیار قادین یاشلرله طولو کوزلرینی سایه دیکدی :

— خیر، دیدی . خیر، اقتدی، صاغ اول . بزهب کیده جکلر،
برابر اوله جکلر، هم بن اونلری ناصل طاشیاچقم ؟ باباچقم شی پک
ساده : بولده اوله اونلری، صوکره کندیم ی درمه آناچقم .

قلم سیرلادی . اسکیشهر قافله قافله، ترمن ترمن بوشایوردی .
بوترمنلر قبال یوک واغونلری بیله دکلدی، قفس شکنده، هر طرفی
آجیق حیوان واغونلریدی . مهاجرین اداره سندن کلن مأموره :

— باری قبالی واغونلرله کوندراک . دیدم .

هیچ طورینی بوزمادی، لاقیدانه برسسه :

— دها ای یا . هوا آلیرلر .

جوابی وردی. یوزواللیلرک هوا آلمایه دکل ، آرتق یاشامایه
بیله احتیاجلری قالمامشدی. برکون، ینه برترن، فقط منتظم و محقش
برترن، بوسفالت قافله سی ارمسندن کچدی. انور پاشا، عالمه سیله،
شوکت و احتشامیله، از میره کیدیوردی. صباحک سیدلری آرمسند،
آج خلقی تیز برس او یقودن او یاندیردی. بر قاچ دقیقه صو کرا ،
اتحاد جیلرک حریت قهرمانی ، اللری جینده ، باشی آچیق ، تره نک
اوک طرفه چیقمش، کوزلری یوکسک افقارده، ییلدیرم کی کچوب
کیتدی. یرله سریان ، آجلقدن اولن بدبخت تبعیه باشی بیله
چو یروب باقما یه تزل ایتمه دی .

کیجه کوندوز استاسیونده مدهش بر فعالیت واردی. بر آقشام
ظریف بر مادم ، بر پاشا ایله برابر تره ندن چیقدی . صالونه کیردی.
بوفلاکت منظره سی قلبنده درین بر تائر حصوله کتیرمشدی. کوروشدم:
مادم وازل لیان فون ساندرس پاشا ایمش . جمال پاشانک یانندن ،
سوریه دن کلیورمش . تائرمی اوده آکلادی ، در حال بومها جرت
قربانلرینه نقل کلام ایتدی :

— آم نه قدر یازیق ! دیدی ، بو یاورولردن ، بومعضوملردن ،
بو بیچاره قادینلردن بیلمم نه ایستورلر؟ کیملر جنایت یایمیشه اونلری
تجزیه ایتسینلر . کویا استانبولده کیلر بونلردن ده آز مجرمی ؟ اصل
قافالری کسینه جکلر ، اوطلعت ، او انور ، او ظالم قابینه . دره لر انسان
کوکده لری ، چوجق باشلری طاشبور . بومنظره یوره کلر پارچه لایور .
فقط برکون بونک حسابی صورولمایه جقمی ؟ آلمان ضابطلری هب
بو کسین باشلرک ، بو پارچه لانان جسدلرک فوطوغرا فیلرینی آلدیلر !
ذاتاً بوظامی تقدیر ایتمه مک ایچون چته جی ذهنیتی ایله معلول
اولق لازمیدی. آلمانلردن قبلری انسانیت حسلریله مشحون اولانلرک
بوجنایتلردن منفر اولدقلرینه هیچ شبهه یوقدی . فقط رسمی آلمانیا
ایسته ایدی ، بوقتاله مانع اولوردی . سعید حلیم پاشا اتحادک کور
بر آلتیدی ؟ انور وطلعت آلمانانک سوزندن بر آدیم طیشاری

جیقامازلردی ، بو جنایتلری فوتلرینه کووه نهرک اجرا ایتمه لری امکان خارجنده ایدی . هیج شبهه سز آلمانیا نك ظفرینه کووه نیورلره بومعظم فاجعه یی آلمانیا نك قوتیه ، بو معصوملر فریادی آلمانلرک ظفر ترانه لره باصدیرمق امیدنده بولنیورلردی . آلمانیا آناطولیده قازانه جنی منفعتلره سرمست ، قرون وسطاده بیله کورولمه یین بو جنایتلره ، صامت ولایده ، سیرجی وضعیتنی طاقینوردی .

ارمنیلرک زیادہ قورقسدقلری ، یوزانطی ایدی . اوراده ، چتله رک هجومی قبلرینی تتره تیوردی . بونلر هانکی چتله ردی ؟ اتحاد حکومتک توران سیاستی ، اسلام اتحادی نامه قافقاسیه کوندردیکی چتله ردی . حق بر زمانلر ، آلمانیا ایمراطورینه عالم اسلام نامه مراجعت ایله یین ، آغالر سلطنتنده اوجاق واعظلیه تمیز ایدن زوربالر شیخی عیداه افندی ده ، بوچتله ر کیدرکن ، افغان امیرینه کوندرله مشیمیدی ؟ بوتدیرلر وظاملر ، هپ برر قومہ دیا ، هپ جاهلانہ برر فاجعه ایدی . آلمانلر ، انورک آلمانیا ده بر یوزباشی قدر عسکری حرکاتی اداره ایدمه جکنه واقفلردی . فقط تورکیایی بر مستملکه کی آلمان نفوذی آلتنه آلمق ایچون انوری آلفیشلامق ، عادی بر توره دی یه بویوک بر نفوذ وبرمک آلمان سطوتی ادامه ایچون چوق برشیمیدی ؟ غاس مسئله سنده :

— آلمانیا جهان سیاستنه کچ قاریشیدی . مستملکه لر کاملاً پایلاشیلدی . آلمانیا ایچون آفریقاده بر قالمادی . آلمانیا نك مستملکه اتحاد ایدمه جکی یرلر ، آنحق انقراضه محکوم اسلام دولتلیدره آلمانیا بورالری اقتصادی مستملکه لری حالنه قویا جقدر . بو غایه واصل اولمق ایچون فس کیمک ده لازم کلسه کیه جکم .

دین ، قایزه ر ویله لم ایدی . بناء علیه انوره تلغراف چکمک ، طلعه عثمانلی دیپلوماتی صفتیه سالاملاق ، منفعت تأمین ایچون ذل عد اولونا مازدی . سلطان سلیم ثالث دورنده ناپولئونک سفیری جنرال سه باستانی ده قاباچقی مصطفایی عیناملرله آلفیشلاما مشیمیدی ؟

بر آقشام ، اسكيشهره جمال پاشادن بر تلغرافنامه كلدى . بو
تلغرافنامه ده چركس احمدك ترندن چيقار چيقماز توقيى امر
ايديلوردى . حيرت ! بونك هر حالده مهم بر سېي اولمق لازمدى .
واقعا جمال پاشاك ارمنيلىرلر حمايه ابتدئى ، كندى منطقه سنه كېرن
يچاره خاقي محافظه ايلديكى معلومدى . فقط چركس احمدك توقيى
هر حالده مهم بر سېيه مېي اولمق لازمدى . چركس احمد اتحاد حكومتك
كوزبېكى ايدى . جاويد بلك شرفه ذكى بېي قتل ايدنلر سنده بولونان
بو اتحاد فدايىسى ، شمدى نهدن توقيف ايديلوردى ؟ اتحادك سقوطه
اوزرينه جانيته محكوم ايدلديكى حالده ۱۰۰ كاتونانى باب عالي قتالنى متعاقب
عفو اولنان بو وطن مجاهدى ، اتحادك سلامتى ايچون هر فدا كارلى
كوزه آلدير مشدى . حق جهاد ارقداشلى فاطمه برابر ، صوك حرب
عموميده ده اتحاد اسلام نامه قافقاس جبهه لرينه قدر قطع مراحل
ايتمه مشيدى ؟ چركس احمد حقيقى بر مجاهدى . مصارف ناظرى
شكرى بك ياقينه اونك ناميله ده بر سلطانى ويا ابتدائى مكتهبى توسيم
ايدم جكدى . اوجاق شاعرلىرى ظفر و نصرتى ايچون شعرلر انشاد
ايدم جككر ، اوجاق عالملىرى بوبوبوك مجاهدك روحياتى تدقيق
ايله جككردى . شمدى بو تضاد ترندن ايلرى كلوردى ؟

نهايت اوده آكلاشيلدى : چركس احمد ارمنيلىر قارشى ارقداشلى
فاطم و خليل ايله برابر بر جوق فجاغتلر ايضاع ايلدكدن صوكرا ،
جمال پاشاك منطقه سنه كېتمش ، اوراده ييغينلرله ارمنيلىرى كورونجه
حيرت ايتمش . عسكرجه بر سلام ايقتانندن صوكرا :

— امر بويوروك . بر تشكيلات ياپالم . بونلر ده تيمرللم .

دېتمش . جمال پاشا راضى اولماتمش . اوجرعه ده استانبول مبعوثى
زهراب ، وارتاكس وديكر رفيقلىرى ده استانبولدن سورولمشلر ،
(حاب) . گلشلىر . آتشين ذكاسى ، فياض دماغى ، حساس روحيله
ملتك سمائى شخسى هوسلرينه فدا ايدن زهراب ، جمال پاشاك
حضورينه چيقمش . كنديلرينك ديار بگردىوان حربنه كوندريله جككر بى

یاقہ یا قیلا ، آغلایہ صبرلایہ آ کلتمش . اوقدر آجی کوزیاشلری دوکمش کہ ، جمال پاشا دہ رقتہ گلش . کندیلرینی محافظہ ایدہ جگنی وعدہ ایتش . استانبولہ ، داخایہ ناظری طلعتہ بر تلغراف جگمش . بومستلہ قاپانچیہ قدر زہرابی وارقداشلرینی اورقادن غائب ایدہ جگنی ، مسئلہ یاتیشنجہ میدانہ چیقاراجغنی سویلہ مش . طلعت راضی اولامش . دیار بکرہ کتیمہ لری ایچون اصرار ایتش . نہایت جمال پاشا ، ارزونسک حاصل اولمادیغنی کورونجیہ ، طلعتدن کلن تلغرافنامہ یی مأمورلرینہ براقش ، « بونی بن حرکت ایتدکدن موکرمہ کندیلرینہ کوستوک ! » دیمش ، و حرکت ایتش . زہراب وریفیلری ، متاثر و دلخون بر آرابہ ابلہ دیار بکرہ طوغری بولہ چیقشلر . نہایت بولہ چرکس احمدک چتہ سنہ راست گلشلر ، چرکس احمد بوزوالیلر متفکرلری برر حملہ دہ پریشان ایتش . جمال پاشا بونی خبر آلجہ ، فنا حالہ قہر مش . چرکس احمدک توقیفی امر ایتش . مسئلہ بوندن عبارت ایتش .

چرکس احمدی کترین ترہن کلدیکی زمان ، ہر طرف انضباط آلتہ آلمشدی . احمد اساساً آفیون قرہ حصارندہ توقیف ایدلش ، اسکیشہرہ تحت الحفظ کلوردی . ترہندن اوزون بویلی ، قاپاقلی ، اتحادجی مرخصلرک ووالیلرک سیاحت قیافتندہ ، بالابیللی ، ضعیف یوزلی بری جیقدی . آرفہ سندن قدیفہ بانطالونلی ، اسمر ، اورتہ بویلی بری دہا کلوردی . اوزونی چرکس احمد ، اوتہ کی ملازم خلیلدی . بونلر تشکیلات مخصوصہ معرفیلہ کوندریلن چتہ رئیس لریدی . خصوصیلہ خلیلک غنائسی دہا بیوکدی . بوجاھد مبعوث سودی بگلک چتہ سی اردھانہ کیردیکی صرہ دہ اودہ (آرتون) . کیتش ، بوکوزل بلدہ دہ یاشایان مسعود ارمیلری پریشان ایلمشدی . یوفلاکتی دہا (اولو قیشلہ) دہ بولندیم زمان ایشتمشدم . بر آلمان غزہ سنک مخبری منفور چتہ لر جنایتلرندن نفرت ایدیوردی :

— کورسہ گزہ دییوردی ، نہ ظالمانہ حرکتلر دہ بولوندیلر !

لغت اولسون، بردها بو آدم لرله یوله چقمايه! نه اسلام، نه خریستیان، هیچ برشی طانیما یورلر. شمدی اوراده اسلام اسلامه چاریشور .

آلمان غزته سی مخا برینک بوسوزلری برر حقیقتدی. اوچ سینه سوکرا (آرتوین) . کیتدی کم زمان، بونک نه درجه طوغرو اولدیغنی کوردوم. زواللی ارمنی قادینلری ، تورک اونفورمه سی کوردکاری زمان، آزیله بوزیله دیوار دیبلرینه صوقولیورلردی . جتدن نمونه اولان، کلر، چیچکلر، میوه آغا جلریله روحه شوق و سرور ورن کوزل بلده بوم بوشدی. خلیل وعونه سی (آرتوین) خلقنه اوقدر ظلم ایتشلردی که، ارمنیلرک تشویقی اوزرینه روس حکومتی طرفندن سیرپایه سوروان اسماعیل آغا، بو بد بخت خلقک چکدکارینه دلخون اولمش، روس اردوسنک رجعتی متعاقب ارمنیلری تجاوزدن وقایه ابله مشدی...

چرکس احمد، ارمنی خجایی ایچون مهم بروئقه ایدی. بوقانلی حادثه نك صفحاتی بالذات فاعلندن دیکله مک ایسته دم. چرکس احمد ولایات شرقیده نلر یاپدیغنی صوردوم. چیزمه لی آیاقلرینی بررینسک اوستنه آتدی، جیغاره سنک دومانلرینی قارشینه طوغرو صاووردی: — بک برادر، دیدی، شو حال ناموسمه طوقونیور. بن بو وطنه خدمت ایتدم . کیدک ، کورک . وان وحوالیسنی کعبه طوبراغنه دوندیردم. بوکون اوراده تک برادرمیه تصادف ایده مزسکز. وطنه یوقدر خدمت ایتدم؛ سوکرا او طلعت کبی هر کله لر استانبولده بوزلو بیرا ایچسینلر، غیده بویله تحت الحفظ کتیرتسینلر ، یوق ، بو حیثیمه طوقونیور!

فقط اونک برارقداشی واردی، کندیسیله برابر ذکی بکی اولدی رهن ناظم! چرکس احمد ناظمی صوردوم:

— صوص بک برادر. زواللی شهید اولدی.

دیدی. چرکس احمد دن ده فاصله معلومات آلتی ایسته یوردم:

— یکی، بوزمه اب فلان نه اولدی لر؟

— آدومادیکنزمی؟ هپسینی کبرتدم.

جیغاره سنک دومانلرینی هوایه طوضرو صاروردی ، صول الیه
بیقلرینی دوزمه لته رک سوزینه دوام ایتدی :

— حلبدن چیقمشلردی . یولده راست کلدک . در حال آرابلرینی
قوشاندیم . کبره جکلرینی آکلادیلر . وارتنکس دیدی که : « پی احمد
بک . بزه بونی یاییورسکیز ، فقط عربلره نایاه جقسکیز ؟ سزدن
اونلرده ممنون دکلر » ، « اوسنک بیله جکلک ایش دکل ، کرافا
دیدم ، برماوزر قورشونیله یینفی باطلاندیم . سوکرا زهرایی یاقالادم .
آیاغملک آلتنه آلدیم . قوجه برطاشله قفاسنی ازدیم ، ازدیم ، کبرنجیه
قدر ازدیم .

چرکس احمد اوصباحکی ترمه نله استانبوله کیتمشدی . احمدک
ورودی ، ارقداشلرینی بک متجیرایدیوردی . بو خبر مرکز قوماندانی
جواد بکله برابر قوماندانلق اوطله سنده برشیلر معاینه ایدن بدوینکده
حیرتی موجب اولمشدی . فقط بونده هر حالده بریا کاشلق واردی :
چرکس احمد (حلب) ، کیده جکلدی . ایکی سنه اول عثرت واکرامله ،
بویوک بر مجاهد صفتیه چته ریاستی درعهده ایدن چرکس احمد ،
مرکز قوماندانلقه ناصل اولورده موقوفاً کتیریه بیلیردی ؟ انضباط
قوماندانی بونی خبر آلدینی زمان حقیقه شناسیردی ، مبهوت بر
حالده :

— ایجری کلین !

دیدی . چرکس احمد ، التده سیغاره ، وقور اندامیه قوللرینی
صالایه رقی ایجری کیردی . اوزمان اوطلهده صمیمی بر معاشقه
باشلادی .

یوزباشی آیاغه قالغمش :

— وای قارده شم ، احمد جکم ، ترمه دن یولده ؟

دیهه قوجه قانلی قوجا قلا یور ، چرکس احمد پلنک اسانیله :

— عزیزم بونده بریا کاشلق اولاجق ، فقط بواده سزلک ...
دیپوردی .

بر قاج هفته صوکرآ خبر آندی : جرکس احمد شامه
کوندلش ، « ازاله سی واجب اولغله » جمال پاشا طرفدن قیدی
کوردولمشدی ...

* *

اسکی شهرده قاتولیکاردن وعسکر طائله لرندن باشقه ارمنی قالمامشدی .
بر قسمی تره نلرله ، بر قسمی قافله لرخالند ، قره دن کوندولمشلردی .
استاسیون جوارنده کی قرارگاهلرده بیرتسلردن ، باجاولره دن ، جادیر
ایزلرندن باشقه برشی کوردولموردی .

فقط استانبول بوش طورمیوردی . تره ن تره ن ارمنی متفکرلری
و صنعتکارلری آناطولونک هجرا گویلرینه کوندولموردی . بر آقشام
خلو بر تره ن کلدی ، استاسیوندن باقدم . بوتون طانیسیدیم و بیله یکم
سیلردی : دیران کلکیان ، پوزانت کچیان ، طور قومیان ...

متفکر ، و ظنور ، نه قدر ارمنی وارسه قافله قافله سورولمشدی .
حق استانبولدن بوتون ارمنیلرک چیقاریله جنی بیله سویله نیوردی .
ذاتاً سورولمده ، آصلماق کیم قالمشدی ؟ عثمانلی تبعه سی کویا بو
توره دیله بالاردن میراث قالمشدی . بومضالقه قارشى هیچ کیمسه
سنی چیقارمیوردی . حالایان افندی بنه آطه ده ، مزین کوشکنده
اتحادجیلره ضیافت کشیده ایدیور ، ارمنی مبعوثلری بنه مجلس
مبعوثانده طلعتلره وعونه سنه طالقاقو وقلق ایتمکده دوام ایدیورلر ،
روم ، ارمنی ویهودی تاجرلری احتکارده بنه تورکله رقابت ایلیورلردی .
استانبولده ، بومعظم جنایتی حقلی کوسترمک ایچون لازم کان
پروپاگاندا لر تماماً حاضر لاشمشدی : ارمنیلر دشمنله اتفاق ایتمسلر ،
استانبولده عصیان چیقارم جقلر ، اتحاد رؤسائی اولدیره جکلر ،
بوغازی آچایه موفق اوله جقلردی . بو عادی تزویرلر آنجق آچلقی
بیله ادراک ایده مین عوام قسمی اقتناع ایده بیلیرلردی . کاشکه ارمنیلر
اتحاد رؤسائی دوبرمه ک موفق اولسملردی ، اوزمان تورکیه نی ده ،
تورکاری ده توره دیلر تحکمندن خلاص ایتمش اولورلر ، تورک لرک

ایدی منتدارلغنی قازانیرلردی . ارمینلرک استقلال و خلاص غایه لری
دوشونونوله جک اولورسه ، بویله بر حرکت اونلرک بوتون امللری
زیروزبر ایدمیلیردی . چونکه اتحاد رؤسانسک سقوطی مملکتده
اختلف و صلح طرفداری برفرقه نك رأس تارم کچمه سنه سییت
وررد ، اوزمان ، آلمان چنبرندن قورتولوق قابل اولورسه ، انکلیزلره
اوزلاشیلیر ، تورکیه ده موافق بروضیت اکتساب ایدردی . آلمان
چنبرندن قورتولوق قابل اولمادیفی تقدیرده ، حربه دوام ایدیلیر ، فقط
هیچ اولمازسه اتحاد توره دیلرینک ظلملرینه نهایت ویرلمش اولوردی .
بناء علیه ارمینلر اسناد ایدیلن بوتشبدنه هیچ بر منطق تصور اتمک
قابل دکلدی . حالوکه تهجیر مسئله سی ، حقیقتده ، ولایات شرقیده کی
ارمینلرک قویاردقاری عصبان و قتالک فجیع وصولک بر مقابله سیدی ،
وبونی تشجیع ایدن ده ، آلمانلرک مسلسل ظفرلریدی .

تهجیر مظالمه اسکیشمرده خالقندن اشتراک ایدنلر یوقدی ،
ارمینلرک اک چوق ظلم کوردکلری ، بعضی مأمورلر ، زاندارملر
وبولیسلردی . یک چوق برلرده ، موظف اردو ضابطانی بوقانلی
اجرا آتله الیرینی بولاشدیرمامشدی . اهالی متأثردی . خصوصیه غربی
آناطولی ولایتلرینده یاییلان اجراآت ، او ولایتلرده کی والیرلرک
قابلیتیرینه ، جنائی استعدادلرینه کوره ایدی . اسکیشمرده اولئر ،
طلعتک ظالمانه اجرا آتیه تهجیر بلیه سیله قریان اولانلردی ؛ بوراده ،
اهالیدن ، زاندارمده دن ، حتی پولیسدن هیچ بر کیمسه انسان اولدیر .
مه مشدی . اک اتم فاجیه لرک بروسه ده وبالخاصه انقرده ابقاع
ایدیلدیکی سوبله نیوردی . آنقرده دن کلنلر متأثرانه برلسانه آکلاتیورلردی :
اولر آبلوقه ایدلمش ، یوزلرجه ارمنی عائله سی آرابلره طولدیریلاروق
دره لره دوکولمشدی . بر چوق قادینلر بوفجیع جنایتلر قارشیبسنده
تجنین ایتشلردی . ارمنی زنکینلرینک اولری صاتین آلمش ، تقریر
وبریلیر ویرلرلر پاره لر زورله ظلم ایله استرداد اولمشدی .

بوفجاعتلری طویوبده متأراولماق قابل دکلدی . بونک برکون حسابی

صورولاجنی محققدی . بو حرکت ، بشریت نامہ بر جانیستی . هیچ بر حکومت ، هیچ بر دورده ، بو درجه غدارانه بر جنایت ایقاع ایتمه مشدی . ارمیلرک قانلی بر صورتده تهجیری ملکیتی مهم بر عضودن محروم ایلکدی . حق بو الیم اجرا آتی متعاقب اسکیشهرده دکر منلر طورمش ، خلق اکمکمز قانلق تهاکه سنه اوغرامشدی . چونکه ملکیتده هر صنعت ، عنصرلرک قابیلترینه واستعدادلرینه کوره انقسام ایتمشدی .

استاسیون جوارینه ، یورصاق ساحلرینه کیتدم . حزین برصوک بهار یابراقلری دوکیور ، چیچکلری صولدریوردی . چارشى بوینده قابیلجه لک طاش بنالری ، قهرمان عثمانک ، کنچ اورخانک عدالتنه وشفقتنه شاهده ، ایکی تاریخی آبدہ کبی یوکسه لیوردی . نه فجع تعداددی ! بر زمانلر عثمان غازی بوراده ، ینہ یوبازار یرنده ، بیله جکلری بر خریشیانک حقنی غصبه چالیشان کر میانی بر تورکی تأدیباتش ، عدالتنه وحقه قارشى محبتی اثبات ایلغمشدی . شمدی عین شهرده ، اولر ویوردلر غصب ایدیابور ، چولقلر وچوجقلر طاغ باشلرینه آتیلوردی .

اسکیشهرک فعال ، ناموسکار ، وقور خاقی ایشلریله مشغولدی . بو ظالم حکومتک قهرینه بر زمانلر اولنلرده اوضرامشلر ، ایچلرندن فداکار س-پالر عمرلرینی سینوب زندانلرندہ بکیرمشمشلوردی . قلبلری حریت عشقیله چاربان ، اتحادک ظلمنه قارشى وجدانآ عصیان ایدن اسکیشهر اولادلری بوفضایتلریله افتخار ایدہ بیلیرلردی . کوزلرم ، بی اختیار شهمندوفر یولته ، مور طاغتلرله نهایتلنن ، آفاجلری صارومش قیرلرده انعطاف ایتدی . بر زمانلر بوراده ، صوغوقده ، کیجه نک قارائقلری ایچنده یانان ، اوبویان ، آغلایان ، قورقونچ رؤیالر گورن عانلرلی دوش-شوندیم . شهمیدی کیم بیلیر ، نرهلرده ، هانکی طاعده ، هانکی چته نک غدار پنجه لرندہ قربان اولمشلردی ؟ زواللی سیرانوش ، کوزل معصوم ، سن نرهلرده سک ؟

اوضروم ، ۶ مایس ۳۳۴

یاتغین یرندیم . تورکک بوقاریخی وفداکار بلدهسی عادتاً بر خرابه حائده . سوقاقلر وبنالر ، جامعلر و مدرسهلر کاملاً خراب . اولو انسان نعلرله طولو ، یاتمش و ییقلمش اولرک انقاضی آیاقله دور تولدیکی زمان ، سیم سیاه کییلمش ، دیشلری صیرتمش انسان قاقالرینه ، چوجق باشلرینه ، قول و باجاق ، کوکده و آیاق پارچهلرینه تصادف اولونیور .

زواللی اوضروم خاق ! عصرلردن بری عثمانلی سرحدلری بکلر ، جسور پادشاهلریمزه بوتون موجودیتلریله « قوللق » ایدرلرکن شمدی ارمنی چتلهلرینک ظلملرینه اوغرامشلر ، چولقلری چوجقلری ، چیللاق و یریشان عائلهلریله اولرینک ، سونن اوجاقلرینک انقاضی آلتنده مورارمش ، تفسیح ایتمش نعلر حائده یاتیورلر ... نه منارهلرنده ، بر زمانلر حزین و غریب (پالان دوکن) طاعنک قارلی تپهلرینه عکس ایدن اذان سسلری ایشیدیلیور ، نه سوقاقلرنده ، وقور و مغرور خلقک ملیتنه صاحب غلبهاتی کوریلیور ، ظریف بنالر ، محنتم خانلر ، تاریخی ترهله مزین ، دوت عصرلق عثمانلی قهرمانلغنه شاهد اولان شهرک اوزرندن مدھش و ظالم برقان و آتش طوفانی کچمش . قارغهلریوکسک قاواقلر اوزرنده ماتملی حسدالرله اوجوشیور ، یالین آیاق چوجقلر ، اختیار و علیل انسانلر ، اولاد آجیسیله بللری بوکولمش بدبخت آنالر ، صاحبسز ، کیسه سز ، یاتمش ، ییقلمش و سونمش اوجاقلرینک جوارنده کوزلرنده یاشلر تیزه یه رک ، آغر و بی مجال آدیملرله طولاشیورلر ...

اوضروم ، هیچ بر زمان بویله بویوک برآجی کورمه مشدی .

حرب عمومیتک ایلک سنهسی ارضروم صالح و سکون ایچنده ایدی . فقط روس اردوسنک تجاویزی شرقی آناتولینک بوتون سکوتی اخلال ایتدی . تورک وارمنی ، عصرلردنبری برلکده یانسان ایکی ملت ، آرتق دوستقلرینه نهایت ویره جگرلردی . عثمانلی اداره سنک بوزوقلنی ایکی ملت آره سنده کنیش بر اوچوروم آچشدی . خلق اوزرنده ظالمانه و غدارانه بر نفوذ اجرا ایدن حکومت تورکلی بیزار ایتدیکی کبی ، ارمیلرده ده حریت واستخلاص ارزولری او یاندریمشدی . بوازدوی الک زیاده تقویه ایدن ، ارمنی قومیتلریدی . قومیتلر ، ارمیلرک سعادتق بومبادهن و قتالدهن زیاده صلحاده تأمین ایده بیلیلردی ؛ فقط اونلر حرصلرینک تطمینی ایچون ، خلقک قاتق کندیلرینه مباح کورییورلردی . تورک بومبایی بیلمزدی ، تورکیایه بومبایی صوقان ، حتی پادشاهلرینک وجودنی و سرائق بومبایی اورقادهن قالدیرمایه چالیشان ، ارمنی قومیتلریدی . بیلیدیز بومبایی پاطلادینی زمان ، نه قدر تورک اولمشدی ! مدھش بر انفلاق اورقانی صارصمش ، هواده آندن ، باجاقندن ، قولدن مرکب بر قاصیرغه پیدا ایتمشدی . بیلیدیز سرائینک یاننده ، جگرلری پارچه لانش چوققلر ، آرسالان کبی بابایکتلر ، باشلری قومش ، قوللری اوچش جسدلر ، بارکیر نعللری آره سنده قارمه قاریشیق ، یرلره سیریلشلردی . پارمقللرده قیمة حالنده بایشمش انسان اتلری کوریلوردی . بو اولان انسانلر ، بو پارچه لانان جسدلر ، هب زواللی تورکلردی . شمبدی بو بومبالر آناتولیده پاطلایه جق ، آچ و طالعسز خلق ، ظالم بر حکومتک تسبیی بوزندن ارمنی چتھلرینک قان طوقاننه بوغولا جقدی . تورکلرک حرب عمومی به کیرمه سی ارمیلر ایچون خلاص واستقلال مبدائیدی . ارمیلر تماماً قانع اولشلردی که ، حرب عمومی به کیرمک تورکلر ایچون بویوک برفلا کتدی . بالقان حربنده آجی بر مغلوبیته اوغرایان تورکلرک جهان حربنده هیچ بر موفقیت قازانه . میه جقلری ، حتی مضمحول و پریشان اولاجقلری محققدی .

ارمنی استقلالی ایچون بوندن مهم فرصت اولامازدی . ارمنیلرک معقول و منطقی دوشونلری ارمنی استقلالنک قائله ، شدتله قازانیلماسنه قطعاً راضی دکلردی ؛ محترص و قاتل قومیتلر اولنرکده منفور لرلیدی . اساساً تورکیه حربی قازاندینی تقدیرده ارمنیلر ایچون قائلی اجرا آتله هیچ بر موفقیت حاصل اوله مازدی . غائب ایتدکلری تقدیرده ایسه ، طبیعتله تورکیه انقسامه اوغرایه حق ، ولایات شرقیه مسئلهسی خریستیان ارمنیلری اوتودن بری حمایه ایدن اوروپا طرفندن یکیدن میدان چیقاریله جقدی . ایکی صورتده عصیان چیقارمق ، قائلی واسطه لره تشبث ایتک ارمنی ملتنی بهوده یره مقبله سوق ایلککدی . ارمنیلر روسلره یاردم ایتدکلری ویا عصیان چیقاردقلری تقدیرده ، اتحاد قومیتلرکده عین واسطه لره ، بلکه دهها شدتلی بر صورتده ، مقابله ایدمچکی طبیعی ایدی .

ارمنی قومیتلری بو ملاحظه لری قطعاً نظر اعتباره آلمادیلر . دهها زیاده ، سنه لردن بری قلملری کیمین احتراضلرک منفور تأثیرلرینه تابع اولدیلر . تورک و ارمنی ، بر مدت بتلیس و وان حوالیسند قان و آتش ایچنده بوغوشدیلر ؛ اوسورنه که ، بوغوشدقلری بلده لری ، چاریشدقلری قصبه لری یاغین یرلرینه چوریدیلر . وان ، بو مصادمه لره آلیم بر ححنه تشکیل ایتدی . روس اردوسی ایلرله دجه ارمنیلرک شدت و جسارتلری ده آرتیوردی . بعضی نقطه لره ارمنیلر متجاوز ، تورککلر مدافع وضعتده قالدیلر . تهجیرلر و قتللر بر بری ولی ایتمه کباشلادی . آنا طولی به کیرن روس اردوسنک یکنه معاونلری ، ارمنیلردی . انتقام ، استقلال ، احتراض امللری ارمنی چهلرینی غلیانه کتیرمشدی . روس وارمنیدن مرکب فرقلر ، تورک و ارمنی جسدلری چیکینه رک اضرومه طوغرو ایلر یلیورلردی . اضروم تخلیه ایدلایی زمان ، روسلرک ایلک اجرا آتی ، ارمنی طابورلری شهره صوماق اولدی . روسلرک ایی بیلورلردی که ، ارمنیلر اضرومه کیردکلری تقدیرده تورککلری فجیع بر صورتده پارچه لایاچقلردی . روس اردوسنک

حمایہ سی آئندہ یا جق بوجائیلر تورک لری روسلردن تھیا تنفیر ایدہ بیلیردی . حال بوکہ روسلرک غایہ سی تورک لرک سکوندن استفادہ ایدہ رک ارزنجانه ، سیواسہ ، طربزونه قدر ایلرله مکدی . روسلر بو مقصدلرینه نائل اولدیلر . صاری قامشدن ارضرومه قدر شمندوفرلر دوشه یه رک ، (زیغانه) نک قورقونچ یوللری منتظم یر حاله افراغ ایدہ رک ، طاغلرک یوکسک تپه لرندن تلغراف تللری آشوره رق ، ده قوویلر دوشه یه رک ، کوریلر یاپارق طربزونه قدر ایلرله دیلر . روسلر ایلرله دیکه ، ارمنیلرک تجاوزندن قورقان اهالی اولرینی بازقلرینی براقیور ، آج و پریشان ایجریله التجایدیوردی . قالانلردن بعضلری ، روملرک وارمنیلرک جاسوسقلری یوزندن دار آغا جلرنده جان ویریوردی . بعض شهرلرده تورک لر ، روسلردن ، روملردن وارمنیلردن متوالی ظلملر کوریوردلردی . طربزونده مسلمانلرک قاییلری تکمه له نیور ، قادینلرینه تجاوز ایدیلوردی . تهایت روس اداره سی تأسس ایتدیکه بوتجاوزلرده بردرجه یه قدر تهایت ویرلدی . خلق مستریحدی . چونکه آج دکلدی ؛ عائله لری سفیلانه سوروندیرلمیوردی . مملکتده حقسنزلق قالدیرلمشدی . چالیشورلر ، باره قازانیورلر ، حقلری ضایع ایتیمورلردی .

روس حیاتی پک آز زمانده ، صاری قامشدن طربزونه قدر تمامینه تأسس ایتشدی . چارشیلر و دکانلر نفیس روس امتعه سیله طولمشدی . اتحاد حکومتی بوتون غنیه لرده روسلرک آچقلرینی اعلان ایدر ، استانبول خلقی آچقلدن اولدیررکن ، ارضرومک قارلی طاغلرلر ، زیغانه نک چاملی اوچوروملرینک کنارلرنده ، یول یاقه قله مشغول عمله لر تازہ اکمکنی ییور ، بول شکرلی چایی ایچیور ، درت بش مانات کونده لک آلپوردی . تورک ایشجیلر ، آراه جیلر و صنعتکارلر بو حالدن هپ نمونلردی . وقتیلہ تورک مأمورلردن بخششی یرینه نوقات بیرلرکن ، شیمدی رس ضابطلرندن و مادامه لرندن بول بول باره آلپوردی .

اتحاد حکومتك ظالمانہ ادارہ سندن صوكر ا ، روس سترك دشمن
 ادارہ سی بیلہ عصر لر دن بری سعادت ، امنیت ، عدالت یوزی کورمه یین
 خلق ایچون عادتاً رفاه دوری یرینه کچمشدی . اونلرك جاهل دماغلری
 بیلہ روس ادارہ سنك انتظامی تقدیر ایدیوردی . برزمانلر سفیل وعلیل
 عسکر قافله لرینك آچلقدن اولدكلری قورقونج یوللرده شیمدی ظریف
 مادامالر ، پارلاق اونیفورملی روس ضابطلری اوتوموبیللرله کچورلر
 ایدی . شهرلرده تیاترلر ، سینمالر ، شنلکلر هرشی موجوددی .
 توركلری لك زیاده دغدار ایدن برشی وارسه ، اوده جامعلرینك
 آخورلره تحویل ایدلمه سیدی . مع مافیہ روسلرله انسیت پیدا ایتمكه
 باشلامشله ، ایچلرندن يك چوقلری روستجه بیلہ اوكرتمشلدی .
 بو سکون اوزون مدت دوام ایتدی . بالشه ویگلكك جمهورى
 روس استیلاسی آلتنده یاشایان توركلرك فلاکتلرینی موجب اولدی .
 روسلر انبارلرینی یغما ایدمك ، آتلینی صاقره رق ، ضابطلرینی اولدیرمك
 قاجورلردی .

توركلرك ، بوقرمتدن استفاده ایدمك ، استیلا ایدیلان وطنلرینی
 قورتارمايه چالیشه جقلری طبعیدی . فقط ارمیلر اونلرك بوتشبلرینی
 عقیق بر اقایه چالیشدیلر . روسلر مملکتلرینه صاوشدقجه ، اداره یی ،
 ضابطه یی ، حکومتی الایینه آلدیلر . برزمان کلدی كه ، اشتلا فیلرك
 صادق متفقلری ، ارمی حکومتی شكندمه ، اشغال آلتنده بولنان برلری
 كاملاً محافظه ایتمكه موفق اولدیلر . اوتاریخندن اعتباراً توركلر ،
 كندی وطنلرنده ، ارمی تبعه سی اولارق یاشایا جقلردی . اساساً
 سلاخلری آللرندن آلمشدی . باشلرنده ، كندیلرینه اداره یی درعه ده
 ایدن ملت ، موجودیتلرینی بیلہ احمایه ساعی ، باریشمق بیلمز بر
 دشمنندی . اونلر ایچون بوکوزل مملکتلرده اولوم ، سفالت هرزمان
 حاضردی . توركلر نظرلرنده ارمی حکومتی ، تپه لرینه آصیامش بر
 بومبا دیمكده . بو بومبا لك قاته بویانماسی ایچون هیچ برسیبه ، حتی
 هیچ بر جرّمه ده لزوم یوقدی . تورك قانی ارمی ایچون مباحدی .

ارمنی قومیتلری آنجق تورک جسدینه باصره یو کسلمه یی دوشونورنر ایدی . بونکله برابر بویکی ، حریص ، انتقامچی حکومتک هیچ بر تشکیلاتی یولده دکلدی . ارمنیلرک مقصدلری روسلرک رجعتی اوزرینه وطنلری استرداد ایدمک اولان تورک اردولرینه مقابله ایتکدی . بونکله ایچون روسلرک بر اقدقلری اسلحه و مهماتی صاقلا یورلر ، روسلردن یو کسک معاشلرله طوبیجی و پیاده ضابطلری آلیقویورلر ایدی . زراعتدن ، تجارتدن ، صنعتدن باشقه شیلرله اشتغال ایتمین ارمنیلر ، روس اردوسنک اقسامندن ضابطلری معرفتله استفاده به جالیشیورلردی .

بالخاصه ارزنجانده ، ارضرومده حکومت ارمنیلرک ایلرند ایدی . تورکلر بو قورقونج اداره آلتنده سلاحدن ، مدافعهدن ، حمایتدن ، مرشیدن محروم ، بیکس بر تبعه حکمنده ایدی . همان هر لحظه دوشوندکلری تهلکه ، ارمنیلرک خبیث انتقاملری ایدی . ارمنیلرک دوشونجهلری ، تورکلرک قورقورلری حقی کوستره جک ماهیتده ایدی . فی الحقیقه بونلرده وان و بتلیس قتالری ، آناتولی تهجیرلری ، انتقامی آلمایه فرصت کوزه تیورلردی . ارمنیلرک استانبولک فتحی متعاقب تورکلرک ایلاک تبعه لری اولدقلری زمان ، قاتح سلطان محمد ارمنیلرک رفاهتی ، بطریقخانه لری ، تأسیسی دوشونمشدی ؛ شمدی ارمنیلر ، ایلاک تبعه لری اولان تورکلردن انتقام آلمایه جالیشیورلر ، منفرد جانیلرله حرملری تسکین ایدیورلردی . بعضاً سو قاتلردن طوبلادقلری مظلوم تورکلری عمله قوللرینه کوتوریورلر ، طاقم طاقم بوغاز لایه رق خندقلره آتیورلردی . ارضروم ، ارزنجان ، طریزون و جوارنده مدعش بر ارمنی ظلمی حکم سوریوردی . ارمنیلرک مقصدی ، اداره لرنده قاتلان تورکلری تجریم ایدمک ، اصول دایره سنده ، تدریجی بر صورتده امحا ایتکدی . اک زیاده اولدیردکلری ارککلردی ، قادیلرله اوقدر تجاوز ایدن یوقدی .

استیلا ایدیلان شهرلرده تورکلرک بر قسمی مهاجرت ایتیش

قالانلرده روسلرک تخلیسی انساننده پارچه لاشمشدی . اوزمانه قدر تورک لری حایه ایدن روس اداره سیدی . روس اردوسی چکیلیمه به باشلادی ، الله ویکر وطنلرینه قوشدقلری زمان ، ارمیلرک تورک لری احایه جالیشه قیلرینی اونلرده بیلورلردی ، حق ارزنجانک تخلیسی انساننده بو فلاکت ظن ایتدک لری کبی وقوعه گلشدی . روس ضابطلری اوقدر اوغراشمشله ، ارمیلرک نجاوزلرینه مانع اولاماشلر ایدی : بر روس ضابطی آمرینه یوللادی راپورده تحلیه حرکتی خبر ویررکن شوسطرلری یازیوردی : « قتل عامه مانع اولمق ایچون نه قدر اوغراشمسه موفق اولامادم . ارمیلر سکیز یوز کشتی تلف ایتدی . شهر تخلیه اولوندی . الله بویوک » .

فقط اصل قتل عام ، دها صوکر ، عثمانلی اردوسنک ارزنجان اوکلرند ، طریزون جوارند ، ارضروم اوولرند کوردندیکی زمان باشلا یاجقدی . فی الحقیقه بو قتل جدأ مدھش اولدی : عثمانلی اردوسنک بطی حرکتلری تورک لرک فلاکتلرینه سیبت ویردی . ارمیلر شهر خارجده عثمانلی اردوسنه چته حالده قارشی قویبورلر ، داخلده خلقی قیشلرله طولدیرارق ، اولرله قاپاقارق اولدیریورلردی . بمضأ قاقالری اودونلر اوزرند کسبورلر ، نعللری قویولرله طولدیریورلر ایدی . عثمانلی اردوسنک ایلرله مہمی ارمیلرک امیدمزلکلرینی ، ظلملرینک شدتی برقاندھا آرتدیریوردی . بوامید بوسبتون قبریلدیکی زمان ، ارمی چت لری ، عقور بر جاناور حاله گلشلردی . اولری بیقورلر ، بنالری یاقورلر ، ترہلری پارچالایورلر ، تورک لری قورشولر ، سونکو ایلہ آل قاتلر ایچندہ یرلرہ سیریورلردی . ارضروم ، بوقانلی وحشتک اک فجیع محنہ سیدی . حکومت قوناقی ، حق اخشاب بنالرک یک چوغی یاقلمشدی . ارضروم اوواستک ، (بالان دوکن) تہلرینک . اکرلی طاعنک سمالرہ یوکسلرین بیاضقلری اورتاسند ، ارضروم ، فریاد و فغانی سیاه دومانلر شکندہ ، آلہولر ایچندہ ، آفاقہ یوکسلرک یانیور ، جامعلر و مدرسلر ، اسکی عثمانلی قلعہ لری ، بوسیام یانغین دومانلری

ایچندہ زمان زمان بیاض بنالریلہ میدانہ جیقپورہی . ارضروم جہنمی
 بر فجاجت ایچندہ ایدی . بوعقور آلہولر آئندہ ، قارلر اوزرندہ ،
 قارنلری یارلش ، جکرلری قوپارلش معصوملر ، قانلر ایچندہ یانیورلردی .
 ارمق قومیتہلری الک ایچہ صنعتلریخی بوتربیانده کوسترمشلر ، بوفجیع
 صحنہلری اردونک کچہجکی یوللر کنارندہ حاضر لامشلردی . ارمیارک
 ارضرومی تخلیلہلری اوقدر فجیع اولمشدی کہ ، یوزلرچہ ارکیکی اولرہ
 طولایر مشلر ، اوزرلرینہ بیزین دوکدرک دیری دیری یاقشلردی . آلور
 ایچندہ ، یانلرندہ کی اولردن آلدقلری بالطہ ایلہ دیوارلرہ افاق بردلیک
 آچاق قاجایہ موفق اولانلری ، عثمانلی اردوسی بیتشنجہ یہ قدر آچ وسفیل ،
 یانغین خرابہلری اورتاسندہ یاشامشلردی . استانبولہ کی مسہنک
 برشیدن خبری یوقدی . انور پاشانک مدعش سانسوری ، کویا ویریلن
 طور اقلر استرداد ایدیلہ جکمش کبی ، خلقدن بوتون فلا کتلی
 صافلامایہ عزم ایتمشدی . بعضاً دشمن طیارہلری آٹنہی بومبارلہ
 خراب ایدیور ، بد بخت اہالی آتی بر اولوملہ نچہلہ شیوردی .
 حکومت ایسہ رسمی تبلیغندہ ، یابردوہنک اولدیکنی و یاخود بومبانک
 ائتلاف تبعہ سندن برینہ تصادف ایتدیکنی حکایہ ایدیوردی . انگیز
 اردوسی حلبہ یاقلاشدینی حالہ ملق اغفال ایدن قرارکالہ آلآن سینا
 جہہ سندن بحث ایدیوردی . الک غریبی ، استانبولہ ، خلقلک
 کوزی اوکنده کچن فجاجتک بیلہ یاکلش بر صورتہ اعلانییدی .
 آرتق پک واضح کوریلوردی کہ ، حکومت و قرارکالہ کندی
 غفلتی بیلہ ادراک ایدہ میہ جک درجہدہ شریر ویالانجیدی . اساساً
 طوغریسنی اعلان ایتسہلر ، کندیلرینی مسئول ایدہ جک ، علیہلرینہ
 غلیان ایدہ جک ہانکی قوت واردی ؟ انور پاشا صاری قامشدہ یوز
 اللی بیک تورکی جہالتہ قوربان ایتدیکی زمان ، کیم سسنی چقارمشدی ؟
 تورکیہدہ ہانکی جنایتک ، ہانکی فجاجتک مسئولی آراشمشدی ؟
 اتحادجی ذہنیق ، اوجاق غیریق ، ذاتا بوتون جنایتلری عفو ایتیمیرمیدی ؟
 اونلرک نظرندہ جنایت ، عزم و متانتی کوسترہ جک الک پارلاق فضیلت

دیکیدی ؟ نظارت موقعی اشغال ایدنلر آره سنده بیله قاتلار واردی .
 ذاتاً خلق بوا داره آلتنده یاشامایه آیشمشدی . سلا نیکدن استانبوله
 حریت کترین قهرمانلر هپ سلاحلی ، قبادانی کنجلردی . چیقاردقلری
 غنیمت لره بیله آدلری (سلاح) ، (طوب) و (خنجر) دی . حق
 غنیمت لری نیک باشلرینه (خنجر) دییه یازدیریورلر ، کنارینه ده شو
 تهدیدی علاوه ایدیورلردی : (مستحق اولانلره) . اولنلرک فکر نجه
 بومستحق اولانلر ، علمله ، عرفانه تنور ایدن ، اوروپا سیاستی
 تقدیر ایدمک وطنک اوغرادینی تهلکه لری بی پروا سوبله یین ، عثمانلی
 وطنک بالدیری چیلاقلر الدنه رذیل اولماسنی تجویز ایتمینلردی .
 حال بوکه طویلر ییتلرندنه پاتلایاجق ، خنجرلر سینهلرینه صابلا ناجق
 شیرلر ، کندیلریدی . خلقک ناموسکار صنی بویله وکلا اداره سنده
 یاشامای عثمانلیق نامنه ذل عد ایدیوردی . آرتق حریت ، عدالت ،
 وطن ، اتحاد ، ترقی ، مشروطیت گلرلندن نفرت ایدیلیوردی .
 ۱۰ نموزک غلیانلی وهیجانلی کونلرینی خاطراتان شریقلر بیله قلبده
 درین برالم اوینلردی . بعضاً عثمانلی روحنه آغیر و وقور الهی
 نغمه لری شکلنده عکس ایدن راست ترانه لرلندن صوکر :

اردومن ایتدی یمن

شرقیسی کویا ملی حسیاته ، ملی حیاته ترجمان اولیورمش کنی
 ریا کار برشوق و سرور ایله سویلندیکی زمان ، انسانک کوزلری اوکنه
 اتحادچی تورکلردن ، آرناوودلردن ، چشکانه لرلدن ، بولغارلردن ،
 روملردن مرکب بر حرکت اردوسی کلپور ، طوب سسلری ،
 میترا یوز کورولتولری ، ۳۱ مارتده هیسج بردخلی ، هیسج برجرمی
 اولمادینی حالده خلع ایدیلن ، سرایی رسنه قهرمانلری طرفندن یغما
 وتاراج اولونان سلطان عبدالحمیدک الیم وضعیتی ، ده صوکر بایزید
 میداننده ، آیاصوفیه اوکننده ، نیشان کونشک سحری یالیزلریله
 پارلایان کستانه آغاجلرینک مبارک یشیلکلری آره سنده ، یی
 سهارلر اوزرنده ، بیاض البسه لری ، چیلاق آياقلری ، کوکسلرنده

یافتہ لڑے قاص قاتی کسب و کسب ، صارارمش ضابطہ نعلینک ماتم انکیر
 وقورقونج برشکلده سالاندقاری تخطر ایدیلوردی . اوج .. نه فیجیع
 نه قاتلی ، نه خشیلی کونلردی ! اردومز کاشکه بین ایتسه ایدی ،
 کاشکه وطن اومنجوس بین یوزندن آلتی یوزسنه ک شرف و ناموسی
 غائب ایتسه ایدی ، کاشکه دولت اوج یحق توره دینک ظلم و شقاوتی
 ساقه سیله معزز اولکلرینی ، مقدس طور اقلرینی الدن چقارمسه
 ایدی ! حال بوکه اردویی پریشان برحاله قویان اتحاد جیلردی . اون
 سندر عثمانلی اردوسنک چکدیکی فلاکتلری ، کوردیکی فجاعتلری
 دنیا نکه هیچ براردوسی کورمه مشدی . یمده ، کرکده ، آنا وودلقده ،
 بالقانلرده قان و آتش ایچنده سنه لرجه چاریشان ، عثمانلی اردوسیدی .
 اتحاد جیلر عثمانلی سلطنتی غصب ایدملی اردو هیچ برسنه راحت یوزی
 کورمه مشدی . طلعتک ایمانه دیپلوماسیسی آنا وودلقده اصلاحات
 یامق ایسته یور ، اردو قوشدیریلوردی . انورک حریص دوشونجه لری
 اردویی کنجش دیرمک ارزو ایدیور ، ینه اردو ارکانی پریشان
 ایدیلوردی . کنج باشلردن بعضیلری تجریمه سزلکلری و بحریکسز -
 لکلریله دشمنک اک فائق قوتلرینه صالدریورلر ، ضررینی ینه اردو
 کوریوردی . بوتون یوفجاعتلر یایلمق له برابر مشول اولان ، تجریمه
 ایدیلن ، هیچ بر پاشاده یوقدی . شهرلر تسلیم ایدنلر ، مغلوبیت
 یورغونلقلرینی مستشارلق سندالیه سنده چقاریورلر ، اردونک
 سلامتی دوشونه رک یاییلاجق حرکاتک نه لکسنی آکلانلر قاعده
 سوق اولونیورلردی . بوتون یویولسزقلرک مسببی ، انور باشانک
 اها ایدی .

انورک بودرجه ضلالته دوچار اولمشی شایان حیرتدی . ۱۰ تموز
 حادنه سنک ناموسکار قهرمانی کندیسندن قطعاً مأمول ایدلیه جک
 برکریومه دوشمشدی . آرتق بوضالاتدن چیقماق اونک ایچون
 محالدی . یابدینی ایشلری ، دوشوندیکی امللری ، هیچ شهبه سز ،
 وطنی فلاکتیه سوق ایتک ایچون یایموردی ؛ فقط دوشونجه سنک

عظمی اساسلرہ مستند اولماسی ، امللرینک واهی واشتہار حرصہ عبتی اولماسی اونی ہر لحظہ خطا و فجاجت اوچوروملرینہ آتیوردی . انور عثمانلی خاندانہ انتساب ایتدکن صوکرہ بوسبتون تبدیل فیکر ایتمشدی . کندینی خاندانی قورقاراجق ، شرفنی اعلا ایدہ جک بر موقعہ صانیوردی . تاریخی عنعنہ لری احیا ایتک یگانہ اندیشہ سیدی . اطرافندہ کی اختیار ، عنعنہ پرست ، مرادارہدہ موقعلرینی محافظہ چالیشان کیمسہ لکدہ بوکا تأثیری اولیوردی . کاه خزینہ ہایوندن یاوز سلطان سلیمک خنجرینی چیقاریور ، ضابطانک عین مودلہ خنجرلرلہ مجہز اولمالرینی امر ایدیوردی . برسنہ قلیچ طاشیان ضابطان ، ایرتسی سنہ میچ ، او برسنہ قیصہ برقامہ ، او برسنہ خنجر طاشیورلردی . بوتبدل ، اردودہ تجہیزاتک یکنسقلغنی بوزیوردی . انور یالکیز وظیفہ سیلادہ مشغول اولمازدی ، لسان و سیاستدہ باشلیجہ مشغلہ لیدی . حربیہ نظارتندہ تطبیق ایتدیردیکی منفصل القبا ، برقاچ سنہلر بیچارہ مأمورلری کفرلرہ سوقارق وظیفہ ایفاسنہ مجبور ایلہ مشدی . بونککہ برابر حربیہ نظارتندہ جدی بر انتظامدہ واردی . انورک نظارتندن اول شعبہ لری طولدیران پاشالر ومیرالایر قالدیرلشدی . آلمان موفقیتی انورک حرصنی آرتدیریور ، فقط اخلافنی بوزیوردی . انور ، خاندان دامادلری ایچندہ مہم بر رکندی . عائلسی آرتق خاندانہ انتساب ایتمش دیمکدی . بر زمانلر پاشالغک ورتبہ نک علیہندہ بولونان حریت قہرمانی ، باباسنی دہ ، صوجہ سنی دہ پاشالغہ نائل ایدیور ، سرنجہ بک یوقوشنک اوزرتدہ ، ابوالہدیانک قوناقلرینہ ، بلند وشدادی نظیرہ لر وجودہ کتیریوردی . باباسی بیلہ قارتندہ رتبہ ومأموریت یرینہ ، غریب برنام طاشیوردی : انور پاشا باباسی !

برزمانلر مکتب حربیہدہ محجوب برادا ایلہ طولاشان ، مناستر شیوہ سنی الان ترک ایدہ مہین انور بک ، شمدی سلطان محمد خامسک سسلطنتہ شریک اولمشدی . مع مافیہ انور ، سراجہ صمیمی بر صیا

دکلمدی . انور کندیله اوله بر بابه وریوردی که ، عثمانلی خاندانی
کویا عظمت و شوکتی ادامه ایچون بو کنج پاشایه محتاج ایشده ،
شمس دی اونک مغربی ، اونک غربی سایه سنده عثمانلی مالکلی
تهلکدن قورتاریور ، عثمانلی تختی دشمن تجاوزلردن وقایه
جالشیوردی . انور نفوذدن استفاده ایدیور ، چقلیکر آلیور ،
هر صله غصب ایدیور ، ثروت صاحی اولمایه جالشیوردی . مع مافیله
یابدی حرکتلرک عاقبتی ده ووشونموردکلمدی . برکون ، بویکدیریلن
تروتلرک الدن آیناجقنه ، بو غصب ایدیلن عرصه لرک استرداد اولوناجقنه
اوده قالمی ؟ بونک ایچون بوتون املاکی زوجهنسک ، ناجیه سلطانک
اوزینه یادیوریور . دامادلر ایچنده انور درجه سنده نفوذ صاحی
اولان یوقدی . سرائی وکلانک ، بندکانک ، اسکی قاتل آرقداش لرینک
جمعی . استانبول خلقی آچلقدن اولورکن ، اوراده سازلر واکنجه لرله
اتحاد ارکانه و آلمانلره ضیافتلر چکیلیردی . سرائینک یالکزیمک
مصرفی آیدم بیکلرجه لیرای تجاوز ایدردی . انورک آلمانلره صوکه درجه
اعتمادی واردی . بو اعتماد ، اوئی ، هیچ لزومی اولادن تورکیه یی فلاکنه
سور وکله مک سوق ایتشدی . بو اجتهادی بلکه طوفرو اولاییردی ؛
فقط بدبخت و آچ ملت قان و آتش طوفانه صوققدن صوکره
کریده قالان اولاد لرینی و عائله لرینی آچلقدن اولدیرتمه سی ، اردوده
و معیتده یاییلان سوء استعمال لره کوز یومامی ، خرسزلری و محترکلری
حمایه ایتمی ، اردونک توانا وکنج قهرمانلرینی جهالتی و تجربه سزلکی
یوزندن مقتله آتماسی عفو اولونماز بر جانییدی . انور ، عین جنایتی
بالقاع حربی انساننده کلیولی شبهه جزیره سنده ارتکاب ایتش ؛
بیکلرجه وطن اولادینی شارکویده بولغار سونکولری آلتنده
بارچه لامشیدی . خلق دها بونی بیله خبر آلامشیدی . ملت ، دها بو
جنایتک بیله حسابی کورمه مشدی . فقط او ، اولدیردیکی بیکلرجه
انسانلرک قاتندن ، اولادلری سونکو آلتنده جان و برن فقیر ویکس
عائله لرک ، بویونلری بوکولش ، صاحی یتیمه دک یتیملرک فریادندن ذره

قدر وجدان عذابى طوعا یا بودى . توريه نك، تورك عرقك اك بيوك
قائلى اعيانده چيزمه لرني شيقيردانه رق، جنايتلرني ظفر شكندنه
آكتيور، قاي عدالت وانسانيت حسيله چاربارق قارشيسنه چيقان،
ياديني جنايتلك حسابى وقورصداسيله صوران تك براعتراضه قارشى
بيله تهديدكار ومغرور نظرلر فيرلاتيوردى .

انورك اداره سنى احتكارله ، خرسزلقه تلويث ايدن اك بيوك
مختكر ، طوپال اسماعيل حق پاشا ايدى . محمود شوكت پاشانك بو
مشنوم يادكارى استانبول خلقنى آچلقدن اولديرن اك بويوك مختكردي .
لوازم دائره سى طوپال اسماعيل حقيك زماننده رسمى بر احتكار
مركزيدي . او طه سنك او كي همان هر كون حرييه دن مطرود كالخان
بكارى ، ضابطلكدن مستعفى اتحاد فدايشلرى ، مبعولر ، يهوديلر ،
روملرله طولو ايدى . اك اوجوز فيثاته آلتان امته ، اشيا وارزاق ،
بوراده اك مختكرانه فيثانلرله مناقصه يه قونور ، استانبول خلقنى
آچلقدن اولديرن ظالمانه معامله لر بوراده قرارلاشديريلردى . بولغور
پالاسلرك ، بر جوق بازارلرك سرمايه سى هب بو منبعندى . طوپال
اسماعيل حق اك فقير تاجرلرى بيله ثروت ويسار صاحبي ليدم . جك
بر قدرته مالكدى . كنديسيله مناقصه يه كيريشن ، حتى دوستلق ايدن تاجرلر
بر طرف ، اداره سنده كي ضابطلر بيله اردونك اك بختيار قوللريدي .
اوستلرى تيز ، اكسكلرى خاص ، ارزاقلى بول ، پاره لرى مبدولدى .
لوازمده ضابط نامزدلرى واردى كه ، اشقيا تعمينه ، آناطوليونك
ياچين طاغلرند . سترجه صاحبي صاقالنى آغارنان بيكباشيلر ، حتى
مير آلايلر ، اونلر درجه سنده ارزاق آلامازلردى . قائمه قساملر
واردى كه ، ايسته دكلربنه تشككلرله ياغ ، اوقلرله برنج احسان بيورلر ، عاجز
ومحتاج ضابطلرى قابيلربنه ديكدكلرى نغزلرله آلاجه سنه قوغديرلردى .
اردونك اعاشه سنده بيله مدھش بر مساواتسزاق واردى . خرسزلق
علندي . بر زمانلر اون پاره سز و بریشان قيافته كرن بعض اخذعسكر
شعبه رئيسلرى و خط قوميسرلرى واردى كه ، شيمدى شھزادكانك

کزدکاری آراهلره کزیورلر ، بیکلرجه لیرالق کوشکر صباتین
آلیورلردی . یهودیلرک ، روملرک ، ارمنیلرک بر چوقلری بونلر
طرفدن مادتا خراجہ باغلامشدی . استانبول سوقاقلری استان
داخلنده کنج بکلره ، یهودی ، روم وارمنی کنجلیله طولو ایدی .
فقیر اولادلری عمله قوللرنده ، صوغوق جههلرده فداکارانه دشمن
قورشونلرینه کوکس کررلرکن ، اونک پاره قوتیه جانلری قورتاربرلردی .
انور بوتون بوسوء استعماللره کوز یومیوردی .

احتکارک عسکری قسمی بو صورتله دوام ابتدکی کی ، قنطاریه
شرکتی ده اتحادجیلره یی بر تجارت منبعی تشکیل ابله مشدی . ملق
صویق ، خلقی آج براق ایچون هر درلو تشکیلات یاییلمشدی .
خصوصیله ملی تجارت ، عادتا ملی بر جانیندی . بو جانیته اشتراک
ایچون ناظرلر ، دفتردارلر ، والیلر ومتصرفلر مأموریتلرندن استعفا
ایدیورلر ، آل برلکله بد بخت خلقی اولدیرمکه چالیشیورلردی .
فقط بوجانیته الذیاده اشتراکی اولانلر ، تجارتله مشغول مبعوثلردی .
اتحادک تاجر ومحسکر مبعوثلری ملنک الک محقر صنفی تشکیل
ایدیورلردی . اتحادک جانیلری تصدیق ایچون بوذاتلرک آغزلرینه
طلویال اسماعیل حتی چواللرله شکر آتیور ، طلعت دسته دسته
امتیاز برانلری طیقوردی .

حزب عمومی مبعوثلری ، ایچلرنده بش اون ذات مستثنی اولق
اوزره ، متباقیسی احتکاری شریعتہ ترجیح ایدن خواجهلردن ،
زوربالردن ومحسکرلردن مرکب بر مجلسدی . حتی مجلس ده دکل ،
عادتا بر اصناف لونجه سیدی . بر زمانلر خاتمک حرمتله تاقی ابتدکی
مبعوثلرک ، شمیدی عبدالحمیدک خفیهلری درجه منده خلق نظرندہ
قیمتلی قالنامشدی . خلقک الک جاهل طبقه سی بیله اونلره حسیانہ
ترجمان اوله حق اسملر بولمشدی . کیسی مجلس مذموبان ، کیسی مجلس
منحوسان دییوردی . فقط اونلر بو تحقیرلره ، بونفرتلره کلیلاً لاقید ،
تجارتلریله ، اکنجه لریله ، سفاهتلیله مشغول اولیورلردی . ایچلرنده

اویله لری واردی که، متره سیرینک یا قارینی بش لیرالق بانقوطلرله
 دوشه یورلر، قارائلقده سیغاره لیری آرامق ایچون بانقوطلر یاقبورلردی .
 صو امتیازلری پيشنده قوشان بو پاشالره توتون بالیه لری اورته سنده و ذیل
 اولان بوجیمتیز آدملرده شرف و وقار آرامق بیهوده ایدی .
 مؤکللری بولوندقلری ملت ، هر کون آجلقدن اولیوردی .
 فقط اونلرجه بوده کافی دکلدی . جبهده دشمن قورشونلریله تلف
 اولان ضابطه لریک بدبخت عائله لری ده اولدیرمک لازمدی . حق
 محترک مبعوثلرک ظلمی یاننده ، دشمنک حرکاتی ده انسانییدی .
 سپر محاربه لری ، میدان محاربه لری کبی ، جسم انسان کتله لریک
 تعرضه ، بویوک مقدارده تلفاته سببت ویره مزیدی ؛ بعضاً هجوملر
 کونلرجه حتی هفته لرجه فاصله لرله اجرا ایدیلیردی . حال بوکه تاجر
 مبعوثلرک خلقه ، فداکار ضابطلرک بیکس عائله لرینه ، مده کی چوجقلرینه ،
 اختیارلره وعلیلره ، ورم دوشکینده یانان خسته لره قارشى تعرضلری
 دائمیدی . خلق ، اکمک یرینه صمانله ، مصر اونیه قاریشیق چاموردن
 بدتر برخلوط ییوردی . بعضاً بواکمکی صانانلر ، المرینه کچن درت
 بش غروشله کومور آلمایه چالیشیورلر ، آج وضعیف ، برایکی کونلک
 حرارتک تأثیریه حیاتلری قورنارمایه چابالایورلردی . لکهلر حما
 ایله قوله راده تاجر مبعوثلر و محترک لرله تشریک مساعی ایلشیدی .
 زواللی خلق ، طیشازیدن دشمن قورشونلریله ، ایچریدن تاجرلری
 و مبعوثلری واسطه سیله اولدیریلیوردی . ملت ، ایکی غدار آتش
 ایچنده قالمشیدی . استانبولده اولولری صاراجق کفن بیله یوقدی .
 هر کون قافله قافله فقیر جنازه لری کفنسز ، حق اک زنکیئلری بیله
 یاتاق چارشافیه صاریه رق ، کومولیوردی . فقیر خلق صوک مسکینه
 بیله عریان و بریشان کیدرکن ، اتحاد مبعوثلریک ، محترک تاجرلرک
 قاپانمالاری ایپکلر و الماسلر ایچنده ، سیره لرده و سینه مالرده ، اسویچرده
 و قارلسپادده عمر سورویورلردی . اسویچره ، اتحاد قاتللریک
 نوجه لرینه عادتاً نفر چکمه اولمشیدی .

استانبول خاقي قاتلر آلدن صوبايوردی . قادين ، چولق
 چوجق ، اوموزلرنده كلينك انوابلری ، قوجاقلرنده ماكنه لری ،
 چارشيلره دوگولشلردی . بعض خانلر حجابلرندن بچه لريني صيم
 صيق اورتمشله ، چارشافلرينك آلدن بربوغچه چاشير ، نفقه لريني
 تدارك ايجون چارشيه قوشويورلردی . بو آج ، محتاج ، بيكس
 غلبه لك اورتاسنده ، آلدن عسكركه كيدن اوغلنك فسي ، دكان دكان
 طولاشان اوستي باشي تميز خانلر ، شهيد اولادينك انوابلريني صاتارق
 بركونك نفقه سي تأمينه چالیشان آنالرده واردی . بعضاً خالی
 پياسه سي يوكسه ليور ، خاق اوينده كي خاليلري صاتيوردی . مع
 مافيه بوقلاكت وسفالتنه حصه دار اولانلر آره سنده اتحاد جيلرده
 واردی . بونلر ، جهالت وغفلتله اتحاده اتساب ايدن بيجاركان
 گروهيدی . همان هرگون ، كوشه باشلرنده ، كوبري اوزرنده ،
 آچلقدن ترك حيات اتمش ، يوزلري اهل الكارانه برمنديل ايله اورتولمش
 اولولر ، بعضاً ، آلدن عائله سنك نفقه سي ، بولنه كيدر كن اوتوموبيل
 چاربه رق بارچه لاش انسان جسدلري كوروليوردی . آچلق ، اولوم ،
 احتكار استانبول خلقك اك بويوك دشمنلريدی . بعضاً بو آچلق
 اورتاسنده ، اوغلنك شهادتي خبر آلان بدبخت برآنانك آجي
 چيغقلري ايشيديليور ، خروستيان محله لرنده چان صدارلي ماتم انكيز ،
 حزين ، فاصله دار طينلرله روحلري اورپرتيوردی . هر رده ماتم ،
 كوز ياشي ، فرياد ، تأثر ، فغاندن باشقه يرشي كوروليوردی . خلقك
 بوقلاكتنه قارشى نظارتدن تجارته نقل ايدنلر ، محتكرلر ، موسويلر
 تاجرلر پاك پاك باقنوط طولايورلر ، تورك حكومتك اعتباردن
 نوميد ، اللرينه كچن ياره يي آبارتمانلر ، چفتاكلر صاتين آلاق
 تأمينه چاليشيورلردی . معوزلر و محتكرلر استانبول خلقى اولديرمك
 ايجون اودرجه چالشمشله و اودرجه يورولمشلردی كه ، ايجلرندن
 برچوقلري يورغونلقلريني كچيرمك ايجون بويوك آطيه انتخاب
 ايتمشلردی .

بویوک آطه ، تورک ، موسوی ، روم وارمنی تاجرلرک و حرب
 زنکیئرلرینک صیفیه سی اولمشدی . بوراده ، تاجر ناظرلر ، محتکر
 دفتردارلر ، واغون تعییه سنده ماھر ، عسکری دمیر یولار ، منسوب ارکان
 حربلر ، حسن پاشانک خفیہ لکندن مخرج حرب زنکیئرلر ، ارمینلر
 پارچه لانا قاتلر ، هپ بر غروب تشکیل ایتشلردی . عشرت ، سفاهت ، قار ،
 آھنک بر برنجی ولی ایدیوردی . آطه واپوری هان هر هفته قولتوقلرنده
 عودلر ، کانهچلر ، طنبورلر ، کریمچی آلایلرنی طاشیمقله مشغولدی .
 انک زیاده بیاتو صداسنه آلیشقین اولان آطه نک منور سیماسی حربلر
 صوئک سنه لرنده زور ناسسلیله ده ایگه مکه باشلامشدی . سماعی قهوه سندن
 بقیشن حرب زنکیئرلر یوزلرجه لیرالر ویرمک کوشکلر طوتمشلر ،
 خلقلک جینندن آلدقاری پارلرله اکتیورلر ، صباحلر قدر ذوق و صفا
 ایدیورلردی . دکنز آبدال محله سنده ، آیاقلرنده طاقونیه ، قوه شو قوموشو
 طولاشان خاھلر ، شمدی محتم آرابه لرک آتلیرنی قوللانایورلر ،
 بعضاً آتلی ضبط ایدمیه رک فریاد و فغان ایچنده نظام جاده سنک
 غلبه لکنه ذلیل اولیورلردی . آطه ، باشقه بر شکله ، باشقه بر رنگه
 کیرمشدی . اسپلانید بالاس اوکنده بوسکولی یاننده ، سیاه فسیلی
 ییچقینلرک راقی ایچدکلری کورولیوردی . بونلر ملی تاجرلر ، حرب
 زنکیئرلریدی . خلقلک بوغازندن آلتان ، احتکارلر و حیللرله بریکدیریلن
 تروتلرک مهم بر قسمی آطه صرف اولونیوردی . بایرام زاده آطه ده
 کوشک طوتمق ایستیهور ، یاننده براییک افه ، یوزلرجه ایرا ویرمک سیر
 سفانک قوجه بر واپوریه آطه بی تشریف بویوریوردی . کومور سزلیکک
 بوتون فجاعتیلر حکم سوردیکی زمانلرده بیله اتحاد و کلاسی آطه به
 استمبوطلر ، خعیصوصی یاھلرله کلایورلر ، خلقله تمساس ایتمک تنزل
 بویورمیورلردی . آطه نک همان هر گوشه سنده آھنک بر دوامدی .
 حبس سخاھلرده طیرناق سوکئیلر ، طلعتک حمایه سیله واغون صاھانلر ،
 خلقلک آجلق و سفالقی اووتاسنده صباحلر قدر آھنکلر ، ضیافتلر ، عیش
 و عشرتلرله صفاسوریورلردی .

بعضاً جاويدك افدى يالديزلى و محشم كوشكندە ھمنھريزىنە
 الكتريق ضيالرى آئندە پارلاق ضياقتلر ورييور ، كيجه ياريمى
 استمبوللرلە طوقا تاياندن دوندير مەكتير تيوردى . اتحاد تورە ديلرى
 ايچون زمان و مكان اهميتسزدى . فقير خلك كيسەندن چالداقلى
 پارەلر اونلرك نظرندە مشروع بر حقدى . آلق يوز سەك دولق
 دوچار اينداقلى اضمحلالە مكافاتاً لك فاحش اسرافلرلە ياشامقدن ،
 سلطنت سورمەكن حيا ايتيورلردى . ظلمت و جمال ھكبەلى آطەدە
 روملردن غصب ايديلن مكىتى زيارتە كليورلر ، قوجە تورە ديلرك
 اسكەدن تەيەقدن قيصە بر مسافەنى قطع ايتەلرى ايچون استانبولدن
 طونلرلە كومور صرف ايديلەرك زحمتلر و مشقتلرلە ھكبەلى آطە
 اوتوموبيل كتيرييورلردى . قوجە زوردار ، بر قاچ سە اولسلانليك
 ريختەندە طابان تەرك ، قەوۋ قەوۋ طولاشيرلركن ، شمدى شرف
 وحيتنى لىكدار ايلداقلى بدبخت ملتك سفاقى يھاسنە مصرفلر
 ايدييورلر ، اوراق بر يوقوشە بيلە اوطوموبيلسز چىقاميورلردى . بو
 محشم تفرجى بيكلرچە ليرا صرف ايديلەرك ، بوزلو شامپانيالر ،
 نفيس دوندير مەلر ، مكلف يىكلرلە پارلاق ضياقتلر تعقيب ايدييورلردى .
 تورك وروم ، صمانلە قاريشيق (بوبوتا) يىن بوتون خلق ، بىكلزلى
 صاب صارى ، ياناقلىرى چوكش ، كوزلرينك اطرافى مورايمش ،
 آرقەلرندە ماتم انوابلرى ، بوغاصيلر ضياقتك قارشيسەندە ، مېھوت و متائر ،
 لىتلر ايتەكدن كرى طورميورلردى .

آرتق بو ظالم حكومتە محبت باغلامق ناصل قابل اولاييلردى ؟
 عبدالحميدك ظلملرى بو اجالاف ادارهسى يانندە پت مشروع وپك
 ناموسكارانە ايدى . قرە مراد آغار ، بكتاش آغار ، دلى برادرلر ،
 طلمتلك ، انورلك و جمالرك يانندە الكفصليتلى انسانلردى . لالە دورينك
 اسرافلىرى ، بو شقاوت دورينك قصدى اھانتلرى يانندە ھيچدى .
 اوزمانلر خلق ، ملتك فكلرى تربىەسە مصروف اولان بو جيانى
 بيلە چوق كورمش ، لالە دورى رجانى آل قانلرە بويايمشدى .

شمدی ، بوغاصبانه ادارهیه قارشى نه عصیان ایدن ، نه سس چیقاران،
 نه ده اعتراض ایله ین واردی . اسکی عثمانیلرک حق و حیثیت نامنه
 غلیان ایدن قانلری بوتون طامارلرده قورومشدی . مع مافیه هرکس
 سلطان عبدالحمید دورینی آرایور و تقدیر ایدیوردی . ۱۰ تموز
 عصیانک ایلک کونلرنده عبدالحمید دورینک ظلملرندن شکایت ایدنلر ،
 بواسطه زمانلرینی برکون کلوبده سعادت دوری تلقی ایده جکلرینی
 بردرلو دوشونه مەمشلردی . وطن پریشاندی . عثمانلی خاندانک ایکی
 یوز سنه ده قانلر دوکهرک ، مشقتلر چکهرک فتح ایلدکلری معظم
 بلده لری ، اتحاد توره دیلری اون سنه ایچنده جاهلانه بر سیاست
 یوزندن دشمن آیفلری آلتند چیکنه مەمشلردی . بو امانه سیاست
 یوزندن ناموسلر هدر اولش ، عرضلر یامال ایدلمشدی .

انور تورک عسکرلرینی نجریه سرلکته قربان ایدر ، طلعت
 استانبول خلقی احکار ظلملریله آچلقدن اولدیرتیرکن ، جمال پاشاده
 سوریه ده هر بلری نفی ایدیور ، اک فاضل و محترم سبازی دار
 آغاچلرینه چکیوردی . سوریه ده ذوق و صفا ایله عمر سورهن مصر
 سرداری سفرلرده دوچار اولدینی موفقیتسزلکلری اهل اسلام
 آصمقله قایتمایه چالیشیوردی . جمالک بوحرکتی ، تورک اداره سنک
 عربلر اوزرنده صوک و قطنی برحاکمیتی تاقی ایدیلوردی . تورک ،
 عرب ، روم ، ارمنی ، هرکس بومنحوس اداره نک زواته منتظر دی .
 نه سلطان محمد خامس دن ، نه هر آی آووجلر طولومسی پاره آدقلری
 حالده ، انورک مهموز شاقیردیلرینه قارشى هیچ سس چیقارمایان
 اعیان دن ، نه محسکرلر لونجه سندن ، هیچ بر شیدن خیر یوقدی .
 بد بخت ملت هر شیددن نومید ، ذلیل و حقیر ، یاشامیور ، عاقدا
 سورونیوردی . سلطان عبدالحمیدک ارتحال ایلدیکی کون خالقک روحاً
 عصیانى ضمناً تظاهراشمش کیدی . جنازه نک کجه چکی یوللر ، بیکلرجه
 اهالی ایله طولولایدی . عبدالحمیدک جنازه سی تکبیر و تهلیللرله کوتورولورکن
 شهید آنالری ، طول زوجلر ، اولادلرینی توره دیلر جهالته قربان

ویرن بابالر متأثرانه آغلایورلر ، بر جوق قادینلر ، کوزلرندن یاشلر دوکدرک ، الهیری سایه قالدیرمشلر :

— باشکی قالدیرده باق . بزى کیملره براقیورسک ؟

دییه باغیریورلردی . یوفریاد پک حقاییدی . برزمانلر سلطان عبدالحمیدک مسبقده اداره سنی معتدلانه تنقید ایدنلر بیله ، جنسازه نمازی قیلنه جفی زمان :

قدریکی سنک مصلاده بیلوپ ای باق

طوروب ال باغلایالر قارشیکه یاران صف صف

بیتنی تکراردن نفسلرینی منع ایدمه مشلردی . مع مافیه خلق ، حقنی مدافعه یه عازم ، حقنی غصب ایدن قوتلری قیرمایه مهیا اولماقجه ، استبداددن وظلمدن هیچ برزمان قورتولامیه جفی آشکاردی . تورکیه ، قومیته اداره سیله ، چته جیدیکله ، یکرمنجی عصرک مدنی دولتلری آره سنده یاشایامازدی . بو ، عادتاً صاف وسالم بر وجود اوزرنده قانغره ن اولوق استعدادینی کوسترن بریاره کیددی . بویارمک کاملاً شفا بولماسی ایچون ، اوروپانک بنیه سیله عین قانی ، عین عضویتی حائز اولماسی لازمدی . بوتکامل ایسه آنجق علمله ، معرفتله ، عدالتله ، حقیقی بوتون چیپلاقنغیه قبول ایتمک ، حتی ظاهراً دکل ، اصل فکراً اوروپالیلاشمق سایه سنده ممکن اولاییلیردی .

ملی تجارت تورک ملتنی بریشان ایلشدی . دکانلرده قرمزلی یافته لر اوزرنده کورولن توران بربرلری ، قیزیل الما لوقانقلرلری ده کوستریوردی که ، ملی تجارتله ملی حرث اوموزاوموزه کیدیوردی . آلمان نفوذی ، خلقک بوفلا کتلیرینه بیکانه ، یورده وامتیه سیله صوقولمایه چالیشیوردی . موسویلر ، آلمان نفوذینی استقباله حاضر ، متأدیاً آلمانجه اوکره نیورلردی . روم وارمنی دکانلرینک اوزرینه آلمانجه یازیلر یازیلشدی . خانلر بیله آلمانجه یه چالیشیورلر ، بولغورجیلر آره سنده کندیلرینه زوج انتخابی سعادت بیایورلردی . مع مافیه اتحاد جیلرک مملکت ایچون فائده لی اجرا آتی ده یوق دکلدی ؛ فقط

عمومی قنایقاری اوقدر جوق و اودرجه جاهلانہ ایدی که ، بوقانده لری
 کورمک و تقدیر ایتک قابل دکلدی . ایچلرندہ ناموسکار ، ارتکایہ
 تنزل ایتمز آدملرده واردی ؛ فقط اونلرک فردی فضیلتلری ،
 ایچینده یاشادقلری متفسخ کتلهک احتکادلری ، ارتکابلری
 و جهالترلی آره سنده غائب اولیور ، وهیچ برنایر اجرا ایدمه یوردی .
 بو ، اویله برفساد اخلاق ، ینما ، احتسکار ، ظلم و اعتداف سیلابیدی که
 اوکنه طورمق ایچون عالم و عرفانله مجهز ، وطن و مدنیت حسلری
 هر درلو شخصی منفعتلرک فوقنده طوتان ، منور ، عزیمکار ، انسانیت
 حسلریله مشحون ، کوتلی برفرقه نیک قانون قوتیله ، قاهرانه عزیمله
 تمکن اولابیلیدی . کنجلاک ، بویله برفرقه تشکیل ایدمه یه جک
 درجه ده ضعیف ، عزمدن ، متانتدن ، فیکری سرمایهدن محرومدی .
 اختیار نسل ایسه ، اعیان صرملرندہ بیله ، وقتلری خوش کچیرمک ،
 کیمسه ایله کوتو کیشی اولماق اندیشه سیله معلولدی . سیاسی اخلاق
 کبی ، اجتماعی اخلاق ده سقوط ایتشدی . مملکتده علمه ، عرفانه ،
 حیثیته رغبت یوقدی . اتحاد حکومتی عبدالحمیدک جاسوسلق سیاستدن
 ده زیاده آجقلله ، استبدادله ، اوجاق حمایه سیله اهلنیک اخلاقی
 بوزمشدی . خفیه لک سلطان عبدالحمید دورنده کمندن ده زیاده
 ایدی . ناب عالی جوارنده همان هر کوشه ده ، سیویل قیافتنده خفیه لر
 بکلورلر ، باب عالی بناسی آلنده ژاندارمه لر متادیا ماوزر تفتیشلری
 طولدیروب بوشالتمقله مشغول اولیورلردی . اردومزک هر مغلوبیتی ،
 سواققلرده دوریه قوللرینک آرتماسنه سبب اولیوردی . فقط آرتق
 اورولله جق ، اولدیریله جک ، آیاقلانه جق کیمسه قالمشیدی ؟ خلق
 آجقلدن ذاتاً بی محالیدی ؛ جهملر ، تورک نفوسنی کافی درجه ده
 یتیرمیورمیدی ؟

خلقلک سفالته طلعت و عونہ سی کلیاً بیگانه ایدی . متره سلرینه
 بیله واغون هدیه ایدن تورمه دیلر ، خلقلک بو احتیاجی اوکنده
 اوتوموبیللرله ضیافتدن ضیافته قوشیورلردی . استانبولک فقیر و عاجز

خلفی ، آجلقدن بی جمال ، اولاد آجیسله دلخون ، آجی کوزیا نلری
دوکرکن طلعت ، انور ، جمال و یاران کاغد خانه ده ساجدار آغ
کوشکنده ، خلیجه ترسانه باغچه سنده عیش و صفا یله وقت
کچیریورلر ، طالعیز سلیم نالیک معزز روحی بیله رنجیده ایتمکدن
حیا ایتیورلردی .

ویانه یله برلین عثمانلی سفارتخانه لری ایکی مهم احتشاکد مرکزیدی .
بوایی سفارتخانه ده آتاشه میلیرندن سفیرینه قدر هر کس تجارتیه اشتغال
ایدیوردی .

ارمنی تهجیری آرتق اونوتولمشدی . ارزنجانده ، ارضرومده
ارمنی چتله رینک قانلی خنجرلریله تلف اولان ، آجلقدن اولن بدبخت
تورک لری دوشون بیله یوقدی . جاوید بک ، شوخ و متبسم ، قاضی
کومینده چیچک باراملری اداره ایدیوردی . استانبولک ظریف
خانلری ، تنلرینک طراوتی کوستره ن ایجه ایسک جورا بلری ، شاقه قلرینه
دو کولن ساریشین و سیاه صاچلری ، ایسکلر ، پرلانلار و آلمانلار
ایچنده ، بو وطن پرورانه سنسکلره عشوه کارانه قوشیورلردی . تملکینک
اک مقتدر ذوق پرستلرندن مرکب هیئتار معرفتیه ترتیب ایدیلن بو
اکلنجه لر ، اولنر ایچون مهم فرستلردی . تورکیه نک بویوک خطابی ،
ساخه انقلابک مغرور نه کدری بوتون بوشنسکلرک قطبی تشکیل
ایدیوردی .

استانبولی آجلقدن اولدیرن ، عثمانلی سلطنتی جاهلانیه سیاستلریله
اتقراضه سور و کله ین بوداتلر ، ذوقلری واکلنجه لر یله مشغول ، کیجه لر یی
قار ماصه لر نده کچیرلرکن ، ارضرومک تبریز قایم سنده ، ارزنجانک
طار قوبولر نده ، خندقلر ایچنده ، بی روح جسدلر ، قوللری یانلرینه
طوغرو آجیلش ، آغلر لری معنوی قاتلر یینه انکسار ایدر
وضعیتده سیایه متوجه ، چولاق ، چوجق قادین ، ارکک ، قاتلر
ایچنده ، قارلر اوزر نده یاتیورلردی .

خرابہ ار اور تاسندہ یم . اطرائدہ ، ترہ لر بیقلمش ، جاملرک
جیلیرینہ وارنجہ یمہ قدر سوکولمش . اولرک یامش دیرکرندن آلآن
بوغوجی بردومان جیقور . اللری سوردیکم طوزجوالری بیله حالا
سیجاق . استانبولہ اتحاد ارکان ، شامپانیا نشہ لریلہ ساز وآہنک
دیکارلرکن ، بورادہ بترن آلورلی ایچندہ ، بوغوجی دومانلر ،
قیزغین آتشلر آردسندہ فریادلری عیوقہ جیقارق جان ویرن تورکلر ،
ارمنی ظلمیلہ یریشان اولمشلر ، یانیق دبرہ کلر آلتندہ یاتیورلر .
طربرزوندن ارضرومہ قدر خرابہ دن باشقہ برشی کورولمور . هیچ بر
کوبدہ ، هیچ برقولوبدہ ذیروح بر مخلوقہ تصادف ایدلمور . ارمنی
ظلمنی شمدی آجلق تعقیب ایش . اردو بیله وطنداشلرینہ دشمن .
ارضرومک یمکلک ذخیرہ سی قوماندانلق طرفدن ضبط ایدلش .
ارضروم خلقی رزمانلر ارمنی اداره سنک اولوم تہلکسندن قورتولمش ،
شمدی تورک اداره سنک آجلق واستداد بیله لریلہ بیتاب . عتکرلر ،
استانبولی صویدقلری یتشمیورمش کی ، شمدی ارضروم اولورلرینک
کفلرندن نہ تجارت ایتدی دوشونمشلر . روسلردن خلقک اون ایکی غروشه
آلدقلری مافانلری اوچر غروشه طوبلامشلر . یویارہ ایله روسیہ یمہ امتہ
آلمایہ کیمشلر ، کویا حقندن وعدالتدن آکلار بر حکومت ایش کی
ارضرومک ییحیارہ ناجرلرینہ فضلہ اولہرق برده نرخ قومیشلر .
فقط ظلملرندہ بیله مساوات یوق . ارزنجاندہ جابک اوقسی طقوز
یوز غروشه ساتیلدینی حالہ ، ارضرومدہ ایکی یوز غروش نرخ
قونلش .

بو ظلم خلقی آرتق جانندن بزدرمشدی . عثمانلی اداره سنک
عودتندن صفوت وصمیمیتلہ ممنون اولان یوق کیسیدی . ارمنی
ظلمی تعقیب ایتسہ ایدی ، روس اداره سی ہردرلو یابانچیلری
وحقسنزلقلریلہ برابر اہالی ایچون الک عادلانہ اداره ایدی . بر قاج
آی اول اولوم تہلکسی آلتندہ نترہ یم ، ارمنی ظلمیلہ یورہ کلری
اوسیانان خلق ، شمدی دہ آجلق تہلکسنہ معروض قالمشدی .

ہوتہلکہ دھا طربزوندن باشلا یوردی . طربزونک اورتہ حاللی
 قادینلری ، یانلرنده پڑمردہ قیافلی چوجقلرہ اللرنده بیچاقلرہ نفقہ لرنی
 تہمین ایچون قرارکاھک دیوار کنسارلرنده اوت طوبلا یورلردی .
 خمسہ کوبنہ قدر بوتون بوللردہ آج وسفیل انسانلردن باشقہ کیمسہ یوقدی .
 جویزلکدہ ، برصباح ، اوراق ، صاریشین ، الا کوزلی برقیز ، قارشیمہ
 کلدی . اکمک ایستہ یوردی . نہ قدر یازیقدی ! کیرلی بریمنی آلتندہ
 بوتون جاذبہ سیلہ کورونن سیاسی ، یرتیق انوابلری ، کونشیدن
 قیزارمش باجاقلری ، بوینندہ کیسہ سی ، آلتندہ دکنیکلہ عادتا صحنہ
 دیلنجی روانہ چقمش ظریف ومستثنی برمادموازی آکدیری یوردی .
 اون اون ایکی یاشندہ ایدی . کیم بیلیر قاچ آی اکمک یوزی
 کورمہ مشدی . قیزہ براکمک ویردم ، تشکرہ بیلہ لزوم کورمدی .
 آتی برسوینچ اونی کندندن کچیردی . چلقین ، متبسم ، برنشہ آدیملرہ
 کویا برجیلان کی اوچدی . ناصیرلی آیاقلری برآن توزلر ایچنہ قاریشدی .
 ایلریدہ ، بیتاب آدیملرلہ یورون آناسنہ باباسنہ ، مرکب لردن واتسانلردن
 مرکب مہاجرلر قافلہ سنہ طوغرو قوشیور ، قولنی اوزاتمش ،
 اکمکنی کوستیریور ، سوینہ سوینہ باغری یوردی :

— اکمک ، اکمک !

آناطولی محو اولمشدی . آجلق ، اوکسوزلک ، کیمسہ سزلک ،
 یریشانلق ہان عمو میدی . طاغلرک چاملی یوللرنده ، کویلرنی وآنالرنی
 آرامق ایچون طولاشان غریب ، آیاقلری چاریقلی ، صرارارمش ،
 طالعسر چوجقلر ، اختیار قوجہ لرنی مرکبلرہ بیندیرمش ، صرپ
 یوللری طیرمانان ، آجلاقدن یول کنسارینہ یاتارق ترالر ایچندہ برلقمہ
 اکمک دیلہنن قادینلر کورولیور دی . (آرداسہ) دہ ، برآقشام ، دکانلرک
 اوکندہ طولاشیوردم . دکانلرک اوکی آرابہ لرلہ طولو ایدی . آرابہ لرک
 برندہ برانسان کلہ سی ، صیرتمش دیشلرلہ ، آناطولینک بو فجاجتہ
 کولیور کییدی . بردنبرہ قارشیمہ بر چوجق چیقدی . ہنوز سکز
 یاشندہ ایدی . یاشندہ بیاض ، اسکی بر کچہ کلاہ ، آرقہ سندہ مانی ،

یامالی بر متنان ، آباغندہ کیرلی بر شالوار ، اسکیمش بر چادریق ،
صاریشین ، طوپوز ، مانی کوزلی بر اوغلانندی . یانمہ یاقلاشدی ،
کوزلرینی محجوبانہ اکدی ، پارماغنی آغزینہ کوتوردی . معصوم
واوکسوز بر صدا ایله صورتی :

— بورده ماجرله اکمک ویریورلرمش .

بردنبرہ آکلادم . تکرار صورت . قائممقام بک ، بر آزاوندہ
آج ویدبخت مهاجرلری تنظیم ایله مشغولدی . بونلر روس استیلاسی ،
ارمنی مظالمی اوزرینہ وطنلرینی ترک ایدن ، یر قاج سنہ آناتولینک
هجرا گوشہ لرنده سفیلانہ بر عمر سوردکن صوگرا ، وطنلرینہ دون
تورکلردی . چوحنی قائممقام بک یانہ کوتوردم . صورتی . بر
دقیقہ ایچندہ اطرافمز کویلولرله طولمشدی . چوجقلہ قونوشدیغمزی
کورن کویلولر قہوہ خانہ دن برر برر چیقورلر ، غریب و متجسس
طورلرله بزنی دیکلہ یورلردی . ایچلرندن بری درحال سوزہ قاریشدی .
چوجقلہ صورتی :

— اوغلان ، سین هانکی کویدنسک ؟ آدک نہ ؟

چوجق ، متصل چادرینی ایله طوراغی قازیور ، پارماغنی آغزینده ،
اوکہ طوفان و اکیلن کوزلرینی یوقاری قالدیرمش ، قورقہ قورقہ
جواب ویریوردی :

— آدمی ؛ عثمان . خاشیلیادیم .

ایچلرندن بری چوحنی طانییدی :

— طونیہ لی احمدک اوغلی ...

دیدی . چوجق اوکنہ باقیور ، غلبہ لیکدن عادتاً اورکیوردی .
کوزلرینی برہ دیکمش ، سورولان سؤالره ساکن و محترز بر سسلہ
جواب ویریوردی . زواللی چوجق ، ایکی سنہ در آناسنی باباسنی
کورمہ مشدی . ایکی سنہ در ، اوکسوز ، کیمسہ سز ، اوفاجق بوی ،
معصوم قلبیلہ کیرہ سونده ، قہوہ گوشہ لرنده یاتمش ، آج قالمش ، تحمل
ایتمش ، مرحمت کورمش ، یاشامشدی . آرتق او ، آناسنی باباسنی اولمش ،

گندیسی کیمسه سز بیلوردی . کویک یانی باشه گلش ده خبری یوقدی .
قارنی آجدی . برلقه اکلک بولق ایسته مشدی . مهاجر لر اکلک
ویرلدیکنی کیمدنسه ، طومش ، هیچ طانیادینی ، بیلمدیکی غی
بولش ، بوکوک بوینله اکلک ایسته مکه گلشدی .

کویولردن بری ایلرله دی :

— اوغلان ، سنک آناک باباک صاغ ...

دیدی . الله ... عثمانک کیرلی یوزی قیب قیرمزی کسیلدی .
طوبراقلره باقان مائی کوزلری بردنره قاراردی . کوچوک ، کیرلر
ایچنده الری عصی بر هیجانله کوزلرینه بایشدی . اوزون ، قلیک اک
درین کوشه لرندن کلن بر آغلایش ، بر ایکلن باشلادی . ذواللی
عثمان ، هنچقره هنچقره آغلا یوردی . کوزلردن دوکولن ، کوچوک
بارماقلرینک آرمندن صیزان یاشلر ، کیرلی یوزنده بیاض ایزلر
یابارق آقوردی .

طاغیر قارادیوردی . بن وبش کویلو ، بریانغین خرابه سی
اورتاسنده ، آناسه باباسه قاووشمش بر معصومک آجی کوز یاشلری
قارشینده دلخون اولیوردق .

(آرداسه) دن ارزنجانه قدر بوتون یول ، پک نادر تصادف
ایدیلن ، آج ویریشان تورکلره طولو ایدی . بر زمانلر قصبه لری
و کویلری طولدی بران تورک خلقی عادتا کوکندن دینه جک درجه ده
اورته دن قالمشدی . مهاجرت و اولوم ، آناتولینک چاملق تبه لرنده ،
یشیل اووالرند توتن اوچاقلری سوندیرمش ، محو ایتمشدی .
موسقوفلرک کری چکیلرلری اوزرینه ارمیلر قصبه لرده و کویلرده
اودرجه تخریبات یامشلردی که ، طربزوندن قارصه قدر ، هیچ بر
کویده ، یاشایان بر جان قویماشلر ، ذاتاً طوبراق بنالردن عبارت
کویلری یاقشلر ، ییقمشلر ، کریلرنده خرابه لرده باشقه برشی
براقامشلردی . شمدی ، وطنلرینه دوتن تک توك بیچاره لردن ،
ارککلری اتحاد حکومتک جهانه ، ارمیلرک ظلمنه قریان اولان

قادینلر ، قیزلر و چوچقلردن مرکب ، بو بوش صحرالرده ، بو قارلی یوللرده ، بو صوغوق اووالرده ، وطنلرینه قاووشمق ایچون آج و سفیل طولاشیورلر ، یوللردن پک نادر کچن قارنی طوق یولجیلردن برلقمه اتمک ديله نیورلردی . فقط بوسعاده نائلیتده اونلر ایچون محال کیدی . بعضیلری فرات کنارلرنده براز اوت بولا بیلورلر ، نفقه لرینی بریشان یوردلرینک فیضندن تدارک ایدیورلردی . یوللرده روسلرک براققلری ارزاقده بولری پکمه ادلر ، صوجوqlر ، بالقلرله حلولو ایدی . صوغوق اووالرده آجلقدن اولن بوخلقه برلقمه اتمک ویرن یوقدی .

(کوسلر) ده کوردیکم منظره جدآ الیدی . بوراسی خراب ، چیلاق ، قسوتلی برکوییدی . طوپراق اولر آرمسندن کچن چامورلی سوقاقلرنده کومه لرله سرچهلر اوچوشور ، ایری ایری کوپکلردیوار دیبلرنده اوپویوردی . اووادن اسن سرت برروزکار دره نك کوپوکللی حولری اوزرنندن عادتا هرشین طوندیرارق کچور ، سرچه کومه لرلی شدتلی برروزکارله صاورولارق کویا آغلارک داللرینه یایدیشورلردی . بوراده ، بیه جک ، معدنه ک فعالیتنه یاردیم ایدمه جک اوت بیهله یوقدی . چولق چوجقدن ، اختیار قادینلردن مرکب برقافله بو آجلق چولنک اورتاسنده ، اللری قویونلرنده ، روزکارک اوکنه دوشمشلر ، اوچیورلر ، ترمیه ترمیه ، یالین آباق ، پاچاورالر ایچنده قوشیورلر ، کندیلرندن قاچان اولومک بیشنی قووالیورلردی . نه قدر پریشانیدیلر ! اولوم قارشیسنده بیهله ، حجابدن وعفتدن محروم طورمق ایسته میورلردی . بو پریشان پاچاورالر آرمسندمه ، آلا ، سیاه قادین کوزلری ، کیرلی برباش اورتونک کنارندن کورولیورلردی . برزمانلر ، بونلرده کویلرنده مسعود یاشایورلر ، سوییورلر ، قلبلرینک عشق هیجانلری آلتندمه چاربدیغنی طوییورلردی . عسکرلکک آیریلقلرینه ، فجاعتلرک اک قاتلی تهاجلرینه هدف اولان ، قوجهلری اولن ، اولادلری قورشونلرله تلف اولان ، هپ بو بدبخت آنالر ، بو طالعه سز زوجهلر

دکلیدی؟ ظالم و غاصب بر حکومتک اداره سنده انسانقلری ادراک
ایده مہین بویچاره لر روحلرینک تأثرلری آلتندہ زبون یاشامشلردی۔
نور کولرندہ بیله کوللرینک اینجه لی حس ایدیلوردی :

درسمک اوکی کلک

خریوطه کیده کلهک

آغام یاندہ اولسون

طوربا طاقانی دیلنہرک

فی الحقیقه اونلر ہمسنہ راضیدیلر . آغالری یانلرندہ اولسون
استانبولک کلخان بکلر سلطنتک کیفی امرلرندن قورتولسونلر ،
طوربا طاقوب دیلنمکک بیله راضیدیلر . آغالرینہ مجلویت ، اونلرک
نظرنده اک بویوک سعادتدی . ذاتاً آغاسی ، اوغلانی بر قاج سنہ یانندہ
کورده ، سودیکی و سوه سوه بویوتدیکی یاوروسیلہ مسعود و صرفہ
یاشایان قاج عورت ، قاج آنا واردی ؟ بوتون آناطولی ، استانبولی
سویان ، سلطان محمد خامسک سلطنتہ اشتراک ایدن بر قاج قاتلک
امرینہ منقاد ، هرچ و مرج ایچندہ یاشامیورمیدی ؟ کیم بیلیر ،
همسنگده آغالری ، هانسی جبهده ، هانسی کنج پاشانک جهلی یوزندن
تلف اولمشدی ؟ بر زمانلر قصه لرینہ کیرن اشقیانک قاتلی پچاقلرندن
پورده کاری اوبنایان ، او آجی کونلرک خاطرہ اریخی :

آغامه بیلیم نه اولدی ؟

ساراردی بکزی مولدی .

ترانه لرینہ روحلرندہ صاقلایان کیمسه سز قادینار ، شمدی آغالرندن
او غوللرندن ، یاردیمدن ، هرشیدن محروم ، مجهول افکاره ، قارلی طاغلاره
طوقه و قوشوب کیدیورلردی .

اطرائه اوشوشدیلر . بوروشمش ، قاتیلانمش ، طوبراقلاشمش
اللر ، یامالرینک ایبلکاری روز کارله اوچوشان پاچاوارلر آردسندن
اوزانیور ، هر آغزندن محجوب و متأثر برسس ایشیدیلوردی :
— اوغول ، بر لقمه اکمک ، آیاغک اویهم ، کولهک اولام .

ایچارندن اک یاشلیسی ، مانی کوزلرینی مستمندانه قالدیردی :
 — بردرلو اولمیز اوغل ، اللهده بوجانی آلبرکه ، دیدی .
 نه آجیقلی برلوحه بدی ! بوبدبخت خلق عصرلردنبری اولمک
 ایسته یوردی . ذاتا بویله بر حکومت ، بویله بر اداره آلتنده سورونمکنسه
 اولمک مزجج دکلیدی ؟

آجلق واولوم هر طرفده حکم سوریوردی . گاه فراتک جاغلایان
 و آغلایان ساحلدرنده ، قورقورنج قایالر آره سنده ، آج بر کوپک
 ارمیلر طرفدن اولدیرلش ، یولک کنارینه اهلکارانه بر اقلیمش بر
 تورک عشقی بارچه لایه بارچه لایه بیدیکی کورولیور ، گاه کوپک
 اوکنده ، دیشلری صیریتش چوجق کله لرینه تصادف ایدیلوردی .
 ارزنجان عادتاً تورک مقتلیدی . محله لر همان کاملاً
 دینه جک درجده خرابدی . اولرک بریشان و بیقیق دیوارلری
 کوستیوردی که ، ارمی ایله تورک آره سنده اک مدھش مجادلر
 بورالده اولمشدی . تورک اولری ده ، ارمی اولری ده خرابدی .
 تورک مزارلری ده ، ارمی مزارلری ده و بریشاندی . فقط سوقاقلرده
 قویولرده یاتان قانلری قورومامش تازه جسدلر ، ارمیلر طرفدن
 اولدیریلن زواللی تورکلردی . ارمی اولرینک مزین طاشلقلری
 آغاچلری هنوز چیچکله ن باغچهلری ، کنیش قان لکهلریله ملوندی .
 طار قویولرینه باقیلدیغی زمان ، کریه برقوق ، باش دوندیریحی بر تائیرله
 قابه باغینلق وریبور ، قویونک طاشلرینه یایشمش بدبخت تورکلرک
 صاچلری والسه بارچه لری کورولیوردی .

ویرانه لر ، یاقین یرلری ، دیوار دیبلری هب تورک اولولری
 قول بارچه لری ، قافا طاسلری ، یاغلی باجاق کیمکلری ، هنوز
 چورومه مش انسان کوکده لرله طولو ایدی . خلق متأثر و بریشاندی .
 چارشیده طولاشانلر ، یالین آیق ، یوزلری یاتمش ، انوابلری لیمه لیمه
 آجلقدن انسانلغی غائب ایتمش زوالیلردی . دکانلرک چوغی قایلیدی .
 دکانلرده خلقلک اعاشه سی تأمین ایچون اوت ساتیلوردی . قوماندانلقدن

باشقه یرده بغدادین اثر یوقدی . قوماندان بکک لعلی اولماسه ،
متصرفک بیله آجاقدن اوله جکی شهبه سزدی .

مزارلغه طوغرو کیتدم . برقاج کشتی قبر قازیورلردی . یانلرنده کی
حوالده برشی واردی . باقدم کنج بر آدم اولوسی ! ازیلش ، سیم
سیاه کسيلمش . البسه سی پارچه لاشمش ، آياقلى یاریسه قدر چورومش .
اوتوز درت یاشنده بر تاجر ایش . اقریاسی قویودن چقارمیشلر .
ارمنیلر ، بو طالعیز آدمی صویدقدن صکره بیجاقله پارچه لامیشلر ،
آولوسنی قویوبه آتمیشلر . درت چوجنی وارمش . بو فاجعه بی هم
آکلانیورلر ، هم ده یرتیق قوللرینک یکیکله کوزیاشلرنی سیلیورلردی .
استانبول بوفلا کتلردن بی خبردی . باطوم اشغال اولونمشدی .
استانبول پاشالری ایچون بر غنیمت ، بر سفاهت منجی الله ایدلمشدی .
درت سندر آنا طولیده آرتق صویولاجق ، صوغانه دوندوریله جک
یر قالمامشدی . شمدی باطومده هر حالده تجارت ایچون ، اکلنجه
ایچون برشی بولونا بیلیردی . انور پاشا ، یاسه ، یلک ، مشروبات ،
عیافت معارفی اولق اوزره ملتک خزینه سندن بیکلرجه لیرا صرف
ایدمرك باطومه قوشمش ، باطوم قادینلرینک خرافتنی ، باطوم غازلرینک
مبدولیتنی طویان جمال پاشاده محتشم بر قافله ایله باطومه گلشدی .
باطوم قلوبنده قونسرلر وریلیرکن ، ارزنجانده بابالرینک اولولرینی
ارمنی اولرینک قویولرندن چقارانلر ، قیلری ازیله رکه ، آج و پریشان ،
کوز یاشلری دوکویورلردی . قصبه نك هر طرفی ماتم ایچنده ایدی .
اوتوده ، بابالری قاچان بش اون ارمنی چوجنی ، قیرمنزی یاقاقلری ،
معصوم سیالریله تکرار اولرینه دونمشلر ، دیوار دیبلرنده بو بوللری بوکوک ،
طوپراقلر اوزرنده اولور دیورلر ، بریده برقاج تورک ، اوموزلرنده
چواللر ، چوققلرینک ویا بابالرینک نعلیشلرینی طاشیورلردی . انسا نلغه قارشو
یاییلان بو فحیج جنایت قارشینسده ، تورک وارمنی ، بوتون مسیبلرینه
لنت ایتمه مک غیر قابیلدی . ارزنجان نه قدر پریشانیدی ! تورکلر
وارمنیلر عصرلرجه دوستلق وصمیمتله یاشادقدن صوکره ، قان و آتش

ایچنده بربرندن آبرملشردی . شمدی بو کوزل یرلرده ماتم صدا سندنه ،
کوزیاشری ارمه سنده روحی ازن اینلاردن باشقه برشی ایشیدیلوردی .
هر طرفده قان ، ماتم ، اولوم ، آجلاق ، باشقه هیچ برشی
یوقدی .

آناطولی سفالت ایچنده ایدی . (بیجان) ده چوجوق باشلری
کورولور ، (ماما خاتون) پارچه لانتش اولادلرینی سینه سینه کومش ،
خراب جامعلری ، بیقلمش اولریله عادتاً آغلایوردی . ارمیلر آق
قویونلاردن قاله جامعی بر هوا ایتشلر ، اهلیدن پک چوق نقوس
قتل ایتشلردی . آشاغیده ، دره کنارنده ، کنیش بر چوقور
یوزلرجه تورک اولولریله طولو ایدی . قوقش انسان نعللری انوابلریله ،
چاریققرلیله بربرینه قاریشمشدی . بو جسدلر آریین یاغلی ، ازیلش
باشلری ، قویمش قوللری و آیاقلریله ییغیلر تشکیل ایدیوردی . صغیرجق
کومه لری بو طالعسر نعللرک اطرافنده ، صوغوقدن قاپاران سیاه
تویلریله اوتوشیور و اوچوشیورلردی .

آناطولی آجلقدن تلف اولیوردی . یکی کوی خاکی ، خرابلر
اورتاسنده اوت یمکله مشغوللردی . آرابه مزه اوکوزلرینی قوشان
یتشلک اختیاره درحال اکمک ویردم . بو ، اونک ایچون اک بویوک
هدیه اولدی . زواللی آدم ، اکمکه هان بوتون وجودیله صارلدی ،
برالی بویوندروقدی ، اوکمزده ، قارائقلر ایچنده دوشه قالقه ایلریلیور ،
نفس نفسه ، کسک برصدا ایله :

— قوربان ! صاغ اول . اوچ آیی وارکه اکمکه نه درکورمدهک ؛
اوت بیورز .

دیور ، درین بر اشتها ایله اکمی ایصیریوردی . یولارده کوی
خرابه لرندن باشقه برشی یوقدی . هیچ برکوبده تک بر انسان
کورولموردی . یول کنارلارنده انسانه متعلق تصادف ایدیلن شیلر ،
قول ، آیاق ، آل ، کله پارچه لریدی . قوجه (ایلجیه) هان بوم
یوشدی . بو کوزل موقعی صغیرجق کومه لرندن باشقه هیچ برشی

شئلندیرموردی . ایلجه خلقی ارمیلر طرفندن همان کاملاً دینه جگه درجده قانه بوغولشدی .

ارمیلرک ظلمنه اک زیاده هدف اولان تورک شهرلرندن بری ده ارضرومدی . ارضروم سوقاقلرنده بیکلرجه تورک نعلشی طوپلانمشدی . اسلام محله سنده ایکی بویوک او واردی که ، بورالری حقیقی مقتلاردی . بو اولردن بری مرسل افندینک ، او بری اذربیکلی حاجی عثمانک اوی ایدی . بو ایکی قوناق ، برجاده اوزرنده ، قارشلی قارشلیه در . بو قوشدن چیقیلیرکن ، صاغده کی اوک اوست قسمی یانمش ، آلت قسمی خراب برحاله . ایجری به کیرلیدیکی زمان ، دیواره قوجه بر دلیک کورونیور . ارمیلر یوزلرجه تورکی بو اوه طولدر اراق یزینله یاقشیلر . ایچلرندن بر قاج کیشی دیواره آچیلان دلیکدن قاجایه موفق اولمشلر . دیوارلرک انقاضی آلتنده تورک نعلشلرندن باشقه برشی یوق . طوپراق براز اشیلیدیکی زمان برانسان قولی چیقپورده . آجیلدجه ، باشی ، کوکده سی ، بوتون فیجاعتیه کورولیوردی . جسدلر اودرجه تفسخ ایش که ، باشلرینه دو قونور دو قونماز یینلری آقیور ، صیرتمش چککاری پارچالانیور ، یاغلی ، ملوث ، سیاه ، یانمش و ازیش انسان کوکسلری طوپراقلره بولانمش انوابلر ایچنده عریان و بریشان میدان چیقپوردی .

قارشیده کی اوده ده عین جنایت منظره سندن باشقه برشی یوقدی . ذواللی خلق بومدهش مقتلر اطرافنده آنالرینی ، بابالرینی آرامقله مشغوللردی . ارضروم عادتاً بر یانغین یرینه بکزییوردی . ارمیلر ارضرومی مدافعه ایچون روس طوپجی ضابطلری آلیقویمشلر . بونلر عائله لریله برلکده اسیرایدنشلر ، ارضرومده اولودیورلردی . بر آقشام زیارتلرینه کیندک . ضرورت و اسارت ایچنده بیله ملی حیاتلرینی محافظه ایدیورلردی . اطرافلری روسجه غننه لرو مجموعه لرله طولو ایدی . اک بویوک رتبه لی قوماندانلری بریوزباشیدی . یوزباشیلر کوروشدم . ارمنی مظلاندن بحث ایتدم ، و صوردم :

— بوقتالیری هپ روس ضابطلری اداره ایتش ؛ دیورلر .
 یوزباشی قیب قیرمزی کسیدلی . اردوسنه جانیک لکسی
 سوردیرمک ایسته مین مدنی برانسان طوریه آئی صالادی :
 — نیت ! بز هیچ قاریشماق . هپ ارمنیلر یادی . حق مانع
 اولق ایستدک . بزم قائم مقام بونلرک هسنی یازدی . اونک خاطراتی
 اوقویکیز ، دیدی .
 — پی ؛ اردوکز ضابطلری کتیدکلری حالده سز نیچون
 قالدیکنز ؟

— امر آلمان استحکاملری براقامازدق .

یوزباشینک بومطالعسی طوغری دکلدی ؛ بونلر ارمنیلرله برلکده
 ارضروم استحکاملری مدافعه ایچون قالمشلردی . اردونک کلخی
 اوزرینه قاجاماشلر ؛ ارضرومده اسیر اولمشلردی . مع مافیه روس
 ضابطلرندن یک جوغی ارمنیلرک قتال ترتیباتی خبر آلیر آلمان تورکلره
 یاردیم ایتشلردی . ارضروم اهالیسی روسلره قارشى بویوک برعداوت
 حس ایتيورلردی . تورکلرکده ، روسلرکده اک زیاده خصومت
 وفرت ایتدکلری ، ارمنی چته لریدی . انسانیت و مرحت حسلرندن
 کلیاً نجره ایدن بوچته لر ، امیلرینک حصوله کلمسندن کلیاً نومید ،
 راست کلدکلری کویلری بیقیورلر ، سلاحسز تورکلری فبیج بر
 صورتده اولدیریورلر ، کویلرنده قانندن و خرابه دن باشقه برشی
 براتقایلار قارص اوزرینه چکیلیورلردی . حربک ایلك سنه لرنده
 استقلال امیدلری ، تورکلرندن ابدیاً خلاص امیلرله آياقلانان ،
 ارمنیلری ده ، تورکلری ده یوقدن یرم فلا کتله اوغرانان بوچته لر ،
 شمیدی ، هر درلو امیلرندن محروم ، قانی اللری ، مأیوس و انتقام
 آرایان قیلرله قاجیورلر ، تورک اردوسنک تعقیب حرکتلری قارشیسنده
 کویلری صوبارق ، اولری بیقارق روسیه ایچلرینه طوغری صاوو-
 شیورلردی .

ارمنی و تورک مجادله سی یالکیز بونکله یتمه مشدی . طربزونده

باشلايان بومصارعه، كمری به قدر دوام ایتشدی. قارصده چارشیلرینی، ارزاق ده بولرینی یاقارق قاچان ارمیلر، (كمری) دده شهرک تسلیم اولاجغنی آكلار آكلاماز، توركلری بوغازلامایه باشلامشلردی. آرتق (كمری) ارمینی تورك قتالک صوك مرحله سیدی. قاتلی جنایتلرک صوك صدمه لری بوراده ختام بولیوردی. طربزوندن كمری به، بتلیس ووان حوالیسنه قدر دنیانك اك كوزل محرارلی قاتله لككلمش، انسان نامنه همان هیچ برنفوس قالمامشدی.

توركدن ده، ارمیندن ده بوفجیع مقاتله لرده جانلرینی فدا ایدنلر هب معصوملر، هیچ برشیدن علاقه دار اولمایان زواللی کویلولردی. بوفجیع ومعظم جنایتی ایقاع ایدن اتحاد وارمینی چته لری یكمرمنجی عصرک مدنی ناصیه سنه سیلنمز برقان لكسی صیچر آتمشلردی.

عقله، عرفانه علاقه لری اولمایان قومته لره قاتلی اللرینی بشریتك اك طالعسنر خلقنه اوزاتمشلر، اونلرک جگرلرینی قوبارمشلر، ذاتاً باچاوره لر ایچنده انسانلغك ذوقندن وسعادتندن حصه مند اولامه رق یاشایان یوز بیكلرجه مخلوق قان و آتش ایچنده بوغمشلردی.

بوتون بوخرابه لر ایچنده، طربزون كمری یولی اوزرنده قتاله وخرابی به اك زیاده معروض اولان، ارضرومدی. طاش خانلرک جبهه لرنده مرمری یاره لری کورولیوردی.

سوقاقلرده پریشان قیافلی اختیارلردن، اوکسوز وییچاره چوجقلردن باشقه کیمسه کورولیوردی. طاغلر ایصسر و خوف، کنیش اووانك کنارنده اوزانیور، یوکسك قاواقلر اوزرنده مدیل صدالریله قارغه کومه لری اوچوشیوردی. اختیار بر ارضروملی، خراب بر چشمه نك کنارینه اوطورمش، اوکسوز قلبنك درین کوشه لرندن قوبان ملی بر نغمه ایله، آغلار کبی، ایکلر کبی، غریب وییکس بر سسله اوقویوردی:

آغلار بمقوب آغلر یوسف دیو
کیتدی ده کله دی واه اوغلام دیو

آه .. ارضرومده یوسفی ایچون آغلایان ، ارمنی خنچرلری
آئینده شهیداولان ، قاقارلی کوتوکلر اوزرنده کسلان ، قانی جسدلری
خرابه لرده یاتان نه قدر یعقوب واردی !

ارضروم وارزنجان ، غریب نغمه لرله بوتون عثمانلی وطننده
ابدی عکسلر براقشلردی . بر زمانلر ارضروم ، بو حسین نغمه لرله
اک شوخ تورکولری سویلردی . شمدی بو طالعسر شهرده فریادون ،
ماتم صداسندن باشقه بر سس ایشیدیللوردی . بر زمانلر بو کنیش
صحرالر اوچ طوغلو باشلرک چادرلرله ، آتلورلرله طولار ، ایچ
قلعه ده کی سرایلرده طبل و کوس آوازه سی افقلری چینلنیردی .
شمدی اووالر بوش ، قلعه لر خراب ، اوجاقلر سونمش ، بویونلر
بوکولمشدی . ارمنی ظلمی ارضرومده فجیع و قانی بریانغین خرابه سی
براقشیدی . روس استیلاسی ارمنی فجایی یاننده هیچدی . یانمه
طوغرو بر ضابط ایلرله دی . متأثر بر صدا یله آکلاندی :

— عزیزم . بو کوردیکمز ، شهرک الئیز خالیدر . بوسوقاقلر
هپ قادین ، چولوق چوجق اولورلرله طولولایدی . قادینلرک مملری ،
حق ال نا محرم عضولری دیوارلره چاقلمشدی . شو تلغراف تللرینه
هپ چوجق جگرلره آصیلشمشدی . قادینلری دشلمش ، چیرچیلان
قادین نعلری ، کچه جکمز یولک ایکی طرفنه دیزیلشمشدی . طالعسر
ماتمزک بو حالنی کوردیکمز زمان ، عادتا تهن ایده جک بر حاله کلشک .
ارمنیلری تهجیر ایدنلری هیچ شبهه سز ، بز یانماسه ق بیله ، آوروپا
تجزیه ایده جکدر . فقط باقم ، مدنی آوروپا بو معظم جنایتکده
فاعللرنی آرایه جتمی ؟ تاریخ بویله بر وحشت قید ایتمه مشدر . هله
بوفلا کندن قورتولان ارضروملرله برکوردوشکمز ، ایشیده جککمز
جنایتلر توپلریکزی اور برتیر . ارمنیلر اویله محترم شیخلری اقامشلردرکه ،
قوردوشونلر وخنچرلره تهدید ایدرک کندی کوزلری اوکننده باکر
قیزلرینه جبر آفعل شایع اجرا ایتدیرمشلردر . اویله معصوم قیزجغزلر
طوتمشلردرکه ، جانوارلر کی اوزرلرینه هجوم ایدرک اک حیوانی

انتقاملری بی کناه وجودلرندہ آملش، سوکنده برسونکو ضریره سیله قارنلری ده شهرک یانغین یرلرینه آملشدر. بزمن هفته لرجه بونعشلی طیو بلامق ، فوطوغرافیلری آلق وکومکله مشغول اولدق . شهره کیررکن بول کنارلری برکورسه ایدیکز ! ایکی طرفه هب قادین نعشلی دیزیلشدی . قادینلرک نامحرم یرلری پارچه لاش، اوزرلرینه ارکک عضواری صوقولمشدی .

لالا مصطفی پاشا جامعه کتدم . شادروانلرندن طاتلی زمزمه لره صولر آقوردی . شوکت وعظمت دوریمزک بونفیس آبدسی ، اوغرا دینی تجاوزلره مجروح ، دلیک دشیک دیوارلری، چینیلری سوکولش پنجره لرله قلبه حزن ویریوردی .

اطراف کاملاً خرابدی . یانغین یرلرندہ سیاه دیوارلر، قارارمش پنجره بوشقلری کورولیوردی . برزمانلر، بوتاریخی بلده ده عثمانلیلک سطوتیه افتخار ایدن برار یکتیلرک صوک نسلاری، شمدی موسقوفک چیزمه سی ، ارمینک بالطه سیله تلف ایدملش، کیمی خندقارده، کیمی انقاض آلتنده یاره لی کوکملریله یاتیورلردی .

جامعک قاپیسنه طوغرو باقدم . صاغ طرفده کوزل بر نسیخه یازیلان کتابه نک صوکارینه طوغرو شوسطرلر اوقونیوردی :

• اولاد و امجادمزدن وزراء عظام و وکلاء کرامدن هرکیم دولت عثمانیه بو ظلم و بدعتاره رضا ورر ایسه فعلیهم لعنة الله والملائكة والناس اجمعین،

سلطان محمد رابع ، ارضروم خلقنی بوفرمالنه بدعتلردن عفو ایدیور ، سرحد دیارینک قهرمان اها لیسنی ممتاز بر موقعده بولوند . یرییوردی . شمدی سلطان محمد خامس دورینک زورباری ، خاقی بدعتلردن قورقارمق شویله طورسون ، جهلاری وغفلتاریله دشمن آیقلمری آلتنده چیکنه تملش، ظالمانه اداره لرله اوناره دشمندن زیاده قتالق ایتملردی . بوتاریخی شهرک یاتیق دیوارلری آره سنده یوکسلن جامعلره ، بو طوپراقار آلتنده یاتان طالعزلره ، بوسوقا قارده ،


نیوکولش بلاری ، قیریش املاریلہ طولاشان خلقہ باقدم . کوزلرمدن ،
 بی اختیار ، یاشلر دوکولیور ، قلبمک الک درین بر نقطہ سندن آجی بر
 نانکسار ایشیدیوردوم :

فعلیہم لعنة الله والملائكة والناس اجمعین












3 1761 06981485 3



Refik, Ahmet
İki kōmīte, iki kıtāl

DR
571
R4